

APPARATUS
A D
HISTORIAM
NATURALEM
Sanguinis Humani,

A C
Spiritus præcipuè ejusdem liquoris

AUTHORE
ROBERTO BOYLEO
Nobili Anglo, regię Societatis Socio.

PARS I.

Ex Anglico sermone in Latinum
traducebat D. A. M. D.

*Et si enim haud pauca, eiq; ex præcipuis, supersint absol-
venda, tamen consilium est univèrsùm opus potius pro-
movere in multis, quàm perficere in paucis. Verulam.
in Præfat. ad Histor. Natural. & Experiment.*

LONDINI,
Impensis Samuelis Smith ad insigne Prin-
cipis, in Coemiterio Divi Pauli,
MDCLXXXIV.



PREFATIO

A D

*Virum summè ingeniosum, summe-
que Eruditum Doctorem J. L.*

QUamvis, quòd non invitus
fatebor, medici non pauci
fusè doctèque, atque eo-
rum etiam nonnulli sanè
perquam disertè Sanguinis quasi
panegyrim egerint, dum quàm no-
bilis, excellènsque liquor sit, ex-
posuerunt; hi tamen, veniam ut
spero dabunt, si dubium omnino
pronunciem, an non foelicius ipsius
laudes celebrarint, quàm ejusdem
nobis naturam detexerint. Licèt
enim laudanda sanè hujus in quo
vivimus sæculi curiositas, varia
ab antiquis non accepta nos docu-
erit,

Præfatio.

erit, quicquid hæctenus humanum circa sanguinem generatim scitur, mancum adhuc ni fallor, mutilumq; est, nititurque observationibus magis, quàm experimentis: generalem quippe hanc notitiam peperere potius Phænomena quæ ipsa medicis natura sponte suppeditavit, quàm experimenta industriè facta ad inveniendum id quòd ipsa, arte non provocata, nunquam detegit. Non eò progrediar temeritatis ut asseram solidas Corporis partes contemplari, fluidas vero, Sanguinem præsertim, propius non inspicere, quemadmodum Anatomici plurimi fecere, non minus absurdum fore in medico, quàm si quis de cadi tantùm fabrica sollicitus contentum intus vinum prorsus negligeret; at quanquam comparisonem adeo severam instituere nòlim, cum tamen mecum ipse perpendo inter Corporis Humani partes Sanguinem

Praefatio.

nem præcipui esse momenti; quem admodum enim quamdiu legitima est ejus constitutio, motusque ordinatus, alimentum, vigorem, motum, ipsamque adeo & sanitatem & vitam reliquis viventis machinae partibus tribuit, ita pariter aut vitiatum sanguis, aut (quod sæpissimè illius depravationis effectus est) inordinatè motus, causa est variorum, sedesque morborum, quorum proinde curatio ab ejusdem rectificatione omnino pendet; cum inquam hæc mecum ipse perpendo, tanti argumentum momenti aut hactenus neglectum suspicor, aut necdum ea, quæ par erat peritiâ, industriæque tractatum: sed nequaquam seriò, ut spero, mecum tu agebas, dum me ad hunc defectum tollendum, atque ad afferendam aliquam huic malo medelam sollicitares: neque enim, nosti, medici mihi partes assumo: cum itaque

Praefatio.

medicus non sim, multiplici me oportunitate carere necesse erit quorum qui medicam profitentur artem, potior longè fit conditio: Licet autem non negem pluribus jam abhinc annis proposuisse me ingeniosis quibusdam medicis historiam fluidarum partium corporis, ut humorum, aliorumque succorum, atque etiam spirituum, quin & speciatim variarum quaestionum construxisse catalogum, variaque fecisse experimenta ad Sanguinem pertinentia, cum tamen ea jam scripta perierint, longoque temporis tractu, atque studiis alterius omnino generis quæ magis speciatim continebant, memoria exciderint, vix jam alicujus quidpiam momenti ad propositum à te scopum conferre possim. Quia autem facta tuo jussu scriptorum meorum investigatio hætenus exitit inutilis, & quoniam tum temporis ea mihi exciderunt,

Præfatio.

exciderunt, cum & robustior mihi valetudo forer, plûsque otii quàm nunc suppeteret, cùmque argumenta ad artem medicam spectantia frequentius meditarer, quæ jam de Sanguine ad te transmittam, non ea tantùm quæ dici debere, sed ne ea quidem, ni fallor, quæ de eodem ipse dixi, exæquabunt. Quæ non eo à me consilio dicta sunt, ut mandata tua, impositamve à te provinciam subterfugiam, sed ut tu imperitam adeo obedientiam excusare ne graveris. Cum enim in medium adduci à me velis quicquid facta iterum perquisitione, eorum quæ perierant, humanum circa Sanguinem mihi occurrit, hac super re satis tibi fiet in tractatu proximè secuturo qui tribus maxime partibus constat: quarum prima seriem titulorum complexa est [quos primi ordinis ob rationes in *admonitis* circa easdem dandas voco] titulorum inquam ad natura-

Præfatio.

lem medicamque Sanguinis Humani historiam spectantium, qui eos, quibus melior nullus ductor adest, dirigere ac docere queunt, quas proponant quæstiones, & ad quæ potissimum capita eas referre debeant, in quas vel observatione, vel experimento inciderunt. Sed quia hæc pars meros tantum complectitur titulos [cujus tamen Systema, utilissima forte totius hujusce tractatus pars futura est] & quoniam otium mihi deerat, nec ea mihi suppetebant quibus vel omnes, vel plerosque titulos implerem, convenientius facturum me existimavi gemino in argumento, sero scilicet Humani Sanguinis, quod naturalis, Spirituque qui factitia ejusdem pars est, quædam præbere specimina eorum quæ aliis in argumentis mihi proposueram, exemplaque nonnulla iis qui in conscribendis Historiis Naturalibus minus sunt versati, quam

Prefatio.

quàm mihi per generalem scopum, cursúmque studiorum esse licuit. Quæ autem de utroque hoc argumento dicuntur, tertiam, & quartam hujus tractatus partem constituunt. Quod ad alios titulos Historiæ Sanguinis spectat, satis habui, quod festinare, eos, prout fortuitò occurrebant proponere, interjectis identidem historicas inter notas experimentis quibusdam, quæ prius ut specimina tantùm quædam designaveram, è quibus lux aliqua oriri possit, quicumque demum eventus foret. Hæc propriarum rapsodia observationum, unam quatuor partium, ordinéque secundam constituit eorum ad quæ tibi hoc tempore offerenda tua me mandata impulerunt; eritque cur læter plurimum, si tuis parendo imperiis, quibus summa semper animi voluptate parere soleo, quasi *fracta*, ut aiunt,

Praefatio.

glacie, promovere queam Humani Sanguinis historiam, tam nobile, adeoque publicæ utilitatis opus. Qua super re, ne ipso porticus ædificio major evadat, duo tantum hæc præmonebo: Primo itaque, sequenti in tractatu non constitui agere de hoc argumento quatenus, ut ita loquar, in *fieri* considerato, alioquin omnem Sanguinis mutationem, processumque omnem ab alimentis primum in os immissis ad plenam eorundem elaborationem, exponere necesse fuisset; quod perinde foret ac si ipsam sanguificationis historiam æquè ac Sanguinis conscribendam suscepissem: de hoc igitur liquore agere decrevi ut plenè integrèque elaborato, non tamen ut in vasis viventium contento, sed ut extravasato, lanceolâque è venis emissio: quem tantum circa Sanguinem aliqua faciendorum experimentorum

Praefatio.

mentorū opportunitas mihi suppetebat. Primo huic monito hoc jam alterum subjungo: de Sanguine Humano, ut ipse satis titulus indicat, in sequenti tractatu ago, qui à sanis tantum corporibus extractus sit; tum quia, cum artem medicam non profitear, nulla aderat opportunitas inspicendi propius eorum Sanguinem qui peculiaribus morbis affliguntur, (quod non parum ad plenam sanguinis historiam conducere potuisset;) tum quia notitia Sanguinis sanè rectèque constituti indicat quibus & quot gradibus à perfecto statu Sanguis in ægrotis declinet, juxta receptum illud ab omnibus axioma, *Rectum est index sui, & obliqui.* Quapropter schema titulorum ad sanguinem sanum spectantium facem præferre poterit ei, qui historiam morbidī aut depravati Sanguinis in particulari

Præfatio.

aliquo morbo, ut pleuritide, quar-
tana, hydropo, scorbuto, &c. con-
scribere vellet. Instituta enim
comparatione qualitates inter, ac-
cidentiæque vitii, sanique san-
guinis, in præmemorato titulorum
systemate tradita, non erit ardui
opus laboris, medico præsertim, sta-
tim conicere ad quæ potissimum
capita referri oporteat ea quæ à
sani sanguinis dotibus multum
recedere animadverterit; hi autem
recessionis, aut depravationis gra-
dus, facta particularium quorum-
dam, si quæ occurrant, additione,
conflabunt. Historiam Sanguinis
prout in eo particulari morbo vi-
tari solet: generatim enim lecto-
rem admonuisse semel satis & su-
pervacaneum quoque fortè fuerit
in omnibus aliis Sanguinem hoc
morbo laborantium non absmi-
lem esse sanguini sanorum, ac
rectè valentium.

Tra-

Traductoris Præfatio

A D

LECTOREM.

E*A est hujus in quo vivimus
sæculi sagacitas, ut omnes
veræ scientiæ cultores non
Peripateticorum tantum
more de proposito quovis argumento
subtiliter, in utramque partem, ac
probabiliter disputare, sed factis
etiam quantovis labore, sumptuque
experimentis res propius ipsas in-
tueri velint. Hos vero inter qui
totam jam per Europam nec pau-
ci sunt, nec infimæ notæ, præcipu-
um Boylius, atque, ut quid senti-
am*

Traductoris Præfatio

am ingenuè dicam, principem etiam obtinet locum; cum Experientia ubique duce facem hic præferat, quam erroris securi sequantur Philosophi omnes, necnon Chymici, atque adeo etiam medici, cæterique nudæ veritatis amatores; neque enim privato, sed humanæ reipublicæ bono sua consecravit studia, suosque, qui quotidiani sunt, devovet labores, iis sane sumptibus, quibus pauci ferendis pares forent, eoque, qui hætenus, meo quidem iudicio, nemini adhuc contigit, successu: quod quàm minimè a veritate alienum sit testatur nomen ejus non jam per omnes modò Europæ partes clarissimum, sed ad exterarum etiam distitasque nationes fama delatum; testatur communis patriæ, licèt vix in patria Propheta quis sit, atque popularis sine invidia applausus; testantur etiam, vel me tacente,

ad Lectorem.

tacente, tot doctissima ingeniosissimaque publicos conscriptæ in usus lucubrationes, pluribus jam linguis vulgatæ, quarum etiam quædam, haud ita pridem veste, ut audio, Turcica donatæ sunt; testabitur denique hoc ipsum quod edimus ejusdem authoris opusculum, Chymicis, atque etiam medicis, cum de Sanguine Humano agat, ac Philosophis quoque omnibus perutile futurum, atque etiam fortè necessarium: ut enim prænobilis author noster in sua ad lectorem præfatione ait, Ipsi etiam medici, quorum res præcipuè erat, Sanguinis laudes celebrarunt plerique felicius, quàm naturam ejusdem detexerunt. Cui hoc in tractatu obviam itum est incommodo. Certis enim hic ubique experimentis, ad ea, ex quibus constat, principia Sanguis reducitur, ut genuinam ipsius, ac nativam indolem ignorare qui nolit.

Traductoris Præfatio

nolit, nemo possit. Quamvis autem bene valentium tantum Sanguinem author describendum suscepit, non est quod quisquam sibi persua- deat historiam hanc minus prop- terea medicis fore utilem: cum enim, ut vulgatum fert adagi- um, rectum sit regula sui, & obli- qui, ex cognitis sani sanguinis dotibus, ac natura, facili quis compendio, nulloque pene nego- tio, quod opposita juxta posita magis elucescant, atque eadem sit contrariorum scientia, sanguinis vitiiati affectiones didicerit: quot autem, & quàm utilium, & quàm abstrusarum rerum mysteria hic Chymicis tractatus aperiat, in- patulo est: Philosophis quoque omnibus, deditisque speculationi ingeniis, secundam ingentium voluminum segetem hoc opus mi- nistrat: quod proinde vel hoc nomine maximi ab omnibus fieri debet:

ad Lectorem.

debet : quot enim & quàm varia
suggeruntur in eo capita, quibus
ad pleniorẽ adhuc Humani
Sanguinis Historiam facilis ster-
nitur via : quàm verò nova &
quàm scitu digna de nobilissima
Sanguinis parte, Spiritu inquam,
quarta hujus tractatus pars lecto-
ris oculis subjicit !

Quod autem ad ipsa, quæ ha-
bes hic, experimenta spectat, sat
dixisse superque fuerit, esse Boy-
liana ut de indubitata eorum
certitudine omnibus omnino con-
stet, qui celebre Boylii nomen audi-
verunt ; quia enim nihil publici
eum juris facere quod severa pri-
us experientia trutina non fue-
rit examinatum, omnibus jam
ubique per Europam innotuit,
Boyliana non pauci experimenta,
tacito, non levi ingrati animi no-
tâ, authoris nomine in lucubratio-
nes suas transcripserunt, eo haud
dubiè

Traductoris Præfatio

dubie consilio, ut nomen sibi, famamque conciliarent, dum plurima quæ ob tanti viri testimonium veritati summè esse conformia probè norunt, ut laboris ingeniique sui partus in medium adducunt. Imitari profectò potius ejusmodi alienorum operum fures deceret æquissimum omnibus Boylium, qui ne verbum quidem ex quoquam, tacito authoris nomine, atque nisi facta etiam honorifica ejusdem mentione, mutuatur unquam. Sed ut sciolos hosce pluribus perstringere supersedeam, de ipso traductionis modo methodoque pauca dicam & paucis.

Cum prima virtus orationis perspicuitas sit, eam peculiari ubique studio sectatus sum, ac ni fallor, etiam affectus, verba authoris, sensumque, quod utrumque sinceri traductoris munus est, quantum latine orationis contextus patetur,

ad Lectorem.

tur, expressi : temperatum ubique dicendi genus, ut proposito aptissimum argumento retinui; vocabulâque adhibui licet non ubique Tulliana, neque enim solus omnia Tullius habet, artis tamen propria, & quibus si viveret adhuc, simili in argumento Tullius ipse haud dubiè uteretur. Ut enim nova plurima ætas hæc, siquæ unquam alia, sanè sagacissima, adinvenit, ita quoque novas rebus novis exprimendis cudi voces necesse fuit : sed ne diuturniorem tibi fortè festinanti injiciam moram, Vale, nostrumque, in promovendo hoc publico bono, qualemcumque conatum æqui bonique consule.

D. A. M. D.

Histo-

• 1129023-66

525. A. A.

PARS PRIMA

*Historiæ humani Sanguinis
titulorum ad eandem cata-
logum, cui observationes
quædam præmittuntur, com-
plexa.*

UT verus sequentis schematis
titulorum, aliorumque mul-
torum quæ variis super argu-
mentis construxi schematum,
scopus, melius, distinctiusque intelligatur,
mutuari me oportebit locos quosdam ex
tractatu nondum in lucem edito, aut
epistolâ potius ad Dominum Oldenburgh
Regiæ Societati à secretis de methodo na-
turalis historiæ conscribendæ: Tria ita-
que, eo in tractatulo proposui capita, ad-
quæ obvia, particularia, propriæque spe-
ctantia ad historiam rei de qua agendum,
sive illa *corpus*, sive *qualitas*, sive *proces-
sus* fuerit, hoc est, progressiva mutatio,

2. *Historiæ Humani Sanguinis*

aptè convenientérque referrí possint. Distinctos hos quæstionum quasi Catalogos, ordines voco, seu classes: quia autem experientia patuit res naturæ nonnihil discrepantis ad quamlibet illarum classium fuisse referendas, quales sunt quæstiones magis propriè ita dictæ, propositiones sive affirmativæ, sive negativæ, aliæque naturalis historiæ capita, minùs apta ut ad duo priora genera reducantur, quàm ut tanquam argumenta per se tractanda considerentur. Ob hanc inquam rationem, variásque alias ob causas omnia hæc particularium topicorum genera, seu articulos inquisitionis, ut illustris Verulamj nostri utar phrasi, generali latèque patente titulorum nomine comprehendendos putavi.

Primam hanc titulorum classem ex obviis constare velim, facileque, ac statim contemplanti primùm generatim argumentum tractandum occurrentibus. Vix enim expectari potest ut quis primo statim conatu tam lynceus sit, vel tam fortunatus ut incidat in methodos indagationis, aut disponendi, digerendí, tradendique quod detectum est, æquè directas, expeditas, ac compendiosas, atque

atque ubi semel diligens laboris atque perquisitio plenior argumenti tractandi notitiam subministravit.

Quare vice prima sat superque fuerit si mens objectum contemplandum quasi circumeat, atque quaquaversum speculetur, observatis hinc inde variis ejus aspectibus, varioque quasi vultu. [Ut quando Pictor, aut Anatomicus contemplatur hominis corpus, conversa nunc ad se, nunc averfa facie] observetque limites, ac terminos ejusdem, ac præcipuarum partium, maximèque essentialium, aliarumque rerum eò spectantium: quare in prima titulorum classe non est quod quis nimium sollicitus sit de enumerandis, ordinandisque particulis ad eam reducendis, sed titulos quis, varios satque latè patentes quærat potius, quàm nimium accuratè methodicos, multoque minùs peculiari cuiuspiam hypothefi adaptatos.

Et quia primo etiam aspectu, nonnulli, licet forte perpauca, eorum titulorum fecundi satis videantur ut ad eorum quemlibet duo, aut etiam plura topica magis particularia referri possint, methodi tamen causa, capitales titulos,

4 *Historiæ Humani Sanguinis*

hoc est titulos primæ classis, *primarios*, & subordinatos, *secundarios* vocandos putavi: cujus distinctionis exemplum insigni occurreret in iis quæ deinceps circa spiritum humani Sanguinis tradituri sumus. Sedecim enim tituli unâ cum appendice in epistolari isto discursu contentâ, secundarii tituli sunt, ad *primarium* cum referendi qui decimus octavus est in prima classe historiæ humani Sanguinis.

Cum lectione, collatione, meditatione, &,
[quod hic præcipue considerandum venit,]
Experimentis in topicis primæ classis
propositis quàm maximam potuit Argumenti tractandi notitiam physicus acquisivit, aliam jam titulorum classem construere poterit, quæ Secunda, si nulla alia mediet, dicetur, aut postrema eorum classis, quæ, si diligens fuerit, nec omnino caruerit successu, copiosior futura est, ordinatiôrque primâ. Jam enim probabiliter multa ad argumentum historiæ pertinere judicabuntur, quæ quis prius non animadverterat, imo forsanne cogitaverat quidem ad illud pertinere: ulterior autem rei tractandæ notitia historicum dirigere poterit ad topica, seu
titulos

titulos suos juxta methodum magis naturalem coordinandos, quam prius primæ titulos coordinarat. Quodque majoris longè momenti adhuc est, multi ac forte etiam plerique particularium titulorum latiùs longè patere comperientur quàm primùm credebantur: ita ut Titulus quipiam particularis varios in articulos subordinatos, quos superiùs titulos *secundarias* diximus, subdividi possit; quorum aliqui tot forte comprehendent experimenta, observationésque, quot primo statim aspectu primario titulo contineri credebantur: atque ex rebus ordine collectis sub hac ultima serie, classéque titulorum, factis nonnullis quoad methodum, connexionémquè, aliáque quædam addititia, ut transitiones, &c. mutationibus, ope inquam ejusmodi alterationum, & additionum, particularia, ex quibus, classis postrema constat, digeri formarique poterunt in inchoatam argumenti ad quod spectant historiam: inchoatam dixi, ut insinuarem his etiam omnibus observatis futurum probabiliter, ut historia hæc videatur incepta potiùs, quàm perfecta: Ea enim est rerum natura, hominùmque peritorum fertilis

6 *Historiæ Humani Sanguinis*

adeo industria, ut argumenti ad historiam spectantis notitia indies illustranda sit: quare augeri ipsa, & emendari historia poterit, quæ tamen, vereor, si forte, unquam, non nisi multa post sæcula omnibus absoluta numeris futura sit.

Hic autem loci addam, cum argumentum tractandum latissimè patet, aut est valde arduum, qualis est generatio viventium, magnetismus, fermentatio, gravitas, &c. Perquam utile fore, imo fere necessarium, ut titulos inter ultimæ, primæque classis, ordinem titulorum statuas, qui secundus, mediûsve ordo dici poterit: ad quem construendum seriò sedulòque naturam argumenti historicus contempletur, comparètque inter se diligenter ea omnia, quorum notitiam propriâ consecutus est industriâ, ut competentem particularium numerum variis primæ classis titulis subministret: accuratior enim hæc comparatio, multa verosimiliter nova ipsi suggeret topica, quæ prioribus addita novam meritò classem constituent, articulis copiosioribus ac magis discrepantibus, quàm fuerint articuli classis primæ, constantem aptisque ut alium juxta ordinem disponantur. Dicta fortè,

fortè, & mox adhuc circa varias titulorum classes dicenda illustrabunt quæ mox additurus sum.

Cum igitur argumentum naturale proponitur historicè tractandum, quidpiam occurrere potest, haud absimile ei quod Israelitis ad terram Canaan accedentibus contigit. Primo enim in eam ingressu, Joshua, alique speculatores obiter tantum, cursimque regionem speculati sunt, quam neque nisi imperfectè admodum describere potuerunt, allato tantum præcipuorum fructuum manipulo: at altera suscepta expeditione, novisque instructi mandatis speculatores, ut scilicet inquirendi laborem particularibus inquisitionis articulis quibus responderent, sublevarent, in tabulis methodicis, ac Schematibus copiosiore longe, magisque distinctam fertilissimæ terræ Canaan Chorographiam exhibuerunt: fieri vix potest ut primâ statim vice tituli, sive primarii, sive secundarii naturalis historię, fiant adeo late patentes; eaque contrahantur industria ut nec augeri egeant, nec emendari ab eo qui ulteriorem in practica argumenti tractandi Scientia progressum fecerit; necessarium itaque

aut saltem perquam utile judicavi editioni primæ titulorum, cujuslibet historiæ naturalium à me descriptarum appendicem subjungere duplici particularium genere constantem, *Paralipomenis* scilicet, aliisque *Addendis*: quorum priora continerent ea quæ reduci propriè possunt ad unum aliquem aut plures titulorum, sive primariorum, sive secundariorum in Schemate Historiæ distinctè enumeratorum, sed quæ vel ob præcipitantiam, vel inadvertentiam iisdem non inserta fuere. Posteriora novis constant particularibus; historiâ jam Conscriptâ detectis, sive hæc particularia ad precedentium Titulorum aliquem directè pertinerent, aut generatim tantum ad argumenti illustrationem nonnihil conferre possent.

TITULI

TITULI PRIMI ORDINIS,

ad

Naturalem humani Sanguinis in hominibus sanis historiam.

1. **D**E coloribus Sanguinis humani Arterialis, & Venalis.
2. de odoribus Sanguinis humani, ejusdemque sapore.
3. De calore Sanguinis humani è vena recentis.
4. De inflammabilitate, aliisque qualitatibus sanguinis humani.
5. De aereis particulis naturaliter humano sanguini commixtis, atque etiam in distinctis ejusdem partibus repertis.
6. De specifica integri humani sanguinis gravitate.
7. De specifica gravitate duarum obviarum partium humani sanguinis, rubræ & (fibrosæ) serosæque.

8. De

10 *Historia Humani Sanguinis*

8. De consistencia humani sanguinis integri.
9. De dispositione humani sanguinis ad concretionem, deque concretionis tempore.
10. De liquoribus, & salibus humanum sanguinem coagulantibus.
11. De liquoribus & salibus sanguinis humani dissolutionem prohibentibus, eundemque coagulatum dissolventibus.
12. De liquoribus, &c. humanum sanguinem conservantibus.
13. De mixturis humani sanguinis ab alimentis.
14. De spontanea aut naturali humani sanguinis in partes serosas fibrosasque resolutione.
15. De diversa quantitate serosæ fibrosæque partis sanguinis humani.
16. De differentiis serosas inter portiones partis rubræ sanguinis humani.
17. De artificiali, chymicæque sanguinis humani analysi, ac primo spirituum.
18. De sale volatili sanguinis humani ejusque configuratione.
19. De phlegmate sanguinis humani distillati.
20. Degeminis sanguinis humani oleis.
21. De

21. De sale fixo sanguinis humani.
22. De terra damnata sanguinis humani.
23. De proportionem discrepantium substantiarum à sanguine humano chymicè extractarum.
24. De fermentatione, aut putrefactione sanguinis humani, ejusque phænomenis.
25. De mechanicis humani sanguinis usibus, ut in agricultura, &c.
26. De medicis humani sanguinis usibus.
27. De chymicis humani sanguinis usibus.
28. De differentiis humani sanguinis in subjectis temperamenti discrepantibus, diversisque in circumstantiis, ut viris, mulieribus, quando menstruæ & quando non, pueris, Mauris, Negrois, &c.
29. De affinitate differentiæque hominum inter, variorumque aliorum animalium sanguinem, ut quadrupedum, avium, piscium insectorumque sanguinorum.

APPENDIX,

Complectens,

1. **P**Aralipomena ad historiam humani sanguinis spectantia.

2. Miscellaneas observationes, experimenta, & quæstiones circa humanum sanguinem, ejusdem historiæ superaddenda.

Cum jam præmonuerim in sequenti tractatu agere me de sanguine tantum extravasato quod alius nullus, quem experirer ad manum foret, non erit ut opinor cur quisquam miretur si in superiore schemate titulos hujusmodi non reperiatur; nihilque dixerim,

De processu sanguificationis seriæque mutationum quibus obnoxium est alimentum ab eo tempore quo in os immittitur donec vertatur in sanguinem.

De motu, circulationeque maxime sanguinis.

De Chylo, lymphâ, aliisque liquoribus sanguini, ut vulgo creditur, commixtis.

De

De humoribus, phlegmate, felle, melancholiâ: utrum scilicet reipsa constituentes sanguinis partes sint, atque utrum aliæ quædam substantiæ pari jure ejusdem partes dici nequeant.

Hi, ut dicebam, aliique fortè nonnulli adhuc tituli addendi erant, nisi de sanguine humano à corpore tantum separato agere decrevissem, optoque ex animo ut tu, cujus humeri huic aptiores provinciæ sunt, hos implere titulos velis, quorum quidam erunt, præliminaria, alii appendices ad inceptam à me sanguinis historiam.

Nequè fortè abs re hîc fuerit subjungere, designasse me quondam naturalem aliorum corporis humani liquorum æquè ac sanguinis historiam, ut fellis in lymphâ, succi pancreatici, urinæ, salivæ, lactis, &c. Sed statim animadverti id muneris medicorum esse proprium, iisque proinde permittendum: hîc tantum exigui speciminis instar subjungam classem titulorum ad Historiam urinæ, quæ licet ob suam cum sanguine affinitatem titulos plures cum eodem communes habitura sit: quidam tamen rei conformiter naturæ diversi futuri sunt. Quem idcirco
liquorem

14 *Historiæ Humani Sanguinis*

liquorem seligo, quia asserere audeo, quod præmeditatus loquor, diuturniorque tempore examinandæ urinæ, quam sanguini ipsi insumpto, in ea me esse mente, urinam, quantumvis ab aliis despectam, ferè seduloque à Medicis, Naturalistis, variisque ob causas à Chymicis ponderandam, ac considerandam esse, qui perito dexteroque hujus liquoris usu, ad majoris fortè momenti quædam indaganda, tum in arte medica, tum in alchymia animabuntur, cum præsertim *Phosphorum* cujus tot talibi, tam nova adeoque quædam stupenda retuli phænomena, ex urina tantum distillata, meam saltem juxta methodum confectum esse animadverterint.

TITULI PRIMÆ CLASSIS,

ad

*Naturalem humanæ urinæ à
sanis hominibus emissæ hi-
storiam.*

1. **D**E coloribus humanæ urinæ.

2. **D**E sapore humanæ urinæ.

3. De

3. De odoribus humanæ urinæ recentis ac putrefactæ.
4. De specifica humanæ urinæ gravitate.
5. De calore & frigore humanæ urinæ.
6. De consistentia humanæ urinæ quoad densitatem, viscositatem, &c.
7. De aereis particulis in humana urina contentis.
8. Utrum humana urina sit liquor idoneus ad fermentationem propriè dictam.
9. De differentiis recentem inter, veteremque urinam.
10. De fermentatione, aut putrefactione humanæ urinæ, temporèque ad utramque requisito.
11. De spontanea partium in urina humana separatione.
12. De vulgari urinæ humanæ per distillationem analyti.
13. De quibusdam aliis humanæ urinæ distillandæ modis.
14. De proportionè principiorum, aut ingredientium humanæ urinæ.
15. De spiritibus humanæ urinæ.
16. De phlegmate humanæ urinæ.
17. De sale volatili humanæ urinæ.
18. De sale fixo humanæ urinæ.
19. De sale composito humanæ urinæ.
20. De

16 *Historiæ Humani Sanguinis*

20. De lucidis substantiis ab humana urina extractis.
21. De sale in urina humana prædominante.
22. De oleo Empyreumatico, aut oleis urinæ.
23. De mellagine, aut Rob humanæ urinæ.
24. De terra damnata humanæ urinæ.
25. De accidentali quadam differentia humanæ urinæ ut emissæ mane, aut certis à sumpto cibo intervallis, aut post quorundam alimentorum usum, ut & medicamentorum, puta, asparagi, terebinthinæ, &c. Aut certis anni tempestatibus, ut hyeme, æstate, &c.
26. De affinitate humanæ urinæ cum variis aliis corporibus, maximè Vegetabilibus, & Mineralibus.
27. De hostilitate humanæ urinæ cum acidis.
27. De affinitate, differentiâque urinæ, sanguinis, fellis, lactis, &c. variisque aliis liquoribus, succisque animalium propriis, ac præsertim de urina humana cum urina brutorum comparata.
29. De mechanicis urinæ humanæ, usibus.
30. De

30. De Chymicis urinæ humanæ usibus, ejusque partibus, præcipuè ut menstruis.

31. De medico humanæ urinæ usu externo internoque.

Promiscuæ observationes, experimenta, ac quæstiones ad humanam urinam spectantes.

Non omnino vero absimile existimo futurum ut nonnulli designatæ à nobis sanguinis historiæ tituli, pluraque longè particularia quæ in eadem offendes, videantur tibi primò statim aspectu frivola : quæ tamen temporis fortè tractu perquam utilia comperientur. Laboris enim est ut operosioris, ita utilioris quoque multò quam primo statim intuitu homines dignoscant, invenire, atque ad pauca quædam capita contrahere magnum particularium numerum ad idem argumentum spectantium, atque mentis quasi ob oculos simul ac semel objicere. Quin etiam varia sunt experimenta particularia, observationesque quæ primùm fortè atque iterum etiam legenti videbuntur leviusculæ, aut superfluæ, quas postea non leves in usus ii adhibebunt qui ad non mancā, mutilamque, sed
B solidam,

18 *Historiæ Humani Sanguinis &c.*

solidam, intimamque rei à se investigatæ notitiam omni conatu aspirant: ejusmodi autem indagatores particularia non pauca, quæ primùm neglexerant, quodd directus eorum usus, obviâque applicatio non manifestè pateret, comperient non inutilia adinveniendis novis hypothefibus, theoriisq; , aut certè illustrandis, examinandisque aliorum sententiis, aut si vero conformes, confirmandis, si secus, refellendis. Ut enim verbo dicam, notitia rerum experienciâ parta, nequit non esse perutilis naturalistæ non uno tantùm, sed probabiliter multiplici modo, naturalistæ inquam sagaci, rectique practicæ hujus scientiæ usus gnaro.

PARS

PARS SECUNDA.

Miscellaneas observationes & experimenta circa humanum sanguinem complexa.

SI omnia ea experimenta, scripta, & notæ jam mihi ad manum forent, quas aliàs humanum circa sanguinem aut feci, aut scripsi, aut eorum jam defectum supplendi mihi occasio suppeteret, quæ fortè Deo favente mihi aliquando continget, hæc secunda operis nostri pars minùs manca, minùsque imperfecta in lucem prodiret: adeo autem mihi constat de hujus rapsodiæ, notas incohærentes diversis temporibus, nec unâ omnes occasione scriptas complexæ, incompletione, ut plus vice simplice eam omnino prætermittere stauerim: quod ne facerem non leve argumenti momentum prohibuit circa quod

qualiacumque, etiam experimenta usui esse poterunt quod præmonendum te judicavi ut promiscua tantum experimenta, eaque ad aliquos tantum historiæ humani sanguinis titulos; referenda, (alia enim varia prætermissa fuere) hac in secunda parte operis nostri expectes.

*Ad Titulum IV. primarium
Historiæ Humani Sanguinis.*

Exper. I.

CUM quibusdam de causis, quas hic commemorare necesse non est, indutus forem ut inquirerem ex pluribus sanguinem apertâ venâ extrahere solitis, utrum necne observarent manifestam & notabilem percipi à nonnullis mutationem caloris in sanguine, prout primum, aut postremum effluebat: ita omnino rem se habere responderunt, affirmaruntque plures omni febrili æstu liberos, dixisse, sanguinem, ubi aliquanto tempore efflueret,

xisset, calidiorē se quā initio effluxūs
sensisse : quorum etiā nonnulli conquesti
sunt effluxisse sanguinem ea caloris ve-
hementiā quæ molesta foret , quāque
amburendi quodāmodo viderentur.

*Ad eundem Titulum Historiæ
Humani Sanguinis.*

Exper. II.

Hortatu meo Chirurgus sigillatum
Thermoscopium ad statam mensu-
ram, *Standard* Collegii *Greshamii* adap-
tatum imposuit Scutellæ in quam sangui-
nem junioris cujusdam mulieris emissurus
erat, eo consilio ut dum sanguis ex aperta
vena flueret, in Globum instrumenti im-
pingeret, in quo liquor sursum ad sat ma-
gnū spatium calore coactus est vix ta-
men propius (si tamen omnino ita prope)
uno circiter pollice superiori Thermosco-
pii Globo minori.

Ad eundem Titulum,
Exper. III.

SEd cum intra brevius quàm horæ spatium ante hoc tempus ab eodem Chirurgo in eadem officina vegeto satis, viro mediæque ætatis vena aperta foret, ut sanguis in idem Thermoscopium super-efflueret, tinctus urinæ spiritus ascendit supra omnes notas ad collum Thermoscopia spectantes, atque ab apice colli ad sat magnam quantitatem expandit sese in parvo superiore globo colli [asseruit enim mihi Chirurgus attigisse eum quartam partem altitudinis Globi,] quare licet determinare non possemus quousque ascensus fuisset, si collum instrumenti sat longum extitisset, videbatur tamen manifestè ascendere calore notabiliter majore quàm soleat esse calor dierum canicularium: hæc enim mensurata, *gag'd*, Thermoscopia eum in modum sunt configurata ut liquorem toto anni tempore servant in Collo, qui neque per hyemem omninò in majorem globum subsidat, neque per æstatem ascendat in minorem.

Ad:

Adhibuimus pariter, cùm juniore cui-
dam mulieri vena aperiretur, sigillatum
Thermometrum non mensuratum, sed
altero longe brevius, in quo tinctus spi-
ritus evectus fere ad apicem est, quod
non infimum caloris gradum indicabat.

Ad eundem Titulum,

Exper. IV.

ATque operæ pretium fortè fuerit hic
indicare scutellâ in quam è vena
sanguis sani cujusdam hominis emissus
fuerat, à Chirurgi domo ad ædes meas
allatâ, licèt jam coagulatus videretur
sanguis, cum tamen, cùm supramemo-
raturum mensuratum Thermoscopium eidem
imposuisssem, satis retinuisse caloris ut
spiritus vini, quantum quidem conjicie-
bam ad trium, quatuorve digitorum la-
titudinem priorem supra stationem coge-
retur.

Ad quintum Titulum Historiæ Humani Sanguinis.

Cum Sanguis Humanus distillatione suppeditet notabilem olei quantitatem, non immeritò quis eum combustibilem corporum catalogo ascripserit: non quivis tamen tam inflammabilem fortè existimarit, quam factò hunc in scopum experimento comperi. Portio enim humani sanguinis ad pulverem pæne exsiccata flammæque candelæ exposita concipiebat flammam non absimilem flammæ quæ ipsam incendebat, ardebátque cum strepitu crepitúque marini salis instar in ignem conjecti, hinc, interim, atque inde colliquescens: luculentiùs tamen multò inflammabilitas siccati hujusmodi sanguinis elucebat cum quatuor aut quinque intimè succensis carbonibus simul congestis particulam siccati sanguinis molem exiguæ nucis moschatæ aut circiter æquantem superimposuimus: copiosam enim hæc flavámque valde flammam emittebat

emittebat, & si tempestivè, cautèque identidem sufflaretur, ut effluvia degenerabant in fumum, frequentibus hisce reaccensionibus pergebat exhibere claras, flavasque flammæ sat magnas, habita ratione corporis à quo emanabant, longiorèque multò quàm quis expectaret: præcipuèque hujus deflagrationis tempore, sanguis frixari super carbones videbatur, magnæque ex parte colliquari nigram in substantiam pici non absimilem, stridor quoque crepitûsque producebantur non absimiles stridori à Chymicis observato in communi sale præcipitato.

Hæc experimenta quoad substantiam iterata sunt; sed aliud exemplum inflammabilitatis sanguinis adhuc mirabilius ostendi: sanguine enim humano [portio erat ejus quo superiore in experimento usi eramus] eo usque exsiccato donec ad tenuissimum pulverem reduci facilè posset: aliquam hujus pulveris partem tenuissimo linteo trajectam projecit per flammam Candelæ: granula autem in celeri suo per eam transitu ignem conceperunt, pulvisque micuit non sine strepitu resinæ adinstar: hoc experimentum pari cum successu reiteratum fuit.

Ad septimum Titulum Historiæ.

Specifica humani sanguinis gravitas, difficilius quàm quis sibi fingeret, determinatur: gravitas enim sanguinis diversa notabiliter in diversis esse potest juxta diversitatem sexûs, ætatis, constitutionis, &c. atque in eodem homine variari potest & diverso anni, & diei, tempore, vel quòd majore, minoreve à sumpto cibo intervallo extractus fuerit, variisque aliis circumstantiis; sed præter hæc omnia est mechanica quædam, ut ita loquar, in perficiendo hoc, de quo nunc opere difficultas; sanguis enim incipit coagulari adeò citò ubi semel emissus est ut vix hydrostaticè ponderari possit, sive immergendo in eo solidum corpus ipsomet gravius, sive ponderando totum sanguinem in aqua: priori enim ponderandi methodo resistunt fibræ sanguinis partes, posteriori verò serum: atque eadem de causa est aliqua, licèt

licet non tanta difficultas comparandi paulò accuratius pondus sanguinis cum pondere aquæ in vitro, ut alias etiam ob causas, quas qui rem curiosius explorare atque experiri voluerit, facile citòque adinvenerit : cum tamen usûs non exigui esse possit aliqua, sin minus accurata, notitia differentiæ, quoad gravitatem, aquam inter & humanum sanguinem, à quo tam variae partes corporis tum consistentis tum fluidi variis texturæ mutationibus & constituuntur & nutriuntur ; subjungam experimentum quàm acuratissimè fieri potuit factum, ob rationem mox datam. Sani itaque hominis sanguinem uno totum eodemque tempore emissum selegimus ; totamque ipsius massam, ac tum serosas, tum fibrosas partes intulimus in phialam oblongam quàm convenientissimæ molis, figuræque : cùmque jam sanguis stagnaret quietus, bullulæque evanuiscent, adamante sollicitè signavimus arctiorem illam phialæ partem, quam superior sanguinis superficies attingebat, tum phialam & sanguinem in balance legitima ponderavimus : cùmque effudissemus sanguinem alios in usus, & phialam lavissemus, impleta illa est aqua communi ad notas superius

28 *Historiæ Humani Sanguinis*

rius commemoratas : tuncque ponderavimus iterum in eadem bilance : aquâ postmodum effusâ , solitarium vitrum ponderatum est in iisdem bilancibus , ejusque pondere deducto ab utroque præmemorato pondere compertum est aquam ponderare uncias novem , drachmas sex , grana quinquaginta , & sanguinem æqualem ipsi in mole uncias decem , drachmas duas , grana quatuor : cum itaque differentia fuerint tres drachmæ , & grana quatuor supra decem , sanguis pondere suo superabat tantundem aquæ vigesima circiter quinta parte , omitto enim fractionem , sui ponderis : sed hoc experimentum ob rationes suprà memoratas plus vice simplice repeti oportebit.

Ad undecimum Historiæ Titulum.

Licet rectificatus vini spiritus sit menstruum constans partibus valde subtilibus , eamque ob causam optimum variarum

riarum vegetabilium substantiarum dissolvens, atque ut experienciâ edoctus sum, metallinarum etiam quarundam, quæ solidiores fibrosa humani sanguinis parte videntur, cum tamen Corpus hoc discrepantis admodum ab iis texturæ esse constet, futurum existimavi ut vini spiritus diverso longè modo in illud ageret. Quapropter cum serum à grumo sanguinis separassem, qui quidem coagulatus erat, sed sat mollis, ut fibrosa pars priusquam siccetur, esse solet, per varias eum horas asservavi in vinoso spiritu bene dephlegmato, ex quo postea Grumum extraxi non minùs durum quàm si ad ignem deficcatus fuisset.

Ad decimum nonum Titulum Historiæ.

Exper. I.

SAl volatile humani sanguinis quantumvis fugitivum, adeo tamen fusibile est, ut si dextrè tractetur, una ipsius
pars

30 *Historiæ Humani Sanguinis*

pars colliquari possit, atque etiam ut expertus sum, ebullire, dum altera avolat: idem cum aliis salibus volatilibus expertus sum: quod quidem futurum ut contingat in plerisque, ac forte etiam in omnibus reor.

Ad eundem Titulum.

Exper. II.

Licet sal volatile humani sanguinis, cum sublimatione candescit & purgatur, videatur substantiæ omnino homogeneæ, ac juxta Chymicorum principia ejuscemodi esse debeat, est tamen cur suspicer aut ipsius substantiam non esse omnino similem, aut corpuscula illud constituentia, esse quoad molem, ac fortè etiam quoad figuram sat discrepantia: cum enim grana quædam resublimati salis humani sanguinis, qui purissimus videbatur, ponderassem, fortis adedò odor erat, ac diffusivus, ut quis faciliè sibi persuasurus fuisset, sallem totum, [sex utpote tantum grana]
paucas

paucas intra horas evaporandum, expositum presertim aëri in meridionali fenestra super planam vitri particulam : nihilominus plures post dies, septem ni fallor, aut octo, comperi salem adedò parum, quoad molem sensibilem, diminutum, neque enim ponderandum putavi, ut non nisi perexiguum ejus deperiisse videretur. Quod autem erat residuum vix ullum retinebat odorem quem quidem ipse, cui acuta satis odoratus organa sunt, percipere possem : retinuit nihilominus candidum hoc corpus saporem salinum, ac modicum illius experimenti gratiâ in solutionem communis sublimati in aqua limpida, injectum, eam statim albam reddidit, ac proindè penetrans ac diffusivus odor volatilis salis sanguinis videbatur emanare à particulis quibusdam subtilioribus magisque fugitivis quàm sint aliæ partes eum constituentes. Sed hocce experimentum cum diversis salis quantitatibus reiterandum est. Quo fiet ut sollicitus observator detegere queat, utrùm comparativa salis fixitas post odoratarum particularum, saltem plerarumque, avolationem residua, non oriatur ab earundem coalitione cum acidis corporibus, quæ hâc illâc per aërem

32 *Historiæ Humani Sanguinis*

aërem oberrantia adhærere solent corporibus, ad recipiendam ab ipsis impressionem dispositis.

Ad eundem Titulum,

Exper. III.

DRACHMA salis volatilis humani sanguinis sublimata in lampadis fornace, in eam communis aquæ quantitatem injecta est, quæ in arcto vitro Cylindrico satis foret Cooperiando integro Globo statæ nostræ mensuræ, aut mensurati Thermoscopii; quando autem, postquam hoc aliquamdiu stetisset in aqua, ut suam ad temperiem reduceretur, injecimus salern supra memoratum, tinctus vini spiritus subsedit manifestè ad duas circiter pollicis decimas, inferiusque haud dubiè subsedisset si plus aquæ in vase fuisset ad tempestivam salis solutionem faciendam cujus pars notabilis irresoluta in fundo jacuit.

Ad

Ad Eundem Titulum,

Exper. IV.

Ubi Liquorem non amplius subfidere animadvertimus, ei paulatim fortem nitri spiritum addidimus, donec cum sale dissoluto non amplius manifestè configeretur. Cujus experimenti eventus hic erat: liquor in Thermoscopio illico ascendere coepit, continuato dum conflictus duraret ascensu, quo finito mensurantes comperimus tribus amplius pollicibus & dimidio liquorem ascendisse supra stationem ad quam coepta ebullitione quiescebat.

Ad Eundem Titulum.

Exper. V.

Figuratio salis volatilis humani sanguinis considerari potest, vel comparatè

34 *Historiæ Humani Sanguinis*

tè ad singula seorsim grana, vel ad illud eorum aggregatum, quod, quando ad apicem vitri ascendere coguntur, ipsius *sublimatum* dici potest. Horum postremum melius observari poterit, quando salinæ exhalationes primum ascendant, interiorique lateri cæci capitis, alteriusve vitri ad ipsas recipiendas apposti adhærent. Licet enim sub finem operationis corpuscula densa aded, confusaque jaceant, ut nullas distinctas relinquunt figuras, observare tamen primum quis poterit parvas salinas concreciones ordinatim, aut varios secundum ordines jacentes, interdum satis rectos, magis interdum, minusve curvos, variis cum cohærentiis: quare licet interdum hi concrectionum ordines, cooperante maxime spectantium imaginatione, exhibeant aut arbores, & earum ramos, aut cervi cornua, &c. Hæ tamen figuræ ac imagines nequaquam videntur esse constantes, atque à peculiari sanguinis humani natura pendentes, sed casuales tantum figurationes, à causis variis & circumstantiis accidentariis ortæ, quales ferè sunt gradus ignis ad salem sublimandum adhibiti, copia aut paucitas materię ascendentis,

dentis, capacitas & figura vasis illam recipientis, præter varias alias causas, quas hic commemorare necesse non est: nec tantum inter elevatas concrectiones salis volatilis humani sanguinis observari à superius nominatis circumstantiis diversitatem produci configurationis. Sed quod ad singula grana volatilis salis sanguinis spectat, eorum plurima insigniter figurata animadverti, utrum autem casu necne ulterius experimentum docebit: non potui, quantum memini, pulchriores illas figuras observare in concrectionibus sublimatum componentibus, quod obtrinebatur rectificando aut elevando iterum salem primum supereffluentem, sed tantum in granis quæ prima in distillatione superioribus recipientis lateribus adhærebant: eorum enim non pauca insignis erant molis & soliditatis, licet non ejusdem omnia figuræ: cum quædam non absimilia cubis forent, quædam parallelopipedis, alia octoedris, granorum ferè aluminis instar; eorum tamen pleraque pulchrè erant figurata utpote planis lævigatis, concinnè figuratis, apteque in solidos angulos desinentibus comprehensa, quasi seclæ forent concre-

Ad Eundem Titulum,

Exper. VI.

ALia adhuc usus sum methodo in observandis salis sanguinis figuris: rectificavi enim spiritum sanguinis, ita ut sale satiare plenè posset dum liquor in recipiente perseveraret adhuc nonnihil calidus: tum enim seponendo liquorem hunc nimis gravidatum, cum omnino refrigeratus est [quod lentè admodum fieri debet] inventus est in fundo phialæ magnus numerus salinarum concretionum quoad molem discrepantium, quarum plures, quantum quidem per reliquas animadvertere potui, expansæ erant Crystallinas in laminas valde lævigatas, pulchræque, figuratas, quarum quantum memini, latior & parallela superficies regularis satis erat, hexagona utpote, aut octogona.

Ad eundem Titulum,

Exper. VII.

CONFORMITER hypothefi variorum eruditorum Naturaliftarum ac Medicorum, non inutile fore exiftimavi explorare quid oriturum effet ex conjugio volatilis falis humani fanguinis cum fpiritu nitri; cujus falis partibus magis volatilibus aërem concipiunt refertum, earumque aliquas effe vitakter gravidatas. In gratiam quorundam eorum è numero philofophorum drachmam ficti falis volatilis fanguinis felegimus [quem potius quam fpiritum adhibuimus, fcire enim geftibamus quam acidi falis quantitatem retineret] cumque drachmam hanc in aqua diffillata diffolviffemus, optimum in eam nitri fpiritum stillavimus, donec ambo liquores, licet coagitati, maniffefte in fe invicem amplius non agerent: finito confectu fuperfluan humiditatem lentè evaporavimus, quæ

38 *Historia Humani Sanguinis*

fere omnino exhalavit priusquam salina pars coagulo coiret : exsiccata tandem est , mediâque pars imitabatur figuram tenuium crystallorum non absquiliū crystalli salis petræ. Sed residuum , quod longè major concretionis pars erat , confusa tantum indigestâque massa absque distincta ulla figura videbatur : massa hæc duodecim tantum ponderabat grana supra drachmam : quare quantum quidem simplici hoc experimento doceri potuimus , sal volatile sanguinis satari poterit ea salinorum corpusculorum spirituum nitri quantitate , quæ quintæ sui ponderis parti respondeat ; compositum hoc sal aëri in fenestra expositum , videbatur aëris humiditate facile resolubile , aut , ut Phrasi Chymica utar , facile per deliquium deficere. Modicum ejusdem salis carboni bene succenso impositum , citò colliquefactum est , atque ebullire videbatur , excitatâque sub finem strepitu , flammam communi nitro perquam similem dedit , præterquam quod paulò magis flavesceret. Fortis in hac deflagratione odor , erat simillimus odori spirituum nitri proprio.

Ad

*Ad titulum vigesimum pri-
mum Historiæ,*

Exper. I.

1. **H**umanus sanguis, ut pleraque alia
regni animati argumenta, quo-
rum examinandorum opportunitas mihi
suppetebat, suppeditavit distillatione in
retorta, Empyreumaticum, valdeque
fætidum oleum, cujus color niger ferme
erat, qui tamen non aliundè oriri mihi
videbatur quàm ab intensa, & opaca
liquoris rubedine, cùm portiones ejus
aliquæ consultò luminì expositæ, quan-
do tenues admodum super vitrum ex-
pandebantur, apparerent profundè flavi,
aut rubicundi coloris, prout spissiores,
densioresve jacebant super vitrum.

Exper. II.

2. **Q**uando sanguis benè desiccatus erat,
priusquam distillationi committe-
retur, suppeditavit majorem quantitatem

40 *Historia Humani Sanguinis*

olei, comparatè ad pondus sicci corporis, quàm expectabatur, una vice ex libra non multùm exsiccati sanguinis extraximus propè olei sesquiunciam, atque ab alia portione majorem longè proportionem respectivè ad quantitatem sanguinis quæ ipsam suppeditavit.

Exper. III.

3. **P**uribus abhinc annis, cum sanguinem conveniente admodum digestionè præparassem, & sollicitè distillatos liquores supereffluentes flammâ lampadis rectificassem, inter alia, duo obtinui olea diversi omnino coloris, quorum alterum flavedinem, aut pallorem succini; alterum verò intensissimam rubedinem imitabatur: illud autem ingeniosis etiam lynceisq; spectatoribus miraculi instar erat, quod licet ambo hæc olea ab eodem sanguine emanassent, forentque pura satis & limpida, non tantùm distinctis in massis sibi invicem superinnascent, sed si agitatione commiscerentur, paulatim sese mutuo iterum extricarent, ut
commune

commune oleum atque aqua separare atque extricare sese solent : utrum autem duo hæc inter olea quoad specificam gravitatem discrimen tueri eadem posset à constante , ac permanente mixtione , quando mixta erant , ut eorundem distinctas servant massas priusquam coagitantur , aut utrum apparens hæc antipathia oriatur à peculiari aliqua texturæ incongruitate disputare hic supersedebo.

Exper. IV.

Non inutile fuerit iis præsertim qui in re medica humano sanguine uti voluerint , scire , cum suspicatus essem oleum sanguinis continere in se varias salinas particulas , ab eodem separabiles , sumptam à nobis esse portionem olei irreducibili , & eum eidem convenientem quantitatem aquæ distillatæ [cuius vicem , reor , pluvialis aqua , non tamen aqua communis suppleret æquè] addidissimus , diligenter à nobis esse frequenti agitatione confusos liquores ut aqua oleum corpusculis suis salinis separabilibus spoliaret. Cuius experimenti hic eventus erat,

42 *Historiæ Humani Sanguinis*

erat. Quietis jam omnino liquoribus, aqua [cujus non nimiam consultò quantitatem adhibuimus] cōsperta est lalinis imbuta corpusculis, quæ habuerat dissolutione ab oleo orta, vi cujus sapore mediocriter acuto prædita erat, celeritèrque syrupo violarum conciliabat viriditatem, atque ex solutione communis sublimati candidum pulverem præcipitabat, ut alia mittam quibus debilem sanguinis humani spiritum referebat : quam eò libentius operationem commemoro, ut alliciaris ad explorandum quid ejusmodi methodus effectura sit in alia olea empyreumatica, ut cornu cervi, urinæ, &c. Extracta è corporibus ad regnum animale spectantibus.

Exper. V.

5. **A**D conjecturam, quamdam, cujus fundamenta apponere hîc per otium non vaeat, examinandam partem aliquam olei rectificati humani sanguinis in concavam vitri portionem immisimus; cùmque tum tantum in illud olei vitrioli stillassemus, quantum forte quartræ, aut tertiaræ fetidi olei parti æquipolleret, tenui

nui solidi vitri particula simul massam rotam circumagitavimus: quo fiebat ut mixtura emiserit magnam albicantium fumorum copiam, insigniterque, ut expectabatur, calida evaserit: adeo siquidam incaluerat ut licet eam cochleare unicum capere posset, ægrè tamen absque dolore, digitum supponere potuerim ei vitri parti quæ incalentes liquores sustinebat.

Exper. VI.

6. **O**Peræ pretium fuerit admonuisse, quòd, alibi à me observatum est circa alia quædam olea empyreumatica, eodem ea se modo humano in sanguine habere: cum enim liquoris hujusce rectificati partem aliquam selegissem, licet eo in statu crassus, cænosusque videretur, facile tamen etiam in frigido dissolvebatur, in vinosis spiritibus, aut miscbatur cum eisdem summè rectificatis, quibus conciliabat colorem rubicundum satis intensum, conformiter omnino eis quæ aliàs de colore hujus olei adnotavi.

Ad

*Ad vigesimum Secundum
titulum Historiæ.*

A Pod nullum, quantum quidem mo-
mini, authorem incidi in descrip-
tionem qualitatum fixi salis sanguinis
humani, atque nescio equidem utrùm quis
eum curiosior præpararit: quod non ad-
modum miror, cum ad obtinendam vel u-
nicam ejus unciam, notabilis requiratur
quantitas, ac fortè etiam aliquot humani
sanguinis pondo: adde quod constantem
adeo ignem calcinatio ipsa exigit, ut fa-
cili quis operationis tædio antequàm per-
ficiatur affici possit, vel exigua calcina-
tionis spe, à capite mortuo per tres aut
quatuor horas in igne servato, indum
poterit ut credat omnem sanguinis salem
valido in igne esse volatilem, ac nullum
proinde salem fixum inde esse sperandum.
Cum tamen constante calcinatione tres
aut quatuor drachmas hujus salis obti-
nuissem, non comperi fixum esse alcali,
aut salem lixiviatum, sed potius, ut ex-
pectabam,

pectabam, communis instar, aut marini
salis, quodam tamen cum discrimine,
quod accuratioribus quibusdam experi-
mentis detectum est; quod autem ad rem
nostram propius spectat, sal nostrum
vix à sale marino distinguebatur, illius
epim saporem proximè imitabatur, va-
lida ejus solutio non conciliabat cele-
riter, [neque enim rei eventum diutius
expectare vacabat] syrupo violarum
viriditatem, neque etiam colorem later-
ritium, aut fusco-flavum præcipitabat,
neque candidum quemdam pulverem ex
solutione sublimati: experimento quo-
que didici spiritu illud salis ut alcali non
dissolvi, præter illos autem examinandi
modos tribus aliis usus sum methodis,
nunquam quoad sciam hunc in scopum
usurpatis, quæque omnes expectatum for-
titæ sunt eventum, modicum enim olei
vitrioli exiguae sicci salis nostri quantitati
affusum eum statim, quem sæpe ejus
effectum communem in salem observâ-
ram, vi magna corrodit, ingentisque spu-
ma, ac fumo: modicum quoque salis
nostri fixi dissoluti in aqua distillata stilla-
vimus in solutionem purissimi argenti in
aqua forti factam, factaque statim est
præci-

46 *Historiæ Humani Sanguinis*

præcipitatio copiosi pulveris albi. Denique
ulterioris experimenti gratia cùm aurum
foliatum in aquam fortem injecissem,
quæ, ut non ægrè quis sibi persuaferit,
in illud minimè ageret: dum isthic ne dis-
coloratum quidem innataret, in liquorem,
pulverati nostri salis modicum projeci,
qui jam in aquam quamdam regiam mu-
tatus illud momento temporis absque ca-
loris ope totum dissolvit.

*Ad Titulum vigesimum ter-
tium Historiæ.*

MAJOR longè quàm quis expectaret,
requiritur calcinatio ad obten-
dum *caput mortuum* humani sanguinis,
qui permodicum ejusdem subministrat:
ab unciiis enim viginti quatuor sicci san-
guinis [quæ erant fortè tertia tantùm
aut quarta pars totius sanguinis caput
mortuum suppedifantis,] post bidui cal-
cinationem obtinere solummodo potui-
mus drachmas duas & grana novem ter-
ræ: quæ quantâvis confecta fuerit curâ,
terræ

tertæ tamen damnatæ appellationem probabiliter mereri poterit, potiore sanè jure quàm substantiarum pleræque, quibus hoc Chymici nomen tribuere solent: non immeritò tamen suspicari quis possit hanc ipsam terram non merè elementarem, cum vitrioli rubedinem propiùs imitaretur, ac referret.

*Ad Titulum Vigesium
quartum Historiæ.*

Quantitates principiorum, aut potius variarum discrepantium substantiarum distillatione ab humano sanguine obtentorum, facile quidem in speciem, sed tamen perquam difficulter, si omninò, determinari possunt, non tantum ob magnam sæpe quæ occurrit disparitatem quoad proportionem fibrosæ aut concretæ partis ad serum, in sanguine diversorum hominum, atque in eodem etiam homine diversas secundum circumstantias, sed etiam quia laboris magis operosus est, quàm qui rem non sunt experti sibi fingunt, siccam etiam & pulverabilem

48 *Historia Humani Sanguinis*

bilem sanguinis partem distillare absque additione, ac paucos suspicor accuratius rem examinasse; neminem enim offendi qui animadvertat quanti momenti sit mutare retortam ad obtinendum volatilis substantiæ quantum obtineri potest, ac quàm minimum *in capite mortuo* relinquendum, cum enim notabilem satis quantitatem sicci sanguinis distillavimus, licet operatio à perito artifice cautè admodum peracta foret, idem tamen calor quo inferior pars sanguinis ascenderat exhalationum instar in recipiens, materiam adeo tumefecit, ut attolleret ad superiorem vasis partem insignem nigræ materiæ quantitatem quam vulgaris distillator instar *capitis mortui* neglectam seposuisset, sed quàm ocularior quispiam facile judicasset ejusdem omnino naturæ cuius erat antequam injecta foret, licet multum à fumis ascendentibus denigratam extractam itaque mixtamque residuis substantiis minus à natura veri capitis mortui remotis, alia iterum in retortæ distillationi commisimus, unde plus olei, &c. obtinuimus: animadvertens etiam hoc apparetis *caput mortuum* continere in suprema parte sat multum materiæ,

riæ, non satis, ut ita loquar, exanimatæ, extrahi curavi, distillarique nova in retorta in quâ sat magnam volatilis materiæ quantitatem suppeditavit.

Cum itaque hunc in modum re-disposuerim ad non expectandam summam accurationem in determinatione quantitatum discrepantium substantiarum ex humano sanguine etiam siccato extrahibilem; ut viam tibi aperiâ ad conjecturas quasdam quæ ad rei veritatem aliquatenus accedere videantur, scias velim cum hunc in modum tribus in retortis viginti quatuor uncias siccati sanguinis humani distillassemus, obtinuisse nos volatilium substantiarum, spiritûs intelligo cum modico phlegmate, candidi salis, oleæque intensius colorati uncias tredecim, & drachmam unam, præter varias spissi olei portiones, quæ retortis & recipienti adhæserunt: quas septem fere amplius drachmas censebamus; quare tota quantitas partis volatilis uncias quatuor supra decem constituebat, quarum comperimus oleum continere tres circiter uncias, drachmas sex, limpidum autem liquorem, qui licet probabiliter non omni absque phlegmate, spiritûs appellationem promeretur,

meretur, quia salinis & spirituosus parti-
bus plenè satiatus erat, uncias sex, &
drachmas tres & dimidiam, præter sal
volatile, quod abstracto jam spiritu can-
didum videbatur, sed madidum: quam
ob causam vix accuratè definire potera-
mus, nec quantum adhuc liquoris reti-
neret, neque quantum ipsum ponderaret:
rei tamen veritatem propius attigeris, ubi
scieris, cum salem sollicitè sublimassem
in phiala duas remansisse drachmas ac
quinque circiter grana phlegmatici liquo-
ris, qui sale omni carere non credebatur,
licet ea operatione separari nequiret, sa-
lis autem volatilis siccæ unciam unam,
drachmas duas & dimidiam obtinimus:
caput mortuum octo & dimidiæ unciarum
erat, quod per duos continuè dies calci-
natum non candidos sed fusco-rubros ci-
neres suppeditavit ex

*De quo sale vide no-
tas ad titulum 22,
spectantes.*

quibus obtinimus
drachmas septem &
quartam drachmæ par-
tem candidi & fixi sa-
lis, sed non verè lixiviati, atque ut su-
perius observabatur alium in scopum sub
titulo proxime præcedente, drachmas
duas, & grana terræ novem. In hoc per-
molesto

molesto experimento plurimæ necessariæ operationes occurrere: vix autem in earum ulla vitare poteramus jacturam identidem non exiguæ, materiæ quæ præ manibus nostris erat, portionis: his itaque experimentis si interspisses, fortè judicasses nihil in eo esse miri quod scripserim, ut paulò superius scripsi, praxis esse perardua ac laboriosæ, accuratius definire discrepantium substantiarum proportionem, quæ notis vulgo operationibus à propositâ humani sanguinis portione haberi possunt, cum præsertim non sat gravibus rationum momentis inniti Chymicos putem, dum in confesso apud omnes esse volunt, in distillationibus accuratè factis, materiam in recipiens transeuntem, aut saltem simul cum residuo, aut capite mortuo ascendentem, corporis integri & nondum distillati pondus exactè adæquare: cui paradoxo summam conor conciliare verisimilitudinem sin minus certitudinem alio in scripto hac non spectante.

*Appendix ad Titulum
Decimum tertium.*

Cum experimenti gratia phialam capacem, ut conjiciebam, unius fere pondo humani sanguinis, mixturâ illius liquoris ac spiritu quopiam vini rectificato fere impleissem, cujus modò non memini proportionem, sed quartam suspicor fuisse, aut octavam partem: sub trium annorum finem eandem phialam subere tantum obstructam inspicientes, liquores comperimus coagulatos, aut, ut circumspectius loquamur, formæ consistentis. Vase autem deobstructo nullum putrefactionis in sanguine signum apparebat: neque ullum propius subodorati fætorem percipere poteramus, tam balsamica spiritui vini dephlegmato ad conservandum humanum sanguinem virtus inest.

PARS TERTIA

Promiscua circa serum humani sanguinis sani experimenta, atque observationes complexa, quarum prima referri potest ad decimum sextum, aliæque pleræque ad decimum septimum primæ classis titulum.

CUM natura ipsa humanum sanguinem è venis emissum refrigeratum jam, & quiescentem, in fluidam partem aliam, seu serosam, inque aliam consistentem, stabilem seu sifrosam dividat, cùmque persæpe contingat, ut harum partium prior vel æquet posteriorem quantitate, vel exsuperet, futurum non improbabiliter

54 *Historiæ Humani Sanguinis*

existimavi ut ad naturam sanguinis melius detegendam multum conducere si quædam circa serum ipsum experimenta facerem: cujus aliquam paucis notitiam non erit supervacaneum communicare in promiscuis quæ sequuntur observationibus, factis tantum circa serum sanguinis eorum qui firmis erant viribus, prosperaque utebantur valetudine.

Exper. I.

I. **C**um serum, partemque portioniculae humani sanguinis consistentem simplici phlebotomia obtentam separatim ponderassemus posteriorem comperimus quatuor pendere uncias, drachmas sex & dimidiam, prius verò uncias sex & drachmas tres: sumpto autem simili experimento de alia portiuncula sanguinis ab alio homine detracti, pars fibrosa uncias quatuor drachmas quinque pendeat, serum vero uncias quatuor: hæc autem utroque hoc in experimento pondus seri in eadem massa minus foret pondere fibrosæ partis, non tamen idcirco rursus inde concludi posset, fibrosam partem absolute loquendo alterius

terutius

terutrius portiunculæ sanguinis, aliam excedere, cum serum tantum in distincta massa repertum ponderaverimus: neque enim immerito quis existimarit serosarum particularum multitudinem inter partes consistentis massæ, seu portionis sanguinis contineri: quandoquidem, præterquam quod probabiliter ob interpositam serositatem, mollis admodum est, copiosum liquorem aqueum suppeditat.

Exper. II.

2. **H**Oc satis superque elucescet, è proponendo mox experimento, consultò in examen hujus conjecturæ factò.

Selegimus scutellam sanguinis, in qua separatum erat serum à fibrosa portione, quæ in consistentem massam coagulata erat: cumque omnem fluidam partem sollicitè effudissemus, residuam massam quæ uncias quatuor, drachmas quinque, grana triginta quatuor pendebat, exiguum in cumulum redactam in furno digestivo distillavimus, donec materia in fundo cucurbitæ relicta sicca omnino

56 *Historiæ Humani Sanguinis*

evaderet, exsiccata autem diu ante in speciem videbatur quàm reipsa erat: extractis tum separatis rubræ hujus massæ partibus, siccata portio comperta est unciam tantum unam, drachmas tres, grana triginta quatuor pendere: cum serosus liquor qui in *recipiens* transferat, aqueus, & limpidus absque ullo salis oleivæ indicio, tres uncias, granaque tria & quinquaginta æquaret.

Ut plenius hac super re nobis satisfaceret hoc experimentum circa fibrosam partem alterius portionis humani sanguinis repetivimus, comperimusque siccam massam in cucurbita ponderare tantum unciam unam, drachmas sex, grana quinquaginta, cum humor phlegmaticus ab eodem distillatus uncias septem adæquaret, hoc est, pondus majus triplo & dimidio pondere siccæ partis.

Exper. III.

3. **C**um hydrostaticè humani sanguinis serum examinassemus comperimus illud aqua communi levius. Particula enim rubræ ceræ sigillatitiæ filo equino legitimè in bilance suspensa comperta est pendere

in

in aere drachmam unam, grana quinquaginta sex, & in aqua grana triginta quinque in sero verò grana tantum triginta & tria.

Hoc experimentum accuratiori quodam confirmatum fuit instrumenti cuiusdam ope facto, quod consultò ad exactam liquorum ponderationem confici curaveram, in quo cum aqua communis grana tria supra ducenta quinquaginta ponderaret, æqualis feri copia duo supra trecenta pendebat : & quia facile mihi persuadebam serum omnis sanguinis humani non fore ejusdem in quolibet gravitatis specificæ, eodem instrumento pondus feri sanguinis alterius hominis exploravi, comperique illud, duobus diminutum granis, hoc est trecenta tantum grana ponderare.

Exper. IV.

4 **A** Dhibuimus aliquando serum, quod effundi nequit aut certè reipsa, effusum non est adeo limpidum, ut subrubrum non apparuerit ; & licèt illud charta Emporetica filtraverimus, magnus tamen
nume-

58 *Historiæ Humani Sanguinis*

numerus, stinguentium corpusculorum intimè aded eidem erat commixtus ut liquor flavus omninò filtrum permearet.

Exper. V.

5. **U**T explorarem num acida serum nostrum coagularent, quemadmodum compereram quorundam aliorum animalium liquores ab iisdem coagulari, nonnullos salis spiritus in illud stillavi qui mox cum eodem albas quasdam concretiones produxerunt quæ statim ad fundum subsederunt, ibique, aliquanto post tempore, leves admodum, teneræque coaguli adinstar casei videbantur.

Eodem modo operabatur sed longè potentiùs oleum vitrioli in aliam feri nostri portionem.

Exper. VI.

6. **I**N aliquam liquoris nostri portionem spiritum salis armoniaci infudimus, qui

qui eundem magis fluidum reddere potius,
quàm coagulare videbatur, ut acidi liquo-
res coagularant.

Exper. VII.

7. **U**T exploraremus utrùm hæ præci-
pitationes non magis orientur à
coalitione & textura acidorum salium &
seri, quàm merè à peculiari illorum salium,
ut acidorum, actione, in aliam seri nostri
portionem validum alcalisatum salern stil-
lavimus, oleum scilicet tartari per deliqui-
um, quod statim album coagulum produ-
xit, quemadmodum spiritus salis produxe-
rat, sed nequaquam, ut nobis videbatur,
adeo copiosum.

Exper. VIII.

8. **A**Licet pariter sero spiritum vini
summe rectificatum affudimus,
qui ut expectabamus, aliquam illius porti-
onem candidum in coagulum coegit, quod
fat

sat erat copiosum, leviùs tamen multò, quàm alterutrum priorum, cùm eorum instar non subsederit, sed superficiiei liquoris innatarit.

Exper. IX.

9. **E**Xploraturi pariter quis salis ex metallo compositi in serum nostrum effectus foret, eidem affudimus validam sublimati solutionem, quæ cum eo albam statim, coagulatamque substantiam produxit.

Aliquam feri nostri portionem limaturis Martis affudimus, sed ob ipsius liquoris colorem nobis de eventu constare non poterat. Et licèt postea aliam feri portionem ejusdem metalli limaturis affuderimus, neque ita tamen factum est nobis satis: experimentum enim sepositum fuerat, nec nisi multos post dies inspectum, quo tempore spissus adeo, cœnosusque evaserat liquor, ut de colore aliud nihil pronunciare possemus quam subobscurum esse, non tamen, penitus nigrum, aut etiam subnigrum: factò tamen uno alteròve experimento cum hujus liquoris modico, vide-

debatur facta ab eodem alicujus, chalybis, particulæ solutio: cùm enim recenti cuidam gallarum infusioni in aqua factæ affusus foret, copiosum statim *præcipitatum* suppeditavit, quod tantum aberat ut atramentitium fuerit, ut ne obscuri quidem coloris extiterit, sed subalbi potius: quod ne multum mirarer, analogæ quædam experimenta (alio in tractatu commemorata) à me facta fecerunt. Addam tamen hîc loci, cùm cuipiam gravidati nostri *seri* portioni convenientem quantitatem infusionis Gallarum in spiritu urinoso summè re-ctificato factæ admiscuisssem, geminos hos liquores non tantum coagulum, aut præcipitatum quoddam suppeditasse, sed simul per horas aliquot relictos, in solidum corpus, in quo nullum oculus distinctum liquorem perciperet, coaluisse.

Exper. X.

10. **C**um autem foeliclorem adhuc successum expectaremus affusa aliqua liquoris nostri portione limaturis cupri, quæ quoties agunt in corpora urinosorum quid-

62 *Historiæ Humani Sanguinis*

quidpiam salum in se continentia, conspiciam præbere tincturam solent, à metallo comperimus paucissimarum horarum spatio discoloratum esse menstruum: postmodum autem vase, ut aeri pateret aditus ad liquorem, aperto relicto, coepit paulatim magis ac magis cæruleum fieri, atque unum intra diem colorem profunde cæruleum contraxit.

Exper. XI.

11. **UT** autem de eo quod suspicabamur, certiores essemus hanc scilicet tincturam à quibusdam volatilis salis particulis in liquore latentibus opiri, nonnullam ejus portionem convenienti quantitati Syrupi violarum commiscuimus, qua commixtione obtinuimus, quod quærebamus, colorem præcipue qui ob illarum particularum in syrupum actionem viridis omnino videbatur.

Exper.

Exper. XII.

12. **C**eruleam tincturam, aut solutionem cupri numero decimo commemoratam servandam putavi per aliquod tempus ut experirer an metallinæ particulae, serum cui permixtæ forent, quasi pollincirent, aut condirent, ipsūque adeo liquorem incorruptum servarent; ac reipsa, licet ampulla per multas septimanas inobstructa, in fenestra, nostro in cubiculo perstaret, nullum nihilominus ipse, cui sagax tamen admodum odoratus, organūque odorandi perquam tenerum, licet liquorem sæpius naribus admoverim, percepit factorem.

Exper. XIII.

13. **D**UÆ circiter unciae feri humani sanguinis in phiala inobstructa cujus dimidium & amplius implebant, per dies viginti aut tres septimanas relictæ fuerant ;

64 *Historiæ Humani Sanguinis*

erant; licet autem phiala in meridionali plerumque fenestra mensæque Julio steterit, nihil putridi tamen quod maximè mirabamur, odoris emittebat, sed notabilem subalbi sedimenti quantitatem demiserat; at tres inter, quatuorve dies postea foetidum noxiùmque odorem emisit, quare exploravimus utrùm hanc plusquam inchoatam putrefactionem aciditas quædam non comitaretur: nullam tamen dignoscere poteramus, cum ne cæruleum quidem colorem infusionis ligni nephritici, aut nostri ad illud succedanei auferre posset. Fætidum hunc liquorem in humilem cucurbitam distillandum lento igne, injecimus, exploraturi an ab eo ut ab urina putrefactâ solet, spiritus primùm ascenderet; liquorem autem qui prius supereffluxit adeo parum spirituosum, aut salinum comperimus, ut ne horæ quidem spatio syrupo violarum virorem conciliaret, non omnino tamen volatili destitutum alcali judicavimus, cum enim aliquam ejus portionem in sat copiosam sublimati solutionem demissemus, album statim præcipitatum fecit.

Exper.

Exper. XIV.

14 **N**onnullas feri humani sanguinis uncias charta emporetica filtratas ut concretâ omni substantiâ expediretur, distillandas commissimos exiguae retortæ in furno arenæ collocatz, obrinulmæque aliquot tantum crassiores guttas olei rubri sed subobscuri, cujus pars aliqua ad fundum alterius liquoris subsedit, major tamen eidem superinnatavit: in prima hac distillatione nullum salem volatilem in forma sicca habuimus, sed post sat magnam phlegmatis insipidi copiam substractam, superrefluxit notabilis spirituosi liquoris portio, qui spiritus sanguinis instar redolebat, continebaturque aliquam volatilæ alcali quantitatem ita ut syrupum violarum citò efficeret viridem, atque solutione sublimati album præcipitatum, magnamque una cum salis spiritu ebullitionem: Spiritus hoc in exigua mole rectificato, major quàm expectabatur relictæ est in fundo quantitas substantiæ spissæ instar mellis quæ maxima ex parte erat coloris rubri subobscuri, videbaturque plus olei continere quàm prima statim distillatione

E

appa-

apparebat. Qui liquor ex Galeâ super-
effluxit, putior primo spiritu, non multò
fortior videbatur : cum tamen eum in
ovum vitreum angustioris colli immisisse-
mus, vasculumque convenienti situ calida
in arena disposuissemus, volatile obtinui-
mus alcali quod in collum candidi salis in-
star, sublimatum est. Si hoc experimen-
tum pari successu reiteratum fuerit, vide-
bitur innuere serosam, aut fluidam san-
guinis partem, eadem suppeditare prin-
cipia elementaria, aut substantias simila-
res, & quoad numerum & quoad speciem,
quas fibrosa, seu consistens ejusdem pars
subministrat, licet non quoad quantitatem
cum olei succique salis quantitas minor sit
in determinata seri portione, quàm in pa-
ri quantitate aut pondere partis sanguinis
concretæ.

Cum jampridem observassem [licet spi-
rituosæ urinæ humanæ partes exigant li-
quoris digestionem, aut putrefactionem
per sex circiter septimanas ut à particulis
torpidioribus dissolvantur, ac, prius, quàm
phlegma, ascendant, si tamen recens uri-
na debitæ calcis vivæ quantitati affusa fu-
erit] magnam spirituum copiam illico dis-
solvendam, aptamque fore in distillatione
ad

ad ascensum: operæ pretium fore existima-
vi vixperi, quid humani sanguinis se-
rum suppeditaret, si calci vivæ necdum
distillatum affunderetur: in futurum itaque
rei eventum intenti, duo hæc corpora com-
miscuimus: quorum mixtionem conseque-
batur, non statim tamen, sensibilis quidem,
sed transiens, calor. Compositum hoc cor-
pus distillationi commissum suppeditavit
primum igne moderato quoddam phleg-
matis genus, tum igne violentiori modi-
cam liquoris quantitatem, qui calcis odo-
rem præ se ferre manifestè credebatur,
saporis tamen adeo acuti non erat. Li-
quorem hunc comitabatur aliquanto plus
olei profundius colorati, foetidique quàm
expectabatur: altero liquore lente rectifi-
cato, qui primum superrefluxit spiritus,
fortioris erat odoris ac penetrantioris, sed
minùs rancidi, quàm erat odor humani
sanguinis modo communi extracti: sapor
quoque ipsius non tantùm erat acutus, sed
aliquatenus igneus; syrupo violarum, cui
affundebatur, conciliabat illico viridita-
tem: cum validâ solutione sublimati in
aquâ, aliâque argenti vivi in aqua forti,
duo statim fecit præcipitata alba: mixturæ
que genuino aquæ marinæ salis spiritui

emittere hac scilicet cum aqua marina confusione spissam, sed albicantem fumum, multo tamen qui conspici posset factus est: conspectus, aut productæ sunt bullulae: sed color spiritus salis visus est hac operatione multum exaltari. Sed hæc, licet non debito in loco indicare me oportet, cum memoratam supernis spiritus feri, & salis mixturam evaporationi exposuissemus exploraturi utrum suppeditatura foret saltem salis armoniaci adinstar figuratum, compertum à nobis esse saltem ejusmodi nullum ab ea prodigi, sed colorem productum in mixtura adhuc fluida, adeo exaltatum esse in ea de quo loquimur concretionem, ut coloris sanguineo rubri appareret. Quoad figuram autem, confusa adeo ea erat, ut ad nullum notum salis genus reduci posset, ex quibus omnibus phenomenis paret spiritum hanc ferocem sanguinis partem videtur valde cognatum spiritui concretæ partis sanguinis a nobis à nobis descriptæ.

Exper. XV.

DUæ ferocissimæ feri humani sanguinis unius poiala in chafinus
quæ,

que, opinione nostra quadruplum ejusdem
liquoris continere poterat, obliquatumque
hermetice phialam seposuimus, & nos
observaremus utrum manifeste ullæ mu-
tationes intra unam, alteramve septima-
nam in ea apparerent (nullæ interim op-
bis occurrerunt) tum alias ob causas, quas
ex eventu mox exponendo suspicari quis
poterit.

1. Postquam liquorem anno integro
obliquatum servassemus in nullo modo vi-
sus est coagulari, nec manifestum denis-
se sedimentum, sed non minus esse fluidum,
quam cum primum in phialam fuisset in-
fusus.

2. Lendiculum ne minimum quidem
aut vermem generasse visus est: quod id-
circo dubium observari quod mirum in
modum in congruit quæ alibi in eam
sententiam differui qui fluidam omnes mol-
lesque humani corporis partes, naturaliter
atque ex se ipsis neque tempore admodum
longo, lendiculos, vermes aliisque id ge-
nus insecta producere putant quæ quidem
ipse ipso in sanguine generata nunquam
vidi, dum licet servato ac putrefacto, im-
pedito integer fuerit, incorruptisque, dum
phiala includebatur accuratèque obstru-

Historia Humani Sanguinis

aus undique, nec à muscis afflatus, nec seminalibus, quas occultè aer ad eum convehere potest, particulis gravidatus,

3. Neque ulla oculo apparuit mater, ut loquuntur, substantiave recrementitia, quæ liquorum vel comitatur, vel prænotat putrefactionem.

4. Cum præter alios hoc in experimento propositos mihi scopos decrevissem experiri utrùm serum mutua partium in se invicem actione, aut catholici cujusdam permeantis fluidi, tantum aeris suppeditaret quantum aut vitro findendo aut violentius frangendo par foret; ampullæ sigillum clave caute sublatum est: statimque sat copiosus aer magno cum strepitu erupit: neque ullatenus dubitavi quin generatus diè aer, aut saltem extricatus, multùm comprimeretur dum inclusus foret. Cum liquorem inspectarem, exploraturus quæ ex hac eruptione in eo mutatio existeret, in supesiente ejusdem superficie bullulas observavi plurimas quales videri solent in cerevisia lagenis aliquamdiu inclusæ, ubi primum aperiuntur inque diversis aliis liquoribus, quibuscum aer captivus tenebatur, cum phialæ primum deobstruuntur: id autem eo minus miratus sum, quod
memor

memor forem quid aliquando contigerit ubi sanguinem vervecinum phiala inclusum obsignassem, moderatèque calidum per dies plures servassem: licet enim phiala, qua continebatur, longè capacior foret ea quæ serum nostrum continebat, aliquo tamen post tempore, dum nulla ei vis inferretur, ac nemo propè esset qui moveret, subito mirando cum strepitu difflata est ab aëriis scilicet, aut elasticis corpusculis, quæ vel producta erant putrefactione quam præcessisse observavimus, vel extricata ac libertate quasi donata.

5. Fortis quidem seri nostri odor erat, sed non cadaverosus, imitabatur enim tincturam sulphuris factam cum sale tartari & spiritu vini, aliavè id genus præparatione sulphurea.

6. Mihi præcipuè propositum erat, dum serum nostrum tamdiu obsignatum servarem, ut explorarem an digestionem, aut per aliquot menses putrefactionem, serum sanguinis, urinæ instar (que vel ex eo fieri, vel eidem cognata valde creditur) salinum suppeditaret spiritum, aut alcali sat volatile ut ante phlegma ascenderet. Hujus itaque rei veritatem exploraturi serum nostrum exiguo vitreo corpori distillandum

72 *Historia Humani Sanguinis*

commisimus, inque furno digestivo, sollicitè autem primum spiritus qui transit in recipiens cochleare desumpsimus: comperimus tamen, licet liquor primum fortis sit odoris foret, [primum dico, quia languidior brevi post odor evasit] saporem nihilominus nequaquam esse spirituosum qualis urinae putrefactae distillatae esse solet. Neque liquor noster in syrupum violarum stillatus manifestam ei mox conciliavit viriditatem: quia autem comperi non esse insipidum, accuratius paulo examinandum putavi, stillavique convenientem illius quantitatem in limpida ac saturatam sublimati in communi aqua solutionem hinc producta est albedo non adeo quidem intensa, sed similis ei, quam spiritus urinae, aut sal volatile produxisset. Quo quidem movebat ut aliquam illius portionem modico syrupi violarum super candidam papyrum commiscerem, ac eodem distillato liquore exiguas quasdam cupri limaturas alteri papyro superasperis maderacerem, totaque nocte sub dio relinquerem ut liquor quasi per otium in syrupum & metallum agere posset: inde autem priorem mane comperimus viridem factum, posterius autem eo usque dissolutum

ut

ut amplam cæruleam maculam papyro impresserit: hæc eo lubentius commemoro, quod juxta eruditorum quorundam opinionem, degener serum acidæ, non alcalisatæ naturæ esse debeat.

7. Cognatio secundum doctos quosdam medicos lac inter & serosam sanguinis partem movit me ut experirer, an (juxta experimentum circa lac recens factum celeberrimo Sylvio, ut audio, ascriptum,) serum humani sanguinis ruborem contraheret, si continue agitetur moderato interim adhibito calore, injectaque competentis salis tartari quantitate: sed geminis in experimentis nullam produci rubedinem animadvertimus, licet eorum alterum in vase ex purissimo argento cum octava parte salis comparatè ad serum, factum esset, quæ à nobis proportio usurpata fuit cum experimentum in lacte feliciter successisset.

8. Abs re fortè fuerit commonere, serum humani sanguinis brevi temporis spatio calore in quandam quasi Gelatinam coagulandum, aut potius, quantum quidem observare potui in substantiam areologano non absimilem quoad consistentiam, licet non quoad colorem: quare nunc ad eam, ubi comperissem acidos spiritus serum

74 *Historiæ Humani Sanguinis*

rum quoque coagulare, experiri volui an alcali prohiberent, aut retardarent ipsius coagulationem: cujus experimenti eventum ita paucis habeo: cum spiritum humani sanguinis sufficienti feri quantitati commisuissem, continuamque utriusque agitationem ad ignem moderatum imperassem, licet coagulationem, volatile alcali non impediret, eandem tamen videbatur lentiore reddere & laxiorem, seu molliorem qui effectus notabilior adhuc erat quando hoc experimentum cum alia feri portione, saleque tartari, vice spiritus sanguinis repetivimus.

Exper. XVI.

Quia calx viva quod caustica sit & corrodens suspecta solet esse medicis, experiri statui utrum sal fixum cinerum ollæ (qui sunt æque atque calx, sal lixiviatum) ipsi substitutum in distillatione eodem in serum humani sanguinis operaretur modo; quatuor itaque liqoris partibus unam salis addidimus, mixturaque hac in vitreo capite & corpore lente distillata

stillata magnam consecuti sumus liquoris
copiam quem non adeo fortem judicavi-
mus atque erat liquor alias commemora-
tus, ac à calce viva abstractus: cum au-
tem debilem hunc liquorem à sero nostro
suppeditatum leniori igni rectificandum
commissemus, comperimus duo ipsa li-
quoris cochlearia quæ primum ascende-
runt non spirituosæ, sed maximè esse
phlegmaticæ: neque liquor hic facile sy-
rupi violarum virorem conciliabat, licet
levioris præcipitati modicum, dum soluti-
oni sublimati affunderetur, suppeditaret.

Hoc aliquanto notabilius videri pote-
rit, si hinc loci experimentum addidero,
quod in praxi medicis præsertim usui esse
poterit ac præbere lucem iis, qui naturam
ac præparationes humanæ urinæ, tantæ
rei utilitatis, scire cupiunt.

Exper. XVII.

TRes urinæ recentis, nec multas post
horas emissæ, partes selegimus cum-
que iis partem unam salis ollæ cinerum,
quia

76 *Historia Humani Sanguinis*

quia hoc erat in promptu, (perinde enim, si fallor, fuisset sal tartari, aut etiam cinerum communium ligneorum) atque ubi lente mixturam in capite, & corpore distillasset, spirituosius primum satis ascendit liquor: quo seposito distillationem, mixtura prius in retortam effusa, continuavimus, donec residua apparerent sicca: dignum autem notatu est hac nostra operatione unicum quidem olei guttam obtinuisse: attamen, eam fortasse ob causam, spiritus hic urinae longè aberat ab eo fœtore quem communi methodo factus emittere solet: liquor autem qui sub distillationis finem supereffluxit, adeo dissimilis erat ei quem ferum sanguinis nobis suppediravit, ut non tantum insigniter fortior, & aperte eo qui primum ascendit fortior fuerit, sed & saporis extiterit igniti ac penetrantis, qui durable sui in lingua vestigium imprimebat cùmque optimo salis spiritu insignem efficiebat ebullitionem: quod nunquam aliàs, quantum memini, factis licet hunc in scopum experimentis, urinae spiritus à calce viva extractus præstiterit, cum autem compererim nunquam quantum recorder una cum liquore hoc

stup
recens

recentis commemorato, sal volatile in forma sicca ascendisse: in operatione facta ope salis ollæ cinerum varia absque rectificatione salis volatilis grana ascenderunt, quorum unum erat Crystallinum, atque insignis latitudinis, ita ut non absque voluptate quadam illud observaremus instar laminæ pulchre figuratæ, quia autem minora quædam salis granula unam adhuc ejus partem contegebant, dilucide satis distinguere utrum hexagonum, an octogonum foret nequibam. Hic autem omitendum non erat, cum hoc experimentum ut de re tota certius mihi constaret, repetiissem, non adeo foeliciter operationem successisse. qui enim supereffluxit liquor longè magis phlegmaticus videbatur quàm is quem prius nobis experimentum suppediavit: licèt utroque tempore salem ollæ cinerum ex eodem vase desumptorum, & ejusdem hominis urinam adhibuerimus; quæ itaque discriminis ratio foret nondum mihi occurrit: quam ulteriora fortassis experimenta ministrabunt: hic tamen liquor, qui ad primum sui supereffluxum debilis adeo videbatur, re-ctificatus *per se*, plusquam expectabatur vegeti

78 *Historiæ Humani Sanguinis*

vegeti salini spiritus suppeditavit, à
quo sat magnam, comparatè ad liquo-
rem, quantitatem salis volatilis in forma
seca candidique admodum coloris obti-
nuimus.

PARS

PARS QUARTA

*Historiam spiritus Sanguinis
humani complexa in epi-
stolari ad virum summe
eruditum J. L. discursu in-
cepta.*

Quod otium mihi & opportuni-
tas deforent, coactus sum hi-
storiam humani sanguinis tam
imperfecte desultorieque con-
scribere, ut titulorum non
pauci intacti omnino relictī fuerint, atque
obiter tantum parcēque de aliis actum:
quapropter non abs re fore judicavi si ple-
nius de uno aliquo primariorum titulorum
agerem, eumque in varios subordinatos &
secundarios titulos distribuerem; hunc ita-
que in scopum spiritum humani sanguinis
selegi hoc nobili super argumento daturus
spe-

80 *Historiæ Humani Sanguinis*

specimen eorum quæ ad illustrandos alios primarios titulos ni quædam requisita defuissent, potuissent afficri; quia autem spiritus humani sanguinis est è nobilissimis urinosorum ac volatilium alcalium, ita ut quæcunque fere de eo dicenda sunt, paululum immutata applicari possint spiritui urinæ, cornu cervi, salis armoniaci, fuliginis &c. adducendum putavi in medium Schema subordinatorum titulorum, quorum capita [quæ dimidium primariorum numerum ad integram sanguinis humani historiam spectantium superant,] adeo numerosa sint lateque patentia; ut pars hæc non tantum exempli instar esse possit, sed & compendium quoddam historiæ volatili-um salium in genere videatur, ac proinde tractatus à me quondam eo super argumento incepti jacturam refarcire queat.

Jamque ad designatam à me historiam ulteriore absque præfatione progredien- dum mihi foret, ni quædam prius monita præmittenda judicarem. Primo itaque

Quem adhibui spiritum faciendis sequen- ribus experimentis atque observationibus, is ab humano sanguine extractus erat abs- que ulla arena, luto, aliòve additamento nisi forte quod innoxio errore exiguae por-
tioni

tioni vinosus, ut aliquamdiu conservaretur, affusus sit spiritus, primæque distillationes quas sic voco ut à rectificationibus distinguam, efficerentur in retortis in arena positis, non igni nudo superimpositis: sollicitè porro provisum est ne vasa nimium implerentur, quia sanguis nisi bene exsiccatu facile intumescit, transitque in collum retortæ, sin minus, in recipiens.

2. Præmonitum te velim sanguinem à nobis adhibitum ab iis extractum esse qui sanguinem morborum præoccupandorum gratia emittere non solebant, qua præcipuè de causa sufficientem, aut certè quantam voluissem sanguinis mihi copiam comparare non poteram; sanorum enim hominum sanguis, ac magna præcipuè illius quantitas, in eo, in quo degebam loco, difficulter haberi poterat, ægrorum autem sanguis scopo meo non compete-
tebat.

3. Neque abs re fuerit, ut dubiis quibusdam occurratur, præmonuisse, cum tanta sit cognatio spiritum inter & sal volatile humani sanguinis, ut, quemadmodum inferius patebit, probabile sit, posterius, esse ipsum in forma siccâ spiritum, priorem vero esse sal unitum tantæ phlegmatis

F

quan-

82 *Historiæ Humani Sanguinis*

quantitati quanta ad liquidam ei formam communicandam requiritur; non abs re, inquam, fuerit præmonuisse, considerari posse à nobis sal volatile sanguinis tanquam siccum ipsius spiritum.

4. Ut tribus præmissis monitis quantum hoc superaddam, licet, comparatè ad particularia in secunda, tertiæque hujus tractatus parte exposita, pars quarta certam juxta methodum constructa sit, vix tamen aliquam hac in methodo accuratorem expectes: quia experimenta, observationesque ex quibus quarta hæc pars constat, Schedis dissolutis continebantur, variisque temporibus, nec una omnes occasione conscriptæ fuere: hac itaque de causa, atque ob festinationem meam, experimenta hæc absque ulla inter se dependentia comperientur eos ad titulos relata, seu reducta, quibus eo, quo fortuitò mihi occurrerant, ordine subjacebant.

CATALOGUS

*Titulorum secundariorum ad
Spiritus humani Sanguinis
spectantium.*

1. **U**trum sanguis humanus ita fermentatione, aut putrefactione ordinari possit, ut in distillatione spiritus aut vinosus, aut urinosus ante phlegma ascendere queat.
2. Utrum spiritus sanguinis humani sit ipsa aliud quidpiam quàm sal volatile & phlegma bene commixta.
3. De specie salinorum corporum ad quam spiritus humani sanguinis referendus est.
4. Utrum spiritus humani sanguinis discrepet à spiritu urinæ aliisque spiritibus qui alcalia volatilia dicuntur.
5. De quantitate spiritûs in humano sanguine contenta, sive eum concomitetur serum, sive siccus fuerit.

84 *Historiæ Humani Sanguinis*

6. De specifica spiritus humani sanguinis gravitate.
7. De odore, sapore, colore, diaphaneitate atque consistentia spiritus humani sanguinis.
8. De potestate dissolutiva spiritus humani sanguinis.
9. De tincturis quæ extrahi possunt humani sanguinis spiritu.
10. De coagulativa spiritus humani sanguinis facultate.
11. De præcipitativa spiritus sanguinis humani virtute.
12. De affinitate spiritum humani sanguinis, atque olea quædam Chymica, spiritusque vinosos inter intercedente.
13. De cognatione spiritum humani sanguinis inter, atque aërem intercedente.
14. De inimicitia humani sanguinis spiritus in acida, sive in forma liquorum, sive vaporum.
15. De medicis virtutibus spiritus sanguinis humani exterius applicati.
16. De medicis virtutibus spiritus sanguinis humani interius usurpati in pleuritide, cephalæa, tussi, febribus, scorbuto, cachexia, hydrope, paroxysmis uteri, & hystericiis, &c.

Para-

Paralipomena

&

Appendix, promiscua experimenta & observationes ad spiritum humani sanguinis spectantes, complexa.

Primus (*Secundarius*) Titulus.

Utrum humanus sanguis ita fermentatione, aut putrefactione ordinari possit ut in distillatione spiritus aut urinosus, aut vinosus ante phlegma ascendat?

Non omnino absimile vero est, futurum ut existimes propositam hoc in titulo quæstionem curiosam magis quam utilem, aut necessariam: neque multum hac super re contra contendero, si fortè ita senseris: quam tamen ne nullo suffultam fundamento putes, duo à te perpendi velim, ac primo quidem quàm commune

86 *Historiæ Humani Sanguinis*

jam sit, præsertim ex quo eruditi Willis scripta nomen Authori conciliarunt, contemplari febres, tanquam inordinatas sanguinis fermentationes; ac secundo, licet humana urina quam inter & humanum sanguinem magna intercedit cognatio, dum adhuc recens, distillatione non supeditet spiritum, aut sal volatile donec prius phlegma abstractum fuerit, tumque validum ignem ut ascendat, exigat, si tamen competenti tempore, hoc est, per sex serè septimanas seruetur in fermentatione, ut Chymici vulgò vocant, quam hoc in casu putrefactionem potius dicerem, futurum ut spiritus, salque volatile ascendant igne leni fortè prius omni phlegmate.

Duo hæc, ut mox insinuabam, id efficient, nequis propositam superius quæstionem superfluum, aut nullo niti fundamento putet: licet autem ad negativam potius, quam ad affirmativam partem propendeam, saltem quoad primam partem, aut articulum quæstionis, rem tamen totam experimento, si fieri possit determinandam putavi: quia autem sufficiens sanguinis quantitas mihi deerat, ac fortunatus in faciendis cum eo qui ad manum aderat experimentis cessus, pronuciare supersedeo dum ulterio-

or me experientia de re tota certio-
rem præstet: sed quantum ex hæc-
tenus factis experimentis conjicio,
vix quidquam subest causæ cur
ab humano sanguine vinosum,
aut ardentem spiritum expectem,
licet communis hic sit fermentationis
in liquoribus effectus; atque eo
minor mihi hujus rei spes affulget,
quod minimè mihi constet utrum
neque vera aliqua sit ac propriè
dicta humano in sanguine fermenta-
tio sive intra, sive extra corpus,
quod nondum quidquam in sanguine
aut urina compererim, quo ex ullo
istorum liquorum spiritum ardentem
extitutum persuasum haberem: memini
me humanum sanguinem per annum
integrum servare, in vase sollicitè,
atque etiam ni fallor hermeticè ob-
structo, eo omnino consilio ut
experirer utrum spiritus aliqui prius
ascensuri forent. Cum autem aeri
exponeretur, tetrum adeo, gravemque
foetorem exhalabar, ut, quod primariæ
quædam foeminæ quæ in domo dege-
bant, eum præ graveolentia ferre non
possent, projicere illico cogeremur:
alia vice cum sanguinem ovinum
digerendum sat diu curassem in
phiala hermeticè sigillatâ; ubi diu-
tius paulo in furno digestivo remansisset: de-

repente tangente nemine ingenti cum strepitu diffiluit longiùsque phialæ collum disjecit: duo triavè similia ferè infortunia in aliis humanum circa sanguinem experimentis contigerunt: quo eò magis commovebar, quod vero non abssimile existimarem, texturam sanguinis putrefactione urinæ instar, dissolvi posse, atque aliter sic alterari ut sal volatile, aut spiritus in distillatione lentiore ascendere queat ante phlegma: sed ut superius dicebam, non nisi ulterioribus experimentis his super quæstionibus mihi fiet satis.

Addam tamen hoc loco successum meum minus fortunatum in extrahendo ab integris sanguinis portionibus spiritu, nulla ab eo separatâ parte, aut ipsi extraneo addito corpore non me terruisse, sed movisse potius ut experirer num affine aliquod supramemoratis experimentum facere possem ex cuius successu conjicerem, quis eorum experimentorum si successissent, futurus fuisset eventus: cum itaque serum sanguinis contemplerer, ut, sane perquam verosimiliter aptiorem illius partem, atque ut æque aut certe magis aptam quàm integer sanguis foret, ad fermentationem concipiendam, fermentationem
inquam

inquam propriè dictam, unciiis quibusdam
hujus feri quartam partem passularum so-
lis bene contusarum addidimus, atque in
phiala cujus sat magna pars relicta est va-
cua, servavimus inque loco calido vas ob-
structum per varios dies. Cujus experi-
menti eventus hic erat: paucos intra dies
passulæ emergere cœperunt, ac fluctuare
non cessarunt, producta autem est, aut
extricata notabilis quantitas permanentis
aeris ut invento quodam, alio in tractatu
descripto, manifestè apparuit. Quæ ambo
phænomena videbantur aperte innuere
quemdam fermentationis gradum in mix-
tura fuisse productum. Cum tamen altera-
tum hoc serum distillaremus, licet fœto-
rem nullum, qualem putrefactum emisisset,
emitteret, qui prius ascendit liquor len-
to etiam calore, nec odore, nec sapore
vinosum spiritum referebat, quanquam
à mero phlegmate discreparet: si major
feri quantitas ad manum fuisset, reperitum
experimentum majorem fortè voluptatem
attulisset: quod dum facerem studiosè
observassem utrum forte producta fer-
mentatio oriretur non tam ab integro fe-
ro quàm tali, quàm ab aqueis particulis, ut
distinguantur ab aliis, quæ cum ipsis illud
constituebant.

Quod

Quod ad secundam quæstionem in hoc primo titulo propositam attinet, utrum præsertim sanguis digestionem, aut putrefactionem ita separandus sit, ut cum distillatur, spiritus ante phlegma sit ascensurus: id quoque explorare conatus sum cum serosa sanguinis parte à fibrosa aut coagulata effusa, hoc scilicet in separationis statu, aptiorem ad experimentum nostrum, quam integer sanguis foret ratus: cum autem sat magnam hujus feri quantitatem diutius quater fere servassem quam esset, quemadmodum observarem, requisitum ut urina in distillatione spiritum ante phlegma emitteret. Hoc diu jam servatum liquorem lento admodum igne distillavimus, ut pauca, aut præter fugitivas, partes nullæ primum ascenderent: comperimus autem eum qui supereffluxit liquorem exiguarum esse virium, tum quoad odorem, tum quoad saporem, qui neque facile syrupo violarum viriditatem conciliabat. Facile inquam, quia aliquot post horas, syrupum etiam hunc viridem efficiebat: attamen volatilis alcali instar validam communis sublimati in aqua limpida solutionem in candidum opacum ac lacteum ferè liquorem vertebat.

Titulus Secundus (*Secundarius.*)

Utrum spiritus humani sanguinis reipsa aliud quidpiam sint quam sal volatile & phlegma bene commixta.

CUM quæstio hoc in titulo proposita alios etiam alcalifatos spiritus, ut urinæ, cornu cervi, fuliginis &c. spectet, eo majoris momenti est, atque tum hanc ob causam, tum quia rem hanc certis argumentis definire difficillimum est, supersedendum mihi subitæ nimium decisioni est, dum plenior rei notitiam ulterior mihi experientia suppeditarit; hanc autem circa difficultatem illud tantum nunc pronuntiabo iis quæ hætenus mihi occurrerunt, moveri me ut credam spiritum humani sanguinis, esse omnino ex sale volatili & phlegmate compositum, si phlegmatis nomine comprehendere velimus non simplicem, aut elementarem aquam, sed
liquo.

92 *Historiæ Humani Sanguinis*

liquorem, qui licet inter Chymicos phlegma habeatur, illamque appellationem potiore jure quam liquor ullus ab humano sanguine separabilis mereatur, strictius tamen sumpto phlegmatis nomine phlegma non est, cum enim spiritus, sal volatile, oleumque ab eo sublimatione & distillatione separantur, quantum separari solent in Chymicis volatiliū alcalium preparationibus, residuus liquor qui phlegma vulgò reputatur, particulis quibusdam olei gravidabitur, atque nonnullis fortè etiam salis volatilis quæ exiliores sunt quàm ut nudo oculo distinguantur. Utrum autem frequentes rectificationes partes eas heterogeneas tam accuratè separare possint, ut iis aqueas omnino liberent, atque adeo phlegma ad simplicem, aut elementarem aquam reducant, donec sufficiens distillati sanguinis ad experimenta requisita faciendā quantitas adsit, in medio tanquam problema relinquo: eoque libentius, quia mihi non constat num frequentibus distillationibus particulae quædam ignis non possint identidem associari particulis liquoris, neque etiam utrum in prima ipsa distillatione humani sanguinis ignis non aut separaverit, aut produxerit liquorem, qui licet

licet nullarum fere virium, neque rectè ad ullum receptorum principiorum aut ingredientium reducibilis, ad oleum scilicet, sal & terram, nec dum est phlegma propriè dictum, sed liquor quidem adhuc innominatus. Ut alibi docui ligna, aliàque varia corpora distillatione suppeditare liquorem, neque oleum, neque acidum, nec alcalisatum, neque tamen verum phlegma, sed, ut ibi vocare placuit, *spiritum adiphorum*.

Præcipui ad rem hanc momenti fortè fuerit, si hic loci addidero conformiter opiniononi, aut conjecturæ potius ad quam nuper propendere me insinuavi, cum animadvertissem notitiam eorum quæ corpus constituunt, tam aptè interdum investigari posse ipsius generatione; aut productione, quàm analyfi & resolutione ejusdem, sequens à me factum esse experimentum: in aqua distillata tantum salis volatilis humani sanguinis dissolvimus quantum liquor deglutire potuit: quam mixturam cum accurate in vase aptè figurato, determinatoque caloris gradu distillassemus, desideratum liquorem hoc nobis experimentum suppeditavit, atque præcipuè unum, qui odore, sapore, aliisque variis

94 *Historiæ Humani Sanguinis*

variis operationibus vegetum humani sanguinis spiritum referebat: hoc precipui momenti experimentum alia vice pari successu repetitum est.

Titulus III. (*Secundarius.*)

*De specie salinorum corporum
ad quam spiritus humani
sanguinis referendus est.*

NON est quod multum temporis infusam ut doceam quod jam ab aliquot annis tam notum est plurimis medicis Chymicisque hujus aliarumque quarundam vicinarum gentium, spirituum salinorum distillatione natorum duo observata esse genera: Sed quia plurimi sunt atque etiam è numero eruditorum, maximè in remotioribus Europæ partibus, cui hæc distinctio non sat familiaris est; ne fortè nonnullis hujus tractatus copiam facias qui hoc è numero sint, non abs re fuerit paucis

cis insinuasse salinorum spirituum in distillatione ascendentium quosdam saporis acidi, ut sunt spiritus nitri, & vitrioli, &c. quosdam saporis esse maximè ab hoc discrepantis, ac sal commune aut lixiviatum referentis: discrimen autem operationum majus adhuc est quàm saporum: salinorum enim horum spirituum conjunctionem mutus in se invicem consequitur illico conflictus, atque ut plurimum, (neque enim rem semper ita se habere comperi) quæ alter spiritus dissolvebat corpora, alter præcipitabat: necesse porro est ut addam sales inter, alcalia vocatos quosdam in sat intensis ignis gradibus esse fixos, alios nequaquam; quam ob causam varii recentiores spagyrici ac medici qui acidum & alcali volunt esse vera mixtorum corporum principia, alterum vocant fixum, alterum alcali volatile. Quam doctrinam licet alibi oppugnarim, rationesque attulerim ob quas & ipsam, & appellationes mox memoratas rejiciam, sæpiùsque vocem sales combustionem factos, alcalia simplicia, aut lixiviatos sales, eosque qui ascendunt, interdum urinosos, interdum volatiles, sales & spiritus, cum tamen fixorum ac volatilium alcalium appellationes tantopere jam

jam in usu sint, obsequar consuetudini, ac sæpius, non semper, recepto eas ab usurpatoribus sensu & ego quoque adhibebo.

His itaque præmissis hanc summi momenti quæstionem nunc proponere non abs re fuerit ad quam scilicet salinorum corporum speciem spiritus humani sanguinis referendus sit? Corporum, inquam salinorum, licet enim spiritus sanguinis liquor sit, potentiores tamen ipsius operationes videntur ferè, ac forte omnino, ad fugitivum quo abundat sal referendæ. Duplex propositæ quæstionis fundamentum esse potest; alterum erit illud quod alibi adversus communem hypothesein probavi, quosdam scilicet sales volatiles etiam in forma sicca ascendentes, posse non esse alcalisatæ, sed acidæ naturæ; alterum erit, quod non tantum Helmontius una cum æssclis suis sed recentiorum Chymicorum ac medicorum plerique, digestionem acido fermento aut menstruo in Stomacho ascribant: unde suspicari merito quis poterit magnam acidorum corpusculorum copiam in massam sanguinis insinuare sese, illamque quasi gravidare, quod ut alibi ostendo, discrepantium etiam naturarum

rum

rum particulæ ipso sensuum judicio præstant. Verumtamen, ut propolitæ quæstioni faciam satis, asserere auserim, quantum hætenus observare potui, spiritum humani sanguinis esse omnino reducendum, ad eam quam volatilium multi alcalium classem vocant, atque sæpius ego urinosorum spirituum classem appello: comperio enim spiritum humani sanguinis eorum efficiendorum esse capacem, quæ ex quo publici ea juris feci, existimata sunt lapidis lydii instar ad discernenda alcalia volatilia, eaque ab aliis salinorum corporum generibus distinguenda: Spiritus enim humani sanguinis, multum confligit cum variis acidis spiritibus, ut spiritu salis, aquæ fortis, &c. atque illico syrupum violatum efficit splendide viridem, præcipitabat solutionem sublimati in aqua communi in pulverem candidum, atque ut paucis absolvam, ea comperi eum præstare quæ à volatilibus alcalibus quâ talibus expectari possunt, quoties experiendi aderat opportunitas nunc circa hoc, nunc circa illud corpus. Si mihi constaret, ut ob rationes alibi expositas non constar, alimenti digestionem, acidi ope fermenti, aut succi heri, quotiescunque eo Stoma-

chus abundat, facile adduceret ut crederem acidas quasdam particulas sanguini fortè commisceri: quo tamen non prohiberet ne spiritum humani sanguinis ad salia volatilia referrem: tam paucæ enim acidæ particulæ aut ab alcalifatis destruerentur, quæ hoc in spiritu adeo abundant, aut eæ adeo prædominarentur ut ab iis mixturæ ipsi imponi denominatio merito posset: ut si paucæ guttulæ spiritus aceti nonnullis veteris urinæ pintis, aut libris commiscerentur, aut sua privarentur aciditate à corpusculis contrariæ naturæ quibus in liquore occurrerent, aut à fugitivis quibus abundat salibus adeo obscurarentur ut acetosa corpuscula impedimento esse nequirent ne spirituosus liquor è mixtura per distillationem secretus ad classem salium urinosorum volatiliū merito referretur.

Titulus IV. (*Secundarius.*)

Utrum spiritus humani Sanguinis differat à spiritu urinæ, aliisque quæ alcalia volatilia vulgò dicuntur, spiritibus.

ARdui mihi, atque operosi laboris videtur definire num quodpiam necne discrimen intercedat spiritum humani sanguinis inter, aliâque alcalia volatilia, ut spiritum urinæ, cornucervi, &c. quia duo corpora variis in qualitatibus, atque etiam in omnibus magis obviis convenire poterunt quæ tamen in tertium aliquod corpus, aut quibusdam in casibus distinctas prædent facultates, distinctasque ac peculiare operationes: neque adhuc video quæ certa methodo affirmativa quæstionis pars, licet vera foret, demonstrari dilucidè possit: præcisa itaque quæstionis hujusce decisione iis qui eam decidere se posse putant,

permissa, satis habuero nunc donec saltem plenius rem edoctus sim duo ad propositam quæstionem spectantia observasse.

Ac primò quidem in ea mente sum magnum posse esse discrimen volatilia salla, spiritusque inter ut vulgò medicos in usus præparantur, atque ut reiteratis rectificationibus aliisque depurationis methodis adduci possunt ad eam simplicitatem ac puritatem, ad quam à dextro Chymico adduci queunt: quem in modum mentem idcirco eloquor, quia, quod ad exquisitam, aut elementarem simplicitatem spectat, ad quam licet peritissimi quidem artifices aspirent, atque attingere se posse putent, dubium tamen mihi est an eousque Chymici pertingere possint. Maximè si perpendamus quod alibi ostendo de inobservatis, quæ interdum saltem contingunt, mixturis corpusculorum ignis cum corpusculis corporum in quæ ignis agit.

Observandum secundò venit, utrum, si spiritus humani sanguinis aliorumque liquorum abundantium pariter alcalibus volatilibus ad quam maximam arte possunt puritatem redacti forent, utrum inquam

quam similes omnino quoad naturam & qualitates forent. Si tamen eos ut fieri assolet contemplemur eo in statu in quo sat puri medicos in usus creduntur, adhibenturque proinde à medicis Chymicisque, verissimillimum puto quoddam discrimen spiritum humani sanguinis inter, aliâque alcalia volatilia intercedere, ac ea præcipuè quæ suppeditant urina, ac cornucervi. Licet enim tetri omnium illorum liquorum odores videantur omnino similes, sceminæ tamen primariæ plurimæ, cæque diversæ omnes ætatis, manifestum eos inter odores animadvertunt discrimen, abhorrent à spiritûs sanguinis odore, tanquam à foetore, licet non absque voluptate quadam nares sat diu admoveant spiritui cornu cervi, atque etiam salis armoniaci vulgaris, aut Europæi, qui reipsa urinæ viri spiritus est: quo se plurimum recreari reficique aiunt. Quando autem una cum spiritu urinæ aut salis armoniaci debita cum proportionem spiritui salis juncto, conficiebam ut jamdudum alibi alio in scripto docui

(a) sal sæpe exporrigens sese in figuram salis armoniaci, quæ figura diversa admodum est à figura

(a) *Utilitas
experimen-
talis Phi-
losophie.*

102 *Historiæ Humani Sanguinis*

ra salis marini, nitri &c, rarissimè ac vix unquam obtinui magnam saltem quantitatem salis cum in modum figurati commixtione spiritus humani sanguinis cum spiritu salis. Licèt enim salina eorum corpuscula, superflua humiditate evaporata simul coagularentur, concretio tamen confusa videbatur, totaque aut maxima ipsius pars carebat nitida ea, distinctaque figura quam sæpius observaram in concretionibus factis mixtura spiritus salis marini, cum urinoso spiritu: quod autem ad medicas spiritus sanguinis virtutes spectat, quamvis non mihi adfuerit opportunitas rem experientia comprobandi, ac propterea pronunciare hic ipse nolim; siquam tamen celeberrimo Helmontio habemus fidem, insigne prorsus est discrimen spiritum humani sanguinis, atque humanæ urinæ inter, cum alicubi disertis verbis dicat (quo in loco, non jam occurrit, neque enim libri modò copiam habeo) spiritum humani sanguinis epilepsiam curare quod non item spiritus urinæ præstat.

Titulus V. (*Secundarius.*)

De quantitate feri in humano sanguine contenta sive eum comitetur serum sive siccus fuerit.

OPerosi sanè laboris est accuratam, certamque liquoris illius definire proportionem, quem distillatione ab humano sanguine eductum, spiritum ipsius, comparatè ad alia principia ex quibus sanguis constat, Chymici vocant. In quibusdam enim minus, in quibusdam magis phlegmaticus ac serosus sanguis esse potest, qui & magis minúsve spirituosus erit juxta temperamentum, ætatem, sexum hominis sanguinem emittentis. Ut autem mensuram aliquam statuamus quæ probabiliter non multum ab ea quæ vulgò reperiri potest, receder, scias velim uncias duodecim humani sanguinis sani, mediàmque phlegmatis unciam ac proinde quatuor

circiter uncias & dimidiam sicci sanguinis septem nobis uncias suppeditasse : addo insuper, cum in retorta in furno arenæ uncias septem bene ficcati, at non adusti humani sanguinis destillationi commissem, septem me circiter drachmas obtinuisse, hoc est, octavam circiter partem spiritûs, qui licet non admodum rectificatus, hoc nomen merebatur, adeo enim spirituosis & salinis partibus abundabat ut in *recipiente*, phialaque in qua eam servabam, magnam salis volatilis indissoluti copiam reliquerit, qualem liquor phlegmaticus non reliquisset. Si autem verum esse admittamus quod supra proponebatur tanquam verosimillimum, spiritum sanguinis sal tantum esse ac phlegma unita, facile admiserimus humanum sanguinem hac longè majorem spiritûs suppeditare portionem : cum à septem uncis sicci sanguinis postremo commemoratis obtinuerimus drachmas circiter quinque salis volatilis ; quod, si distillationibus convenienti phlegmatis quantitati uniissemus, probabiliter suppeditasset duas ferè adhuc uncias liquoris spiritûs appellationem promerentis.

Titulus VI. (*Secundarius.*)*De consistentia & specifica gravitate spiritus humani sanguinis.*

AD consistentiam spiritus humani sanguinis, latius sumpto consistentiæ nomine, specificam ipsius gravitatem referre possumus, (ut hæc vulgò corporum densitati responderet) majorem ac minorem fluiditatem ad liquorem tanquam ad massam spectantem, ac majorem minoremque minutarum partium ex quibus constat, aut quibus abundat, subtilitatem.

Quod autem spectat ad primum trium attributorum quæ observavimus ad consistentiam spiritus nostri esse reducibilia. Gravitās qualitas est, ita ut sic loquar, in natura visibilium fluidorum aut liquorum radicata, adeoque constanter eos comitatur, ut non potuerim non examinare gravitatem specificam, hoc est gravitatem moli
compa-

106 *Historiæ Humani Sanguinis*

comparatam, spiritus humani sanguinis; licet ob exiguam quæ aderat ipsius quantitatem, eadem adhibere instrumenta nequirem quæ hydrostaticis in experimentis adhibere solebam, ubi non adeo in liquore examinando coercebar: experimentum tamen qualicumque demum modo hujusmodi feci, quo comperi corpus compactum quinquaginta & octo grana in aere ponderans, atque in aqua grana sex, & tres quartas partes, in rectificato humani sanguinis spiritu quinque grana tantum, & quartam partem pendere. Data autem hac occasione dicam quidpiam vestram præter opinionem, scilicet nihil impediente spiritus sanguinis volatilitate, comperisse me sat magnam succini portionem in ipsum projectam, non ad fundum liquoris, ut plerique expectarent, subsedisse, sed in superiore ipsius superficie fluctuasse, atque si quando mergeretur, emeruisse.

Alterâ qualitas ad *consistentiam* spiritus sanguinis relata, est gradus ipsius fluiditatis, aut si mavis, major, aut minor ipsius à tenacitate, aut viscositate immunitas, quam recentiores quidam philosophi, quorum opinionem necesse non est hic examinare, ad liquores omnes quales

les spectare putant: tam manifestum tenacitatis gradum in humani sanguinis spiritu idcirco forte quis expectarit, quod à plurimis recentioribus Chymicis *alkali* habeatur: neque nos latet varios alios alcalifatos liquores quorum è numero sunt oleum tartari per deliquium, nitrùm fixum eodem modo resolutum, solutione cinerum ollæ, &c. sensibiliter esse unctuosos, sed languidè tantum fluidos: non tamen observavi rectificatum humani sanguinis spiritum, quem inter digitos medium tractavi, communi esse aqua unctuosiore. Cum autem ii, qui spiritum vini vendunt, illum agitare soleant donec spumam aliquam excitet, hujusque in superficie morâ, de liquoris tenuitate, ac tenacitate pronunciare, eum rati unctuosiore cui diutius insident bullulæ, eumque è quo citius refugiunt, præstantiorem; eadem prorsus methodo spiritum humani sanguinis examinandum putavi, spumamque comperi brevissimo tempore in superficie hædere, non minore fere celeritate disruptis, aut evanescentibus bullis, quàm si liquor probatus vini spiritus fuisset. Observatum pariter à me est, cum partem aliquam bene rectificati spiritus sanguinis cau-

cautius in aliud quodpiam corpus labi sinerem, singulæ mihi guttulæ videbantur manifestè fere minores guttis aquæ, variorumque aliorum liquorum: quod multum confirmabunt eorum quædam quæ tertiam circa qualitatem, ad consistentiam ejus de quo agimus spiritûs, referendam, sum in medium adducturus.

Quia alicujus fortè fuerit momenti non meræ curiositatis, scire quanta subtilitate activæ partes spiritus humani sanguinis præditæ sint, quamque mirè factæ sint, apræque ut se per alios convenientium texturarum liquores dispergant, diffundantque: ut hoc oculis quasi subjicerem, methodum adinveni quam alias alios in fines excogitavi, non ineptè huic, in quem nunc collimamus, scopo applicari posse putavi; cum enim animadverterem non leve hoc in plerisque deficiæ peccatum qui sat habent generatim asserere hoc vel illud corpus, partibus subtilibus, aut valde subtilibus constare, parum interea solliciti de indaganda quapiam methodo, qua ad pronuntiandum de hac subtilitate certiùs, definitiusque regerentur, ad methodum inveniendam, atque ad praxim reducendam alliciebar, quæ hujus defectus sæpe supplementum

mentum quoddam foret. Quam cum alio in tractatu tradiderim, prolixam tædiive plenam ipsius descriptionem hic afferre supersedebo. Cum hoc in loco sat superque fuerit si paucis dixero, quod forte mirabere, secundum methodum mox memoratam communem nos aquam infusionibus in eâ absque calore factis ita præparasse, ut injecta vel unica gutta rectificati spiritus humani sanguinis in uncias quatuor & grana totidem, (quæ granorum duo millia conficiunt) aquæ præparatæ, phialæque leviter agitata, manifestum toto liquore diffusum esse colorem, cujus, nullus in ea gradus prius apparebat, quod sane stupendam prorsus partium subtilitatem in spiritu à nobis adhibito demonstrat, cum vel unica illius guttula ita dispergere corpuscula sua possit, ac commiscere aquæ bis millies majori, adeo tamen interea activitatis suæ tenacia, ut præsentiam suam non sensibilem modo sed & conspicuam facerent manifesta coloris mutatione quam induxerant. Hæc fateor enumeratio hac nititur hypothese, quod aquæ gutta ponderet fere granum, guttaque spiritus sanguinis aquæ guttæ æquiponderaret.

110 *Historia Humani Sanguinis*

Prior hypothesis communis est, licet non usquequaque veram compererim, sed guttam aquæ aliquanto amplius grano ponderare: hoc tamen discrimen sat superque compensatur discrimine à nobis, pondus inter guttæ aquæ, ac guttæ spiritus humani sanguinis, reperto. Cum enim in legitimam, accuratèque librata bilancem guttas decem aquæ communis, totidemque rectificati spiritus humani sanguinis, demissemus, quod de tota re pronunciare nos tutius certiusque posse judicarem, si plures potius, quàm unicam, utriusque liquoris guttas inter se conferremus, comperimus, ut expectabamus guttam liquoris postremò nominati ut manifestè minor erat, ita multo fuisse leviolem aquæ gutta, adeo ut omnes decem guttæ quatuor vix penderent grana. Quare tuto pronunciare possumus guttam spiritus manifestè sese diffudisse, atque egisse in aquam quater millies ponderosorem, ac forte etiam quoad molem quater millies majorem: cum proportio fere se haberet ut 1 ad 5000, adeoque dici possit ut 1 ad numerum medium inter 4000, & 5000 quod licet fidem omnem superare videatur, iis maxime qui non
propius

propius inspexerunt magnam artis & naturæ subtilitatem in corporibus comminuendis; repetito tamen experimento, citius quarta horæ parte hæsitantem, dubiumque, hujusce veritatis convincere possum: hæc autem partium sanguinis subtilitas major adhuc apparebit, & dicetur si advertamus quod demonstrare me posse puto, non contemnendam singularis guttæ a me adhibitæ partem fuisse phlegma productæ mutationi inutile, cum operatio ad salinorum spirituum parvulæ guttæ energiam referenda sit.

Titulus VII. (*Secundarius.*)

De odore, sapore, colore, diaphaneitate spiritus humani Sanguinis.

EArum qualitatum, quæ communiter quidem, sed ut mea fert opinio sanè immerito, primæ dicuntur, ad spiritum humani

humani sanguinis nulla spectat, ita ut de iis quidquam comparatè ad ipsum differere teneat. Sat igitur habuero obiter hic earum fecisse mentionem, nequis oblivione eas à me esse prætermittas putet: quiddam tamen est, quod non ineptè ad calorem, aut frigiditatem spiritus humani sanguinis, referri possit, quod medici æquè ac philosophi qualitates has in actuales ac potentiales distinguant: Spiritus enim sanguinis humani, comparatè ad quosdam liquores, videtur potentialiter frigidus, cum eos refrigeret, atque comparatè ad quosdam alios potentia calidus, quandoquidem his permixtus mixturam efficit actu calidam cujus rei sequens proponam exemplum.

Tenui cylindrico vasi indidimus inferiorem Thermoscopii hermetice sigillati partem, quod hic & alibi regulatum, aut mensuratum, *gag'd*, vocare soleo quod conforme sit regulæ, mensuræque, seu normæ ejusmodi instrumentorum in Collegio Greshamienſi servatæ. In vitrum, hoc Cylindricum tantum spiritus humani sanguinis mediocriter fortis effudimus, quantum cooperiendo Thermometri Globo satis foret, tum hunc in liquorem spiritum salis optimum stillavimus; facta hac mixtione,

mixtione ortus illico est magno cum strepitu, bullulisque confectus, eoque etiam calore quo sat celeriter spiritus vini duos ultra pollices & dimidium ascendit: quod experimentum eo majore consideratione dignum est, quia plurima sunt alcalia volatilia quæ acidis spiritibus commixta, licet veram producere effervescentiam videantur, reipsa tamen insignem frigiditatis intensionem gignunt. Quod autem præcipue mihi considerandum hic occurrebat, illud erat, quod, cum plus vice simplice, imo sæpe experientia compererim spiritum æruginis, quem nonnulli spiritum Veneris vocant, una cum volatili salis armoniaci, aut urinæ sale, apparentem quidem effervescentiam, sed veram frigiditatem producturum, idem hic æruginis spiritus in tenui Cylindrico vitro præmemorato spiritui sanguinis mediocriter tantum forti commixtus, non stridorem modo, & magnam bullarum copiam produceret, sed & actualem calorem, quo spiritus vini in Thermoscopio celeriter cogeatur sursum pollicem supra & medium, licet adhibiti liquores cochlearia duo conjunctim non imple-
rent.

Titulus VIII. (*Secundarius.*)*De dissolutiva spiritus humani sanguinis potestate.*

Non tantum utile erit manifestandæ subtilitati, ac penetrativæ spiritus humani sanguinis virtuti, sed cuipiam etiam medicis usui erit, si experimentis comprobatum fuerit hunc spiritum non tantum seipso optimum esse varios adversus morbos medicamentum, sed adhiberi etiam posse tanquam menstruum ad varia corpora dissolvenda, atque etiam metallica quædam: quia autem verosimillimum est hæc posterius commemorata non facile dissolvenda esse à substantia ad regnum animale ut Chymici loquuntur, pertinente; duo subjungam experimenta eo à me facta consilio ut dissolutivam spiritus sanguinis virtutem ostenderem.

Cum itaque primum crudi cupri limaturis, quæ quo exiliores, eo scopo nostro aptiores sunt, spiritum humani sanguinis summè rectificatum affudissemus, simul

coagitavimus, ac spatio circiter horæ quadrantis, aut infra, animadvertimus menstruum factum esse nonnihil cæruleum, quod operationem jam inceptam indicabat: vivacior autem hic color in momenta erat, donec aliquot post horas sat cupri menstruum dissolvisset, ut profundè cæruleum appareret; alia quædam ac nonnihil discrepantia experimenta hoc in metallum suo loco occurrent.

Interim hic indicabo quibusdam in casibus spiritum sanguinis miranda in cuprum celeritate egisse, cum enim integram hujus metalli portionem, mundam splendendamque fecissem, nequa pinguedo immunditiesve liquoris operationi impedimento foret, unamve aut alteram spiritus nostri guttam in eam stillassem, intra circiter dimidium horæ minutum, ab horologio rotatili minuta secunda indicante observatum, virga humefactæ partis superficiei cærulea visa est, atque statim fere post reliquum madefactæ partis pulcherri-
mum contraxit cæruleum colorem.

Limaturas quoque zineti, *zink*, aut, ut in officinis vocant, *speltræ*, *spelter*, selegimus, cumque iis spiritum sanguinis optimè rectificatum affudissemus, celerem ip-

116 *Historia Humani Sanguinis*

sius, licet non validam operationem, etiam in frigido observavimus manifestè. Modico tamen caloris beneficio zinetum celeriter productis magno numero bullis, atque operatione nonnihil decolor factus dissolvebat: quod experimentum quempiam alibi in usum adhibetur, quem proinde tradi hic necesse non est.

Addam hic loci selectam esse à me curiositatis gratia portionem sanguinis coagulata, sed non siccata, grandiore piso aliquanto majorem, quam ab inferiore massæ sanguineæ parte detraxeram, ut nigra foret, superior enim fibrosi sanguinis pars aeri proximè adjacens rubra ut plurimum est.

Hunc sanguinis grumulum tenui phialâ crystalli purissimæ, ut color melius distingueretur inclusimus, in eumque tum modicum spiritus rectificati sanguinis effudimus. Utrumque aliquantulum agitavimus, moxque in ictu oculi color partis saltem aeri contiguæ, manifestè mutatus est, evanescenti nigredini florido quasi coccone substituto colore. Liquor quoque tinctus erat, non tamen colore rubro adeo, sanguineove, quem ex bullulis identidem ex grumo in ipsum impingentibus men-
strui

strui more operari judicasses cum tamen paulò post hunc sanguinis grumulum rursus inspicerem, à pristino colore, ad obscuriorem longe degenerasse comperi.

Alium quoque sanguinis grumulum priori non absimilem selegimus, præterquam quod ea illius pars quæ aeri proxima fuisset nigra non esset, cumque in eum, in phiala priori persimili spiritum sanguinis, eodem è vase ex quo priorem portionem acceperam, extractum effudissemus, rubicundus color statim intensior videbatur, splendidiorque, atque adeo coccinei coloris adinstar. Nigredo, seu color niger nihil fere intentionis suæ amiserat, obscuri utpote adhuc, luteique coloris tenax: quare secundum hoc experimentum ulteriorem requirit experientiam, ubi explorandæ hujusce rei aderit iterum opportunitas: nec sane immerito, quod enim hætenus de spiritus in geminos sanguinis grumulos actione dixi, deditis contemplationi ingeniis non vulgarium animadversionum materiam subministrare poterit. Nec abs re hic loci fuerit indicasse, cum subobscurè dubièque meminissem, diu ante seposuisse me sanguinis humani spiritum, una cum certa volatilis salis ut in fluore

servaretur, quantitate, immemorem interea quodnam alcali volatile adhibuerim, alia inter vitra quæ seposita fuerant, reperisse me longioris colli unum, cui appensa erat appendicula quæ tempus indicabat quo duodecim humani sanguinis drachmas cum duabus spiritus humani sanguinis hoc vitro concluderamus: unde sanguinem hunc ipsos duodecim & amplius menses conservatum fuisse constabat, qui tamen vitro floridus adhuc translucebat, atque fluidus fere torus videbatur.

Cum itaque aperta phiala est, quæ subere ceraque sigillatitia sollicitè obstructa fuerat, retrum nullum odorem, aliudve putrefactionis signum in mixtura comperrimus, atque perexiguam sanguinis portionem leviter in fundo concretam in grumulos, residuum enim linteolo facillè transmeabat: unde insignis planè virtus balsamica spiritui sanguinis inesse videtur: cum potuerit tamdiu & tam bene non minus sanguinis humani quam decuplum sui pondus conservare quem tamen ad concretionem, putrefactionemque mirè esse dispositum nemo nescit: quin etiam diutius longe verosimiliter sanguinem præservasset spiritus mox memoratus, nisi
expe-

experimentum prosequi visum nobis fuisset; Nescio utrum operæ pretium fuerit sub-
 jungere huic experimenti nostri descriptio-
 ni, cum sanguinem abstraxissemus, ut levi
 igne superius memoratam mixturam di-
 stillaremus, primum qui ascendit liquorem,
 non fuisse spiritum, sed quoddam phleg-
 matis genus, licet postea præter spirituo-
 sum liquorem sal volatile in forma sicca
 ascenderit.

Hic insuper subjungam experimentum
 sequens jampridem factum cum spiritu
 quem existimaram eo debiliorem, cujus
 ope experimenta superius memorata facta
 sunt.

Quendam in scopum quem hic com-
 memorare necesse non est limaturas Martis
 consultò faciendas curavi, ut statim adhi-
 bitæ nullam contraherent rubiginem, qua
 dubia liquoris nostri operatio reddita fuisset.
 In hac, spiritus nostri portionem ali-
 quam effudimus cum autem mixturam
 in digestionem aliquamdiu servassemus, com-
 perimus, ut expectabamus, liquorem
 egisse in metallum magnamque levium
 substantiarum copiam, crocum colore re-
 ferentium, sed aliquanto pallidiorum pro-
 duxisse, plus quoque quam expectabamus,

reperimus: magna enim copia tenuium laminarum instar terræ cujusdam *foliatæ*, ut Chymici loquuntur, in liquore apparuit: quæ levem post agitationem solis radiis objecta colores iridis adeo vividos exhibuit, ut non minori spectatori- bus voluptati quam admirationi fuerit: liquoris tamen saporem, insigniter esse *martialem* non animadverti.



Titulus IX. (*Secundarius.*)

De tincturis quæ spiritu humani sanguinis extrahi possunt.

Cum pleræque extractionum illarum, quas Chymici tincturas vocant, sint, ut alibi ostendi partiales, corporum à quibus obtinentur solutiones, facile ut opinor quis concesserit, cum spiritus sanguinis, ut in præcedente titulo patuit, dissolvere possit cuprum, & zinetum, *zink*, quæ solida sunt ac metallina corpora, posse quoque eundem à variis aliis tincturas extrahere, sed ut hæc hujusce menstrui virtus, pro-

probetur potius quàm supponatur, non abs re fuerit paucis eam exemplis demonstrare.

Spiritus sanguinis anglico croco affusus sat pulchre citò flavescere cœpit.

Spiritus sanguinis pulveratæ *curcumæ*, *Turmeric* vulgò affusus ab ea in frigido tincturam perpulchram instar solutionis auri extraxit quæ probabiliter, ut hoc obiter dicam, medicamentum de-obstruens futurum est præstantissimum, præcipuè adversus Icterus, quo in morbo, *Curcuma*, quæ croci indici genus quoddam est, experientia ipsa comprobatur, atque hac nostra in tinctura spiritui humani sanguinis conjungitur. Quem inter & spiritum urinae cognatio proxima intercedit, cui virtute & efficacia nihil inferior est: quo cum liquore bene rectificato non vulgaris mihi successus adversus icterum obtigit.

Ut extractivam spiritus humani sanguinis facultatem in substantiis ad animalia pertinentibus experirer, è re medica fore putavi explorare, quænam vis ipsius foret in solidas humani sanguinis partes, sanguinis inquam siccati, non tamen adusti, sed tantum aliquo cum labore in pulverem reducibilis.

Huic

¶ Huic itaque bene cribrato pulveri spiritum ex eadem materia mediocriter fortem affudimus, qui statim etiam in frigido colorem contrahere cœpit : atque intra idem temporis spatium non minus postea ruber, quam vulgare vinum rubellum Gallicum apparuit : hæc me extractio movit ut suspicarer phlegma quod à spiritu à me adhibito accuratè separatum non erat, accelerasse menstrui colorationem.

¶ Quam ob causam alii ejusdem pulveris portioni rectificatum sanguinis spiritum affudi, adeo bene dephlegmatum, ut ne granum quidem volatilis salis sanguinis dissolverit ; comperique, ut suspicabar, hoc menstruum alio longe tardius extrahere tincturam : quem enim plures post horas obtinuit colorem, fuscus tantum erat, aliquanto tamen plures post horas color apparuit in ruborem exaltatus, manifestè tamen inferiorem rubedini spiritus aliquantulum phlegmatici de quo supra, quam tamen diuturniorem post moram æquavit fere. Hoc itaque modo non obregere tantum spiritum humani sanguinis, sed & cum præstantioribus corporis solidi irresoluti particulis quasi gravidare possumus : quo fortassis spiritus remedium fiet accom-

accommodatus, quibusdam & morbis, & temperamentis: quod medicamentum, integram interdum voco humani sanguinis tincturam, ex solo enim humano sanguine constat.

• Ut tandem ostenderem spiritum humani sanguinis extrahere posse tincturas ex durissimis etiam corporibus sequens feci experimentum.

Selectas quasdam chalybis limaturas selegimus, hæ enim ab acuto lubricatoribus conservantur, inque exiguo ovo impositis rectificatum summæ spiritum sanguinis affudimus, totaque nocte servavimus in digestionē moderato calore; postero die summo mane menstruum comperimus coloris fusco-rubri sat intensi. Ac limaturarum quedam quæ foris lateribus vitæ adhærebant, sed aliores erant quam ut eousque liquor pertingeret, aut ortis à menstruo exhalationibus, aut forte obvio ipsius contractu ut infundebatur, in quemdam flavum Martis crocum versæ videbantur: neque hic prætermittendum est cum menstruum ac limaturas simul in ovo præmemorato per aliquot adhuc dies servassem, colorem menstrui evasisse opacum, ac cum in insigni aliqua mole conspiciebatur,

tur, visum esse nigrum: quibus ultimis verbis consulto utor, quia aliam præ se speciem ferebat cum candidam supra papyrus rarius aliquanto spargebatur.

Non omnino fortè inutile fuerit medicis, apud quos chalybeata medicamenta magno sunt in pretio, si addidero ob rationes quas hîc referre necesse non est, cum suspicatus essem spiritum nostrum in chalybem acturum, alio omnino modo quàm acida solventia à Chymicis & Medicis adhiberi soleant, effudisse nos tincturam nostram à limaturis Chalybis extractam in tincturam Gallarum recens extractam (in aqua communi infusarum,) neque comperisse liquorem hunc cum infusione atramentitiâ ullam conflasse mixturam, neque præcipitatum statim productum, fuisse nigri, multo minus veri atramentitii coloris, licet modos excogitarim in ictu oculi mixturam nigram producendi cum aliis martialibus solutionibus, ac tincturis, quas curiositatis gratia, interdum virides feci, rubras interdum, interdum flavas, atque etiam aliquando ni fallor, alterius ab iis omnibus coloris.

Particularia hæc eo accuratius tradidi, quod ea sperem conducere posse nonnihil
ad

ad corrigendas variorum ingeniosorum quorundam recentium medicorum ideas, ac cultorum Chymiae praesertim qui huic hypothefi multa superastruunt, quae speciosa quidem, fateor est, dubito tamen num solida sit, timeoque ne damno esse queat: ex experimentis enim superius recitatis, minimè tutum est aut supponere, si chalybeata in corpore dissolvantur, dissolvi oportere ab aliquo succo acido, aut concludere si chalybs liquoribus corporis dissolvatur, oportere esse eum ex praedominio, ut loquuntur alcalisatum; cum eum liquor acidis inimicus dissolverit, paritate rationis probabiliter quis inferre poterit contrarium ejus quod supponunt, quod chalybs in nostro experimento partialiter saltem ab eo quod ipsi alcali vocant dissolutus sit, ac proinde ex praedominio acidæ debeat esse naturæ. Sed de hac hypothefi consulto alibi differuimus, quare de ea nihil hic superaddemus, tuæ tantum meditationi relinquo, num alius, quam in quem hætenus medici inciderunt, non querendus sit modus explicandæ operationis chalybeatorum in humano corpore medicamentorum, atque utrum non aliquis martialium remediorum non acidis, sed

sed volatilibus sulibus præparatorum in re medica usus esse possit.

Oil. Spiritum humani sanguinis affudi pulverato succino optime cribrato tenuissimo cribro, atque in digestionem per aliquot dies servavi, adhibito sat intenso calore; nullam tamen fere tincturam inde consecuti sumus, siue nondum spiritus satis fuerit rectificatus, siue succinum, quod genus quoddam albi succini præstans erat, non adeo facile tincturam suam emitteret, quam emittere soleat minus pretiosum succinum, ut experientia sæpe edoctus sum, sed profundius coloratum. Ad nonum hunc titulum is qui sequitur evenitus referri potest. Spiritum humani sanguinis affudimus isti *gummi-laccæ* generi quæ ex Indiis orientalibus, formâ granulorum huc deferitur, eamque ob causam *seed-lac* vulgò dicitur; affusus enim huic spiritus, licet resinofum gummi sit, nec facile solubile, tinctus illico est; quod omnino expectaram, quod conjicerem ruborem in variis similibus semini granis apparere solitum, superficie tantum esse tenus, atque oriri ab adherente aliquo sanguine alatorum insectorum, quæ moribus suis huic gummi ortum dedere; in viminibus arborum in quibus

quibus *lac* reperitur: quibus viminibus magnam inhærentium granorum istorum gummosorum copiam non semel vidi; quare non videtur tinctura ab ipso *lac* proficisci, sed à sanguine potius istorum animalculorum, quem spiritus humani sanguinis qui à siccato hominis sanguine tincturam trahit, dissolvit. Hæc autem tinctura utile futurum est medicamentum, cum insecta in re medica adhibita, ut *millepedes*, *pediculi*, *apes*, *formicæ*, &c. in nostro etiam frigidiore climate, subtilium valde ac penetrantium partium magnæque virtutis medicamenta suppeditant.

Titulus X. (*Secundarius.*)

De coagulativa spiritus humani sanguinis facultate.

Licet spiritus humani sanguinis tantam habeat dissolvendi virtutem, quantum diximus, comparate ad quædam corpora, in quædam tamen alia contrariam videtur sortitus esse operationem; dico,
vide-

128 *Historiæ Humani Sanguinis*

videtur, quia in dubium revocari potest, neque hac de re jam disceptare fert animus, utrum effectus de quo mox, sit propriè dicta coagulatio, qua unum corpus sibi aliud coagulat, an potius coalitio particularum, ad mutuam cohæsiõnem, cum sibi fortè invicem convenienti modo occurrunt, dispositarum: quodcumque autem nomen rei de qua dicturus sum imponendum sit, experimento consulto facto didici, summè rectificato spiritu humani sanguinis, agitatione optime commixto, convenienti, æquali scilicet ad minimum vinoforum spirituum quantitati, qui ardendo penitus evanescent (si enim liquores sint phlegmatici, aut experimentum non omnino succedit, aut non tam foelici-ter) futurum statim ut contingat coagulatio, aut concretio vel totius mixturæ, vel magnæ ipsius portionis in corpuscula saliformia, quæ unione facilè solubili cohærendo constant in massam, ad sufficientem fluiditatis remotionem, consistentem, licet, perquam mollem: quæ hac sub forma, quantum adhuc experiri potui diu remanere poterit, plures fortè septimanas, aut menses si in loco frigido servetur.

Titulus XI. (*Secundarius.*)*De præcipitativa spiritus humani sanguinis virtute.*

DE præcipitativa spiritus sanguinis humani potestate nihil adhuc peculiare observavi, sat itaque fuerit generatim dixisse, quantum ego quidem experiri potui, communem cum habere aliis cum spiritibus volatilibus, quos alibi urinosos voco, potestatem pleraque corpora præcipitandi, quæ acidis in menstruis dissolvuntur; pleraque dixi, quia, ut alibi plenius docui, error est eorum, licet vulgaris, qui supponunt, ut Chymicis, medicisque in more positum est, quodcumque dissolvitur ab acido, præcipitandum ab alcali qualis, sive fixo, sive volatili, cui posteriori generi, spiritus urinæ, sanguinis, &c. annumerant; deficit enim hæc regula quoties corpus ejus est naturæ ut tam ab alcali, quam ab acido dissolvi possit. Licet autem hypothesis alcali & acidi non sinat eos talia admittere corpora, alio tamen in loco experimento probavi ejusmodi dari: quod propiore adhuc exemplo probari potest,

I cum

Vide Titulum VIII.

130 *Historiæ Humani Sanguinis*

cum superius viderimus optimum spiritum humani sanguinis in frigido dissolvere & cuprum, & Zinetum, Zink, quæ corpora sunt ab aqua forti, nonnullisque aliis acidis menstruis facillè solubilia.

His exceptis de quibus mox loquebar corporibus comperi spiritum humani sanguinis alia præcipitare corpora in acidis menstruis dissoluta, eodem ferè modo quo spiritus urinæ, aliâque ejusmodi volatilia alcalia præcipitare solent; hujus, memini, alia inter exempla, experimentum feci cum minio, aut plumbo rubro in acido aceti sale dissoluto, cum argento in aqua forti, cum auro in aqua regia, cum stanno, in appropriato menstruo, dissoluto: spiritus quoque nostri ope solutiones variorum aliorum corporum præcipitavi, quas hic nominari necesse non est; quia autem magnus, frequensque est apud omnes homines salis marini ad conservandum, condendumque quod edunt, usus, non inutile fuerit speciatim indicasse, ex solutione salis communis in aqua communi facta facillè nos præcipitare potuisse spiritus humani sanguinis ope substantiam terræ candidæ non absimilem: cujus substantiæ majorem longe quantitatem obtinui ab eo quod

quod salis confectores vocant *Bittern*, quod in salinariis plerumque ahenis remanet, cum tantum ferè salis extraxerint quantum figurata in grana coagulari potest. Spiritus quoque humani sanguinis, vitriolum album Dantiscanum in aqua dissolutum præcipitat, sed non quantum observare potui, totaliter, quod mirum tibi videri non debet, quia cuprum dissolvit, quod unum est eorum ex quibus vitriolum cæruleum constar.

Titulus XII. (*Secundarius.*)

De affinitate spiritum humani sanguinis inter & olea quadam Chymica, spiritusque vinosos intercedente.

Quamvis alio in * tractatu, ob rationes illic expofitas, aperiam quam vulgares mihi displiceant notiones *sympathiae, antipathiae, amicitiae, inimicitiae, affinitatis, hostilitatis, &c.* quæ

* *De mechanica origine aut productione qualitatum.*

132 *Historiæ Humani Sanguinis*

Inanimatis corporibus ascribi solent: hoc tamen in loco nihil impedit. quominus voces has, *affinitatem, cognationem, hostilitatem* sensu minus stricto, & populari, usurpem, quo non à vulgaribus solum hominibus, sed à philosophis etiam, Chymicisque, usurpantur.

Juxta hanc itaque hujus vocis *affinitatis* acceptionem, tale quidpiam rectificatum spiritum humani sanguinis inter, & purum vini spiritum intercedere videtur: cum alias observatum fuerit, (sub titulo decimo) utrumque mutuò commixtum facile coagulandum, diuque hujus unionis esse tenacem, verosimillimum est non absimile aliorum ardentium spirituum fermentatione præparatorum fore conjugium.

Alias quoque observavimus spiritum nostrum, tenuiorum sanguinis humani bene siccati partium solutionem effecturum: quod hîc exemplum idcirco commemoro, quia ejusmodi solutio ab *affinitate* quadam, aut *cognatione*, ut plerique vocant, quod *mechanicam* ego *congruitatem* potius dicerem, spiritum inter & corpus in quod agit, intercedente proficisci videtur. Comperi enim experimentis pluribus hunc in scopum factis, vinosum spiritum

spiritum summè rectificatum, (si epini
phlegmaticus sit, aqua spatio saltem mul-
tarum, quibus experimentum duravit, ho-
rarum, portionem aliquam sanguinis
dissolvere poterit) nullam ab eo contrahere
tincturam.

Quamdam cum lixiviatis liquoribus,
quales sunt ex sale tartari, fixo nitro, &c.
in aere, aut aliter resolutis crediderint
Chymici spiritum sanguinis affinitatem
habere, cum hos omnes liquores alcalia
esse velint: hic licet volatilis sit, isti vero
fixi liquores. Quamvis se mutuo isti li-
quores amplexentur, congruantque sat in-
vicem, non tamen intimam arctamque
eorum coagulatione, associationem adver-
timus, qualem superius spiritus sanguinis
& vini vidimus. Idem sanguinis, spiritus
facile commiscetur isti *vegetabili* spiri-
tui ejus alibi amplam descriptionem dedi
sub titulo *spiritus adiaborei*
Vide Chymico- quod aliquam eos inter affi-
rum, principi- nitatem, aut certe non
orum produci- manifestam arguit hostili-
tilitatem, tatem, ac contrarietatem.

Ejusmodi cognatio spiritum inter huma-
ni sanguinis variisque aliis liquores repe-
riri poterit, quos supervacaneum foret.

134. *Historia Humani Sanguinis*

radique res plena, enumerare: Chymico
potius confiderandum est, licet oleum in-
ter spiritumque humani sanguinis proxi-
ma manifeste cognatio intercedat, cum
ab eodem ambo corpore fluant, dephleg-
matum tamen sanguinis spiritum coagita-
rum commixtumque oleo, citò ab eo rur-
sus separandum: licet vini spiritui, qui
Chymicos juxta, liquidum, æque atque
oleum, sulphur est, constanter uniatur,
hic licet liquores, ut eorum utamur phrasi,
ad duo diversa regna spectent, hoc est,
alter ad animale, ad vegetabile alter per-
tineat.

Cum essentialibus, in Chymici loquun-
tur, aromaticorum vegetabilium oleis, aut
saltem cum eorum nonnullis majorem vi-
deri habere affinitatem optimè rectifica-
tus humani sanguinis spiritus: cum enim
hujus liquoris drachmam, atque æquale
pondus olei seminis ammi in alembico per
vesicam extracti solegitimus, simulque for-
titer coagitatem, melle ac semilividum
coagulum effecerunt, quod ea in forma
per unum, alterumve diem perseveravit,
ac diutius probabiliter, mihi ulterius
cum eodem progrediendum fuisset, perse-
verasset.

Nec

Nec abs re fuerit hic referre, quia existimaram spiritum sanguinis non penitus essentialibus, ut Chymici loquuntur, oleis commiscendum, aut eum salinas quasdam particulas iis communicare potuisse, aut mutationem in iisdem producere; in vitro longioris colli digesti aliquamdiu rectificatum humani sanguinis spiritum, una cum competente quantitate olei seminis anisi in alembico extracti, comperique, ut expectabam, oleum intensam contraxisse, flavedinem, posteaque rubedinem: quod experimentum eo libentius commemoro, quia aditum tibi aperire poterit, ad causas mutati coloris in quibusdam corporis liquoribus inveniendas.

Præmemoratae affinitati, aut congruitati spiritus sanguinis cum spiritu vini, nonnullisque oleis essentialibus superaltruxi methodum quamdam qua tolli possit gravis spiritus sanguinis humani odor: qua una tantum re deterrebuntur delicatiores ab usu tam utilis, ut postea patebit, remedii: ut tamen philosophico cum candore tecum agam, non te celabo donec experientiam propius consuluerō, dubium mihi semper fore num methodus suo spiritum nostrum privandi foetore, non etiam suā, magna

ex parte virtute, ipsum spoliatura sit: rursus tamen animadverto probabile satis esse *aromatizatos* illos spiritus, subtilioribus plurimis oleorum ad corrigendum ipsorum odorem partibus gravidatos, illorum pariter oleorum virtutibus imbui posse: sunt autem liquores, quos Chymici existimant non improbabili-ter ex nobilissimis vegetabilium ex quibus fluunt, constare partibus.

Aromatizando humani sanguinis spiritui methodos discrepantes duas adhibebimus: quarum hæc prior erat. Convenientem spiritus sanguinis optimè rectificati quantitatem selegimus, quam cum ovo vitreo inclusissemus, eidem addidimus tantundem, aut quod multis in casibus sat superque fuerit, dimidiam tantum ejus partem ex essentiali, exempli gratiâ, seminis anisi oleo: cum itaque hosce liquores ad intimam mixtionem fortiter coagulassemus, conveniente vitrum in situ disposuimus in furno, in quo non nimio calore urgebatur; tenui hinc texturæ coagulo dissoluto pars aliqua olei (magna intendum illius portio) seorsim fluctuans in superficie Spiritus apparuit: à quo ubi infundibulo, aliove modo, separata fuisset, residuus liquor candidus erat, atque absque fatore: Odor enim seminum anisi predomi-
naba-

nabatur, ejus saporē omnino referebat; licet salinæ & spirituosæ Sanguinis partes hoc in liquore insigne acuti sui penetrantisque saporis vestigium retinerent.

Alteram adhuc methodum aromatizandi Spiritum sanguinis extogitaveram; *medium* scilicet quoddam quo olea essentialia unirentur: consultò enim in vinoso spiritu, adeo dephlegmato ut in argenteo cochleari ardendo penitus evanesceret, concussione dissolvimus convenientem proportionem, puta octavam partem, (aut multo adhuc infra; juxta olei vires,) olei essentialis seminis anisi exempli gratia: atqui huic solutioni quantitatem æqualem aut aliam quampiam convenientem rectificati sanguinis spiritus affudimus. Cumque liquores hosce quàm optime commiscuissimus, expectatum coagulum quod molle erat, atque uniforme; per aliquod tempus reliquimus quietum, post quod, pars aliqua olei revixisse videbatur, ac supernatabat, varias, divisa in guttulas ab alio liquore distinctas, qui duorum spirituum mixtura interceptis olei particulis, ac detentis, gravidorum constabat. Liquor hic abundabat parvulis concretionibus concoagulatione sanguineorum, ac vinosorum spirituum factis.

Hæ autem leni admodum calore in forma

1381 *Historiæ Humani Sanguinis*

ma salis volatilis ad superiorem vitri partem sublimatur sunt; sal autem hoc odorem longe minus penetrantem quam merum sal volatile humani sanguinis, emittere videbatur: foetorem autem penitus deposuerat, retento tamen insigni acumine, atque aliquatenus seminis anisi odore: residuus quoque liquor suo privatus odore, mediocri olei odore imbuebatur.

Operæ pretium fore putavi si experirer, utrum aliqua intercederet affinitas inter spiritum nostrum, [quem varias in se particulas occultas naturæ oleagineæ complecti animadverti] atque oleum petrolei summè rectificatum, quod bitumen minerale est, cumque duorum istorum liquorum quantitatem convenientem una coagitassem recente in phiala, in candidam nix mixturam illico versi sunt: licet autem hæc per varias horas quievisset, maxima olei pars spiritui superinnatavit: geminos tamen inter liquores magna albicantis materie quantitas videbatur: quæ quidpiam videbatur præcipitatione, aut unione, variarum spiritus & olei particularum productum, quæ reliquis ad mutuam sui cum se invicem combinationem aptiores erant.

Titu-

Titulus XIII. (Secundarius.)

*De cognatione spiritum huma-
ni sanguinis, atque aerem
inter, intercedente.*

QUOD contactus aeris celeriter ac ma-
nifeste in humanum sanguinem a-
gat, experimentis nobilis ingeniosique cu-
jusdam Itali, meisque etiam nonnullis de-
monstratum alibi est: Utrum autem huma-
nus sanguis, ubi eam subiit quam distilla-
tionibus subire solet alterationem, retineat
adhuc peculiarem aliquam cum aere cog-
nationem, non parvi sufficientibus hacte-
nus experimentis determinare; non erit
utrumque inuile præcipua quædam quæ
hunc in scopum feci experimenta propo-
nere, quia quædam historiarum nostrarum partes
futuræ sunt, eoque nomine alicujus momen-
ti, licet non ea sint argumenta quibus
controversia definiatur.

Primum experimentum celeriter hunc
in modum factum est. Super candidæ pa-
pyri portionem, cujus pressæ partes sint
oportet, ne liquorem absorbeat, tennes cu-
pri

pri limaturas expandimus, easque penitus madefecimus, non omnino tamen cooperuimus, paucis guttulis optimi spiritus sanguinis: ita enim libero aëri cum expositæ essent, actio liquoris adeo promota est, ut intra unum alterumve minutum, etiam in frigido, colorem cæruleum acquirere inciperet, atque pauciora intra minuta quam quis expectaret, color ille ita exaltaretur, ut jam penitus cæruleus foret: cum autem aliam earundem limaturarum portionem phialæ impoluissim, spirituque eas sanguinis cooperuissim, phialamque ut externus aer prohiberetur obstruxissim, aliquot horarum spatio tam intensum liquor colorem non acquisiuit.

Aliud factum à nobis experimentum, ut quaestioni superius propositæ responderemus, idem quoad substantiam erat cum eo quod alias feci, (atque alibi fusè tradidi) cum spiritu urinæ & spiritu salis armoniaci, præterquam quod, ne nimium spiritus sanguinis expendere, longe minorem ejus quantitatem quam liquorum præmemoratorum adhibuimus: cum enim diaphano cylindrico vitro, diametro pollicem circiter æquante, plures cupri limaturas quam ad fundum cooperiendum requirebantur,

bantur, imposuisslemus, iis affodimus tantum solummodo spiritus humani sanguinis, quantum eas supra ad latitudinem digiti, aut pollicis circiter assurgeret.

Liquor hic ob copiosum aerem in phiala contentum colorem cæruleum intensum acquisivit, qui post unum alterumve diem remissior esse cœpit, donec tandem evanesceret. Liquor tamen non omnino limpidus erat, aut omnis coloris expertus, qualem cum spiritu urinæ, aut salis armoniaci sæpe expertus sum: has autem cærulei coloris reliquias non invitus magnæ aeris quantitati ascribo, aeris inquam à phialâ cum tantillo liquore conclusi. Quanquam tempore fieri posse putarem, ut ex cærulei coloris reliquiæ evanescerent, cum tamen per otium tamdiu expectare non possem, phialam deobstruxi, animadvertique ut expectabam brevissimo tempore, duobus fortè circiter minutis horæ, liquoris superficiem, ubi ab aere recentè ingresso contingebatur, factam esse cæruleam, brevi-que post, infra fortè horæ quadrantem, totum corpus liquoris intensiorem æthereo consecutum esse colorem: qui, obstructa tempestive diligenterque phiala, biduo, triduove post pallidior iterum esse cœpit.

Hæc

Hæc experimenta haud dubiè multis inferre videbuntur magnam cognationem, aut affinitatem, (qua enim hic appellatione utar nescio) spiritum humani sanguinis inter atque aerem : sed licèt conclusiōnem ut assertio est negare nolim, consequentiæ tamen validitati inniti non ausim, ejusmodi enim experimenta cum spiritibus sale volatili gravidis curiositatis gratia feci : aliqua, prævideo, veri specie non nemo dixerit foelicem horum experimentorum eventum quibusdam spirituosus sanguinis partibus acceptum esse referendum, cum spiritus urinæ ex liquore à sanguine separato fiat : & sanè quamvis sal armoniacus in oriente factus, ex Camelorum urina ferre constet, qui tamen in Europa conficitur, ubi rariores sunt Cameli, venditurque in officinis, ex viri urina confiat : quare non immerito quis dixerit ipsius spiritum spiritu humani sanguinis esse gravidatum. Quod sanè cum primum mihi in mentem venit, adeo, fateor, visum est vero conforme, ut huic omnino sententiæ fortè acquievissem, nisi quod mox dicturus sum obstitisset. Quia scilicet comperi experimento diligenter facto cum alio volatili spiritu confecto absque ulla substan-

substantia è corpore humano egressa, experimentum experimento superius relato perquam analogum unà cum cupri limaturis facere me potuisse: sed quia hoc in experimento reiteratus aeris contactus in liquore non cæruleum, sed viridem colorem produxit, suspendo libens iudicium, ac problema supra propositum indecisum relinquo, dum ulterior rem experientia docuerit.

Nescio an operæ pretium fuerit referre, cum in phiala inobstructa, spiritum humani sanguinis immisisset in recipiens supra pneumaticam nostram machinam situm, incumbentemque aërem antliâ subtraxissem, spiritum sanguinis visum esse minores & pauciores bullulas aëreas suppeditasse, quàm ejusmodi quantitas aquæ etiam communis probabiliter suppeditasset: sed, ut dicebam modò, nescio an hæc observatio alicujus sit momenti, quia cum non libenter novam spiritus portionem aeri exponendo debilitare vellem, nescio utrum paucitas aeris in spiritu mox memorato observata, contingens necne foret.

Titulus XIV. (*Secundarium.*)

De hostilitate spiritus humani sanguinis adversus acida, sive in forma liquorum sive vaporum fuerint.

QUOD in spiritu humani sanguinis tale quidpiam sit quod Chymicus aut vulgaris philosophus hostilitatem, aut in acida antipathiam vocaret, sat manifestè, licèt perpaucis in loco quodam ad tertium præcedentium titulorum pertinente declaratum sit. Utile tamen fuerit hic etiam addere, spiritum humani sanguinis adversus plura acidorum spirituum genera has exercere inimicitias, licèt fortè non parum à se invicem discrepent, ut spiritus salis, spiritus nitri, spiritus, oleumque vitrioli, aqua fortis, aqua regia, neque tantum adversus acida factitia, sed contra etiam naturalia spiritus humani sanguinis manifestam detegere hostilitatem potest, ut ex ipsius cum recente limoniorum succo conflictu comperi, in quo confusam turbidamque una cum bullulis motionem produceret: quæ
mani-

manifestior adhuc erat cum sal volatile sanguinis, hoc est, spiritum in forma sicca adhiberem: cum enim in aliquam hujus portionem succum limoniorum expressissem, magna statim spuma, strepitumque comitantibus excitata est commotio; sed ut ad liquores summe acidos distillatione factos revertatur oratio, utrum magna commotio, spumaque, & stridor humani sanguinis iis cum menstruis mixtionem consequentes ab hostilitate vera, aut vera antipathia oriantur, aut utrum motus sint ad coalescentiam, aut unionem, aut effectus disturbatarum motionum in discrepantibus, sed jam confusis liquoribus necessario contingentium; aut denique utrum sint effectus alicujus impedimenti à nova mixtorum liquorum textura orti, quo liber transitus æthereæ, aut alii subtili cuipiam materiæ, aut fluidæ prohibeatur, non ausim decidere. Sed iis potius quæ nuper de apparente spiritus humani sanguinis in acidis spiritus hostilitate dixi, addam quod fortè non expectaras, ad invisibilia etiam effluvia atque emanationes istorum liquorum, hanc sese hostilitatem extendere; ut facile patebit ex sequente quam selegi methodo, ut conspicuum id, atque manifestum fieret: quod hunc fere in modum nullo negotio præstiteris, si validum quempiam spiritum acidum, ut salis, aut nitri, &c. in phialam latioris orificii im-

K

miseris,

miseris, inque aliam, bene dephlegmatum sanguinis spiritum: cum enim de industria, consultoque has ita phialas ad se invicem inclinarem, ut earum labia mutuo se fere contingerent, ac jam prope esset ut liquores effluerent; licet neuter liquorum separatorum conspicuum fumum emitteret, quamvis inobstructæ phialæ forent, statim tamen atque liquores propiores sibi invicem modo jam dicto facti sunt, occurrentes sibi in aere fumi parvulas coalitiones efficiebant, quæ manifestè per modum ascendentis fumi conspiciebantur, quod spectatoribus & voluptati, & admirationi erat. Hæc autem fumi emanatio ni utrimque, ut desineret, removerentur phialæ, diu perseverabat: his vero separatis illico desinebat; faciliore adhuc hos fumos conspicuos reddendi usus sum methodo sed ad alium potius tractatum ea spectat: quod autem nunc traditum est sat abunde fuerit.

Non erit tamen omnino ab instituti mei ratione alienum, si proposuero hic experimentum factum à me, ut observarem quid contrarii sales, quibus spiritus sanguinis atque alii quidam acidi liquores abundant, simul combinati, atque ad formam siccam adducti producturi forent: experimentum itaque, de quo loquor, ex quodam observationum mearum libello transcriptum hic annectam.

Purum

Purum itaque sal volatile humani sanguinis selegimus, quem cum spiritu nitri satiassemus, lenta evaporatione superfluum humorem consumpsimus, ut acidi sales, atque urinosi, siccam in concretionem coalescerent, à qua eos iterum separaturus eram, ac pristinae formæ sal sanguinis, ac spiritum nitri eidem salis petrae formæ redditurus: quod ut efficere-
mus, sal compositum in exiguum vitrum longioris arctiorisque colli injecimus, eique tum convenientem salis tartari quantitatem, tantumque aquæ distillatæ addidimus, quantum ad conciliandam aliquam mixturæ liquiditatem satis foret, ut sic contrarii salis in alterum actio promoveretur: quibus mutuis in se actionibus opinabamur, salinos spiritus nitri, magis utpote fixo sali, quàm volatili congruos, sanguinis salem (quem illud prius ab avolatione prohibuerat,) deserturos, atque ut sublimaretur permissuros: cum proinde, phialam in qua mixtura facta fuerat, competenti tempore, ac conveniente in caliditate servassemus, quod sperabamus, consecuti sumus, cum magna satis salis volatilissimi optimi portio in forma sicca, in collum ascenderit.

Cum spiritui humani sanguinis exiguam validi spiritus nitri quantitatem affudissem: tantam duorum conflictus liquorum spissorum albescentiumque vaporum copiam excitavit, ut

non mirari rem insolitam non potuerim, cum ejusmodi nihil vidissem unquam. Horum autem vaporum diu in cavitate vitri circulantium, cujus decima fortè pars liquore plena erat, plerique, licèt latioris esset vitrum orificii, per vasis latera ad stagnantem mixturam subsederunt quasi lactei liquoris effluvia forent. Ubi autem, postquam vapores illi evanuissem, paulo plus tumantis hujusce spiritus nitri instillavimus, albentes ejusmodi vapores magna copiâ illico elevati sunt, diuque aperta in phiala circulationem continuaverunt, mixtura interea temporis ruborem contrahente; cui jam quiescenti, ac pingui quadam substantia, decolori in speciem factæ modicum pluvialis, aut distillatæ aquæ affudimus, cumque eam filtratione à sæcibus separassemus, lenteque clarificatum hunc in modum liquorem evaporassemus, partes salinæ quasi sectæ sunt in Crystалlos figuratas ac stitiarum salis petræ instar invicem decussatas, earum tamen color aliquo post tempore flavus apparuit, quasi oleosa quædam substantia ipsis adhuc commixta foret.

Licèt spiritus sanguinis persæpe appareret hunc in modum oleosus, memini tamen non ita pridem habere me spiritum ab alia sanguinis portione distillatum, qui per annum jam servatus limpidus erat, atque coloris expers instar

instar communis vegetabilis spiritus.

Præmemoratarum CrySTALLORUM quædam carbonibus bene accensis impositæ, statim colliquefactæ sunt, atque ardendo cum strepitu salis petrae instar consumptæ: sed flamma non adeo halituosa videbatur, & magis quoad colorem discrepabat, flava utpote quàm maximè, minimè vero cærulea: ubi deflagratio omnino desisset curiositate motus videre volui, num quæ substantia fixa super carbones relictæ foret, quam sane miram sat comperi, neque enim coloris erat levioris, aut partium, cinerum instar, incohærentium, sed exigua quædam massa ex lutea, colorataque materia, in qua alcalisatum nullum sentire saporem potui, aut saltem vix potui: fragilis autem hæc substantia, (ejusmodi enim erat) flammæ objecta rubedinem contraxit, nec tamen destrui hac ignitione videbatur, ut neque postea, diu licet accenso carboni superimposita fuisset.

Titulus XV. (*Secundarius.*)

*De medicis spiritus humani Sanguinis
exterius applicati virtutibus.*

CUM per plures jam annos Londini, qua
in urbe tot insignes doctique reperiun-

tus medici, commoratus fuisset, sollicitè semper, studiosèque cavi ne eorum in messem falcem meam immitterem: quod licet non semper præstiterim, id eo tamen usque feci ut tu, cui rerum mearum status ignotus non est, multa, ut spero, à me, ex propria experientia de medicis spiritus humani sanguinis virtutibus non sis expectaturus: cum tamen qui artem medicam exercebant, varia, quæ hortatu meo, mihiq; non inviti faciebant, experimenta suggererint, ne argumentum hoc omnino intactum relinquam, quod memoriæ, cogitationique jam meæ circa illud occurrit, subjungam.

Cum mecum ipse perpendo, quantum quidem hætenus observavi, nullam nos vulgò acidam substantiam, nisi fortè in succo *pancreatico*, in humano corpore sano reperire; (sal enim sanguinis fixum sale marinum omnino refert, sive spiritus ipsius acidus fuerit, sive secus;) cum varix ejusdem partes, seu solidæ fuerint, ut ossa, seu liquidæ, ut sanguis, magnam suppeditent distillatione liquoris copiam, sale volatili abundantis, cum inquam hoc ipsum mecum perpendo, facile inducor ut credam verosimillimum esse spiritum humani sanguinis in quo tanta hujuscemodi salis copia est, quique ex eo tanquam ex præcipuo ac prædominante *ingrediente* constat, insignes

signes humanum in sanguinem operationes habiturum, remediaque magnarum virium adversus varios ipsius morbos suppeditaturum: Licet autem contra plerosque eorum adhiberi eum interius oporteat, nonnulli tamen sunt, quibus dispellendis exterius quoque foeliciter adhiberi poterit.

Ut enim bene rectificatus humani sanguinis spiritus subtilibus admodum abundat particulis, quæ sapore, odore, *diffusivitate*, *penetrativitate* omnino referunt particulas fortis spiritus vini, cornucervi, & salis armoniaci, ita probabiliter quis easdem in spiritu sanguinis virtutes expectarit quas experientia ad spirituosos alios liquores pertinere docuit. Raro, si forte unquam, tam celerem remedii cujuscumque operationem in paroxysmis matricis, seu suffocatione uteri observavi, quam spiritus salis armoniaci bene dephlegmati, qui ut alibi adnotavi est merus fere reipsa urinæ spiritus, quæ, ut omnes admittunt, liquor est à sanguine separatus: spiritus enim hic naribus hysteriarum mulierum admotus subito sæpe, maximo astantium stupore, paroxysmum dissipavit: neque præcipuus hic est, quem observavi, spiritus hujusce effectus: sæpe enim mirabili celeritate ægros deliquio in terram collapsos sibi iterum restituit, qui proinde reipsa epileptici erant, aut credebantur: quia

etiam & extremo positos in agone, sin minus sanare, ac vita iterum quasi donare poterat, sæpe certè ad tempus deliquio ita liberabat, ut jam cognoscerent, intelligerentque astantium sermones, atque adeo eos etiam alloqui nonnunquam possent: cujus rei, si opus foret, plura possem in medium adducere exempla: sed addam potius, modo natura ipsa non penitus defecerit, casusque spem omnem extremus præcluserit, hoc non exiguæ fore utilitatis, ita enim aliquantulum, licet fortè permodicum medico tempus suppetet, idoneaque aliorum remediorum administrandorum opportunitas, quæ alioquin æger nisi excitatus, sibi que ipsi restitutus, non admitteret. Cujus rei memorabile proponam exemplum in patiente doctissimi Willis, quæ paroxismo apoplexiæ impetita, ab eoque eo in statu, quod rus ipse proficisceretur, relicta, commissa est curæ ingeniosi admodum medici, qui, utrum ipsius hortatu necne non memini, de imposita sibi provincia me commonefecit, graviter conquestus nullam salutis è remediis superesse spem, quod planè jam stupida foret, osque tam arcte occlusum teneret, ut nihil deorsum vel vi trahi posset: quapropter ipsi dedi, usumque indicavi spiritus admodum subtilis, qui apud me similes in casus servabatur, licet non meminerim utrum salis armoniaci foret,

aut

aut alterius cujuspiam volatilis, ac liquidi *alkali*, hoc autem spiritu naribus ipsius ad-
moto comperit medicus oculos eam statim a-
perire posse, atque aliqua iterum ex parte re-
viviscere: sed rursus phiala remota in prio-
rem citò statum recidebat: quare cum fre-
quentes hæ vicissitudines tempus suppedita-
rent, aptumque ipse præsentī & prementi
morbo remedium comparasset, tum per diu-
turnum tempus phialam naribus admotam te-
nuit: quo factum est ut sensus recuperaret,
astantesque cognosceret, atque admonita,
ut oblatum remedium, quod ipsi aiebant utile
fore, admitteret, alloquentes audiit, ac quid
dicerent intellexit, oblatumque remedium
deglutiit, quamvis autem, remota rursus phi-
ala, sensuum usu privaretur; ope tamen uri-
noli hujusce spiritus vita servabatur do-
nec acutior hæc medicina quam admiserat,
vires suas copiosa evacuatione exerceret.
Quâ non revixit modo, sed sanitati pau-
latim restituta est: quare brevi periculum fœ-
liciter evasit, quod vix, aut ne vix quidem
ullius ope remedii evasura credebatur. Hic
tamen monendus, extremis hisce desperatisque
in casibus non satis esse phialam paulo lon-
gioris colli naribus admotam tenere, sed fa-
ciendos interdum globulos ex linteo, aut Gos-
sypio, tenui ve lacinia, intinctosque hoc in spi-
ritu

ritu naribus intrudendos: quod idem in spiritu humani sanguinis administrando, si res ita postularer, observatum velim. Quod autem ad externos usus spectat peculiarem instituo præparationem spiritus salis armoniaci, aut urinæ, quæ fortior fiat, penetrantiorque eo, qui modo vulgari conficitur: quapropter siqua spiritus sanguinis copia mihi suppetisset, non absimili eum methodo præparassem. Ut ut sit, cum exigua illa, quæ ad manum aderat, ejusdem quantitate, sequens experimentum rem propius exploraturus feci: Nonnullam volatilis salis humani sanguinis siccati portionem selegimus [hoc enim facilius tum quàm spiritu ipso carere poteramus] eique tantum spiritus nitri, quantum præcisè ipsum satiare, affudimus; obtinuimus tum anomalum quoddam compositi salis genus, quod postmodum quia sicca in forma remedium quærebamus, à conveniente selecti *fixi alcali* quantitate sublimavimus (æquale ni fallor salis tartari pondus selegimus) idonei retinendis non phlegmaticis solum partibus, sed etiam oleagineis, quæ latent persæpe in salibus volatilibus, & liquoribus in quibus non omnino primum apparent, & quibus eorum graveolentia, noxiùsque odor, probabiliter magna ex parte ascribi poterunt. Quo factum est ut siccum candidum salem penetrant-

trantis admodum odoris obtinuerimus: sed nulla mihi adfuit opportunitas sublimatum hunc salern circa ægrotos experiendi: quorum gratia, aliam etiam adhibui methodum ad salinas sanguinis partes in forma liquida proliciendas, [quam ad exercitium odoratus, siccæ plerumque formæ præpono:] hunc itaque in scopum partes duas humani sanguinis siccatis tribus calcis partibus mixtas, violento fat igne distillavimus: unde, nostræ conformiter expectationi, magnam copiam spiritus, nullo comitante, in formæ sicca, sale volatili, obtinimus: qui quidem spiritus etiam absque rectificatione fortioris odoris videbatur, quàm alius post rectificationem sanguinis spiritus: atque equidem suspicor, si aut plus calcis, aut fortio rem adhibuissemus calcem, quantitatem olei futuram fuisse longe minorem, spiritumque penetrantio rem, deglutiente scilicet probabiliter calce maximam olei partem, ac omnem forte superfluum humorem.

Sæpenumero pariter comperi leviores capitis dolores non raro intra quartam horæ partem mero bene depuratorum horum alcalium odore fuisse curatos, atque

156 *Historiæ Humani Sanguinis*

si rectè memini, hoc ipsemet speciatim dolore, volatili sanguinis humani alcali depurato liberatus sum, rarissimeque per multos hosce annos alio usus sum, neque alio, Deo laus sit, ad sedandam cephalalgiam opus habui remedio; quinetiam violentiores, constantesque ejusdem partis dolores, sin minus omnino sublatis, certè eodem remedio sæpius repetito plurimum imminuti fuere: quod pariter animadverti valere sæpe plurimum in deliquis hystericarum maximè, ac Hypochondriacarum mulierum quo sane verosimillimum sit spiritum humani sanguinis qui alia alcalia volatilia variis affectionibus manifeste imitatur, atque etiam forte superat, quique oleo penitus suo expeditus vix, aut ne vix quidem, ab aliis urinosi spiritibus discerni potest, suo adversus morbos præmemoratos odore plurimum posse. Hic forte quis objecerit gravem spiritus sanguinis odorem obstaculo fore ne à mulieribus varios adversus morbos exterius usurpetur, quibus tamen dispellendis aptissimus est: cui obviam difficultati ibitur si dixerimus, earum pleraque, quæ periculo se, aut dolore premimum sentiunt, ut utroque liberentur, quan-

quantumvis ingratum adhibituras remedium : de valetudine enim quod de collecto ex urina vectigali *Vespasianus*, dicere liceat : *lucris bonus odor ex re qualibet* : quid quod primariæ etiam feminae prementibus hujuscemodi paroxysmis, ambustas adhibent plumas, atque in his, aliisque, castoreum, galbanum, assam foetidam, quarum rerum odor ipsis etiam hominibus gravis est. In gratiam tamen delicatiorum, nausæque obnoxiarum, gravior spiritus nostri odor, diuturnis digestionibus, aut iteratis, peritisque rectificationibus imminui plurimum poterit. Quinetiam si quis aut si qua tam præstantis remedii odorem ferre nequeat : odor hic ut alia alias occasione dictum est, corrigi poterit, si spiritus sanguinis convenienti spiritus vini summè rectificati quantitati uniatur : quo fortè fiet, neque enim hac de re mihi constat, ut nonnihil tum virtutis suæ *penetrativæ*, tum urinosi odoris deperdat, sufficiente interim subtilitate conservatâ, parique varios in effectus activitate : si autem non corrigere modo gravio rem spiritus sanguinis odorem, sed & quamdam eidem conciliare fragrantiam volueris, id facile præstiteris conveniente

veniente quantitate aromatici cujusdam, aut alterius bene adorati olei Chymici in spiritu vini dissoluta: cujus proportionem facile inveneris, si guttatim illud in phialam labi sinas, eam frequenter interim agitando, ad perfectam liquorum commixtionem, donec ex odore conjeceris, graveolentiam spiritus sanguinis esse extinctam, aut [si liquoris graveolentiam non corrigere modo, sed & liquorem ipsum etiam aromatizare, laudabilique perfundere odore volueris,] mixturam ipsam jucundo jam odore olei ex quo componebatur, sufficienter imbutam.

Addam hic loci, si scopus noster præcipuus sit correctio, aut mutatio odoris spiritus sanguinis, oleum chymicum mitius ac temperatius aromaticis cinnamomi ac Caryphyllorum oleis utiliter adhiberi posse. Experimento enim hanc in rem facto edoctus sum, si oleum *rhodii*, quod magni fit à suffitoribus, recte periteque conficiatur, vereor autem ne id semper non contingat, paucas ipsius guttulas unciam *alcohol* vini producturas tantæ fragrantæ, ut hæc solutio una cum conveniente (infra forte æqualem non parum) bene re-
tificati spiritus humani sanguinis quanti-
tate

tate coagitata, mixturam effectura sit odoris sat acuti, nec factoris tantum omnis expertem, sed odoriferis etiam licet non multum, Rhodii particulis imbutam.

Neque hic prætereundum plurimos fortunatissimos practicos æque atque artis medicæ, Chymicæque professores, oleum succini summè extollere adversus epilepsæ paroxysmos, aliosque morbos cerebri, generisque nervosi: atque ipsa adeo experientia quædam ex succino remedia quibusdam in casibus ita mihi probavit, ut paucissima alia sint quæ libentius, vel accipiam ipse, vel aliis administrem. Præter enim laudes ab Helmontio succino in spiritu vini dissoluto attributas, tantam ei famam experientia conciliavit, ut variis in casibus, [in quibusdam enim, ut & temperamentis pariter nonnullis à nimia ejusdem caliditate damni, aliquid suspicarer] ægroti quam plurimi, tam mulieres quàm viri, odorem potius hujus olei tolerare, quàm ejusdem privari beneficio malint: siquos autem similiter dispositos sanandos susceperis ægros, non inutile, nec ingratum tibi fuerit indicasse, methodo conformiter superius memoratæ, usurpare te posse tincturam succini una cum
vini

vini spiritu, ad corrigendum odorem, ac multiplicandas, quoad numerum saltem, spiritus humani sanguinis virtutes. Et quia hujus extractio tincturæ à crudo succino tenuiter pulverato peritiam aliquam & tempus sat longum requirit, hanc excogitavi methodum fortem ab ipsomet oleo extrahendi cito tincturam; quamvis enim hoc oleum frequenti etiam coagitatione in spiritu vini penitus dissolvi nequeat, ut aromatica, aliæque olea recens commemorata dissolvi solent; comperi tamen geminis hisce liquoribus validè coagitatis, ac quieti permisissis, licet distinctas iterum in massas abirent, spiritum vini etiam in frigido optimam ex oleo extrahere tincturam summæque flavam, ipsius fere adinstar olei. Cujus tincturæ tantum spiritui sanguinis postea immiscui, quantum ad extinguendum fere odorem urinosum quoddamque oleo succini tribuendum prædominium, satis foret, quod oleum & subtilius jam, & acutius quàm prius erat, factum esse opinabamur.

Tria adhuc de externo Spiritus Sanguinis Humani usu dicenda supersunt. Primum ex dictis hactenus de non vulgaribus ipsius virtutibus, cum præparatione mox relata, aliave quavis alia Chymicis imbutus oleis, naribus admovetur, nemo negari à me arbitretur, eum post tot mutationes idoneum esse qui interius sumatur, ut propediem pluribus & specialius declarandi offeret sese opportunitas. Deinde, cum quibusdam in mixturis operosi laboris futurum opus sit in proportionem Oleorum Chymicorum aliarumque rerum ad corrigendum odorem adhibitarum, tam certò incidere, ut, ubi mixtura jam per aliquod tempus quieverit, nullarum partium Oleaginearum separatio fiat, mixturæ moles reperietur, si tota vitreum in ipsundibulum infundatur, infundibulum, inquam, circa fundum acutius, quale à Chymicis, Oleis ab aliis liquoribus separandis adhiberi solet: quæ porro tum mixtura prius Oleo effluxerit, in Phiala diligenter occiusa seorsim servari poterit, Fragransque Oleum, ni Cinnamomi sit, aut Caryophyllyorum, alios repenni in usus: quia autem frequenter, imo plerumque, si Spiritus Vinosus, sat foret

L rectificatus,

162 *Historiæ Humani Sanguinis*

rectificatus, Salinarum & Urinosarum particularum concoagulatione Salis genus quoddam producet, aut liquidam ab eo partem aliam in Phialam effundere poteris, atque ita utraque separatim parte uti, aut omissa etiam hac separatione tantum leni admodum calore sublimare, quantum à residuo mixturæ in forma sicca ascensurum est: hoc autem Sal Volatile Oleosum Spiritus Sanguinis recte præparatum pristino, gravi odore privatum comperi ac fragrantia forte quadam imbutum, odoreque nihilominus subtiliore, acutius, ac penetrantius, quam quis credidisset, aut à quoquam expectari possit. Admonitum denique te velim, præter medicas illas facultates usumque odorum Spiritus Sanguinis simplicis aut compositi, cum non contemnendam exere posse virtutem, si ipsius substantia inter fomentandum, aut aliter adhibeatur instar liquoris. Quod eo probabilius existimo, quod Spiritus Salis Armoniaci plurimum valere perhibetur adversus acutos podagræ dolores, quos sedare dicitur, atque contra etiam erysipelata scilicet successu non cartuisse. Cum autem mecum ipse perpendo liquorem nostrum esse admodum spirituosum,

sum, ac penetrantem, aptumque proinde ad roborandum, & resolvendum, atque *alcalisatæ* quoque esse ~~naturæ~~ qua ad aciditates mortificandas idoneus redditur; verissimum videtur harum amicarum qualitatum virtute, si liquida in forma applicetur, perutilem fore variis in casibus, in quibus Chirurgorum, aut medicorum opera requiritur.

Sed jam mihi ab externis ad internos Spiritus Humani Sanguinis usus progrediendum.

L. 2

Titulus

Titulus decimus sextus
(Secundarius:) De me-
dicis Spiritus Humani
Sanguinis interius as-
sumpti virtutibus.

DU propendebam ut crederem nequaquam necesse esse, ut numerus *materiarum Morbificarum* specie differentium [ut medici noxios vocant humores, aliâsqûe substantias] ullatenus prope tantus in Corpore Humano foret, quantus est morborum, quibus corpus est obnoxium; quare ita mecum ipse reputabam quemlibet morbum, certo nobis nomine notum, non semper distinctam requirere *peccantis* materiæ speciem tanquam sui causam: idem enim noxius humor, aliudve agens distinctos, aut qui tales habentur, producere morbos potest, (quorum proinde distinctæ futuræ sint denominationes) tantummodo prout eorundem

rumdem *agentium morbificorum* mali effectus variantur, partim ipsius humoris majore, minoreve quantitate, aut qualitatibus magis, minúsvē actuosis, partim, & quidem præcipuè peculiaribus naturis, aut structuris sitúque partium quas humor invadit. Ut huic adhærerem opinioni varia, quæ hic non commemorabo, memoverunt. Cum præsertim ejusdem probabilitas ex frequenti *materiarum morbificarum* metastasi, quæ ægris contingit sæpenumero, concludi possit: idem enim, exempli gratia, acidus acutúsque humor producit interdum colicam, interdum apoplexiam, aliquando tussim, ventris alias profluvium, violentam interdum Cephalalgiam, interdum convulsiones, aliasque nonnunquam infirmitates prout peccans humor, aut noxia materia, invadit fortè primùm, aut postea transfertur ad hanc illámve peculiarem corporis partem: Notioni autem hætenus propositæ conformiter dixeris, idem remedium, quo unum alterumve: ex præcipuis *morbificarum materiarum* generibus expugnari potest, variis quoque morbis persanandis non esse inidoneum, si qua præsertim actuosarum virtutum varietate præditum sit: atque hanc ab cau-

sam facile mihi ipse persuadeo Spiritum Humani Sanguinis, peritè dextrèque præparatum, atque administratum, præstantissimum fore remedium adversus non paucas corporis humani internas affectiones: ac volatilia quidem alcalia tanto cum successu ad usus medicos usurpata sunt in *Anglia* ab anno salutis quinquagesimo sexto supra millesimum sexcentisimum [circa quod tempus eorum introductionem, usumque non parum conciliata eisdem paulatim fama; & facili eorum parandorum vulgata methodo & virtutibus declaratis promovi] ut nullatenus jam dubitem quin deinceps pluris ab omnibus æstimanda sint, sæpiusque quam hactenus adhibita sunt, adhibenda, futurumque demum, ut ea vulgaribus remediis non paucis medici præponant, quæ etiamnum, quod meliora desint, in usu sunt, licet patientem & gravent, & debilitent, variisque præstantibus destituantur virtutibus, quibus alcalia volatilia minimè carent: ut enim dicta jam præsentì huic argumento applicemus, quo ex hoc quasi exemplo de aliis Urinosis spiritibus judicium fiat, Humani Sanguinis Spiritus diversis qualitatibus, quæ sunt & medicæ,

&

& actuosæ, præditus est. Acidus enim
 sales variorum causas morborum mortifi-
 cat, atque aliquorum etiam, ni fallor, qui
 ipsis ascribi non solent: insignis *resolvens*,
 est, eoque nomine tollendis obstructioni-
 bus tot morborum causis aptissimus. Dia-
 phoreticus, & Diureticus est: unde ne-
 ram juvat ad variorum noxiorum sa-
 exonerationem, ac contagiosorum, ma-
 lignorumque corpusculorum quæ ipsi
 nocent, expulsionem: putrefactor in San-
 guinis, ac coagulationi resistit, eidem
 acumen, ac spirituositatem ministrat, qua
 spirituositate circulatio sanguinis, cui
 congenius est, promovetur: his itaque
 modis, licet forte non his tantum, cardia-
 cum optimum, atque verosimiliter ad-
 versus quædam venena antidotum evadit:
 quod autem nec minima, nec minimè la-
 te patens ipsius virtus est, generi ner-
 voso peramicus est, utilisque proinde futu-
 rus in paroxysmis, ut loquuntur, matricis,
 convulsionibus, cephalalgia, quibusdam,
 paralyti, inchoata apoplexia, genere
 quodam asthmatis, &c. Interdum quo-
 que balsamicus est, variisque forte aliis
 adhuc inobservatis pollet virtutibus. Medi-
 camentum enim, quod nec debilitat, nec

magnas evacuationes ciet, neque stomacho grave est, neque manifestæ cujuspiam qualitatis prædominio vitatur, sed è contra tot perquam utiles in se facultates continet, adversus non paucos pollere morbos merito concludi potest: cum plerosque quibus humana corpora obnoxia sunt, morbos, quædam excellentium illarum virtutum, una aut plures oppugnare queant, quarum collectio in Spiritu Humani Sanguinis reperietur.

Non immerito itaque, ut remedium utile adhiberi poterit varios adversus morbos, eos maximè, quorum curatio ope Spiritus Urinæ, aut Urinosi Spiritus Salis Armoniaci foeliciter perfecta est. Quales fere sunt Hysterici Paroxysmi, Paralyfes, Tusses, Scorbutica quædam Intemperies, Convulsiones, Apoplexiæ, quædam februm genera, Cephalalgia, Icterus, &c. Sed prius præmonitum te volui de virtutibus Spiritus Sanguinis Humani interius assumpti, ex propria ipsius experientia, multa non esse à me expectanda: qua propter, scias velim Helmontium ipsum parum cæteroquin ad alia quàm sua, aut Paracelsi arcana encomiis celebranda proclivem, Spiritum cruoris, [licet hic, eo quo vocem is accipit sensu, non sit Sanguis

guis Humanus adhuc penitus elaboratus] commendare plurimum contra epilepsiam, quam etiam inquit in adultis curabit: hanc autem virtutem Spiritui Urinæ disertis verbis denegat: celebris autem hermeticæ medicinæ conscriptor, at ni fallor aliarum rerum quàm Oleorum Chymicorum peritior, licèt spagyricas præparationes adeo deprimat, ut perpaucas earumdem ut utiles commendat, paucissimis iis, quas suo dignatus est calculo, distillatum Sanguinis liquorem annumerarit.

Spiritus Vita,
nu. 6. pag.
111. 122.

Eo facilius inducor ut ejusmodi Spiritus Sanguinis laudibus fidem adhibeam, quod hoc ipso remedio sequenti in casu usus sim: primaria quædam sæmina junior, in cujus familia phthisis, seu hectica febris, *Consumption*, hæreditarius quasi morbus erat, violenta, obstinataque tussi affligebatur, quam non aliter curabilem quàm ipsius ab urbe ad aerem gallicum recessu medici judicabant: sed vires usque adeo erant detritæ, tantùmque hyemis adhuc transigendum erat, ut moritura prius crederetur quàm per anni tempestatem, tam longum, molestumque ei iter inire liceret: si tamen in vivis adusque veris extremum servari posset,

posset, recuperandæ in Gallia sanitatis spes adhuc aliqua supererat.

Quare hortatu quorundam ex meis ipsiusque amicis, exploraturus quid ad eam præservandam ego possem, Spiritum Humani Sanguinis non indiligenter præparatum, ac rectificatum ad ipsam misi (cui appellationem quamdam quæ mihi nunc exaudit, indidi) cujus frequenti usu manifestè sanabatur, nihil prohibente anni tempore: ita ut sub finem Januarii, robore satis viriumque acquiserit, quibus & maria trajicere, & montem Pessulanum usque iter suscipere posset: unde vivo in speciem vultu, ac sanitati restituta rediit sub autumnum. Atque, si rectè meminim, idem Sanguinis Spiritus, purus admodum factus ac subtilis *furni lampadis* beneficiis, ipsummet medicamentum erat, quod ingenioso cuidam fortunatoque medico dedi, qui conquereretur quendam suscepisse se curandum, qui & ipsius, aliorumque præstantium medicorum, quos rei difficultas ad faciendum artis suæ experimententem invitarat, conatus inutiles reddidisset, æger tam violentis, intensisque capitis doloribus obnoxius erat, ut lucem ferre nequiret, ac quovis etiam vel minimo

minimo strepitu torqueretur, artēque, quam profitebatur, sartoriam derelinquere coactus fuerit: constanti tamen præmemorati Spiritus Sanguinis usu [quæ enim alia remedia admiserat, ei longè inferiora erant, nec quicquam profuerant] adeo recreatus est, ut gaudens, actisque ob acceptum beneficium gratis, ad artis suæ exercitium rursus redierit. Is autem, cui remedium hoc homini administrandum dederam, medicus quiddam mihi hac super re præcipui sane momenti, neque hic loci omittendum, dixit: illud autem ita se habet: cum patiens hic, celeberrimi Harvei nostri consilio, Sanguinem duorum triumve mensium spatio emittere soleret, medicus ei author fuit ut, recuperata licet valetudine, antiquam ex abrupto consuetudinem non deponeret, quare eundem accersiri Chirurgum curavit; qui venam prius ipsi aperire, deque Sanguinis vitio graviter conqueri solitus erat. Ubi autem Chirurgus hic qui quid ægro contigisset nesciebat, venam ei rursus aperuit; animadvertitque quàm laudabilis Sanguis foret; obstupuit consque ut erumpentem Sanguinem illico cohibuerit, quasi eritque ex homine mirabundus, quo de-

mum

172 *Historiæ Humani Sanguinis*

miraculo tantam tam floridi Sanguinis copiam consecutus esset, quin & addidit tam laudabili liquore nec velle se, nec fas sibi esse eum privare.

Commemoratae hæcenus medicæ virtutes ad Spiritum Humani Sanguinis, ut purum simplicemque spectant: Vero tamen simillimum est, alias eum acquirere posse facultates, ac forte nobiliores, si dextrè corrigatur, varietur, aptisque ingredientibus uniatur; hoc est, ut verbo dicam, si peritè alteretur ac componatur.

Variis hæc modis perfici possunt.

Vel enim primò fieri poterunt, quàm accuratissimè longa digestionem, aut frequente cohabitatione coadunando Spiritum Humani Sanguinis, cum Oleo, Sale, atque si opus sit, ejusdem concreti Phlegmate in quoddam mixturæ genus quàm Chymici quidam *Chyllum* vocant.

Vel secundò, uniendo Spiritum Sanguinis cum acidis, ut cum Spiritu Nitri, aceti, æruginis, Olei Vitrioli, &c. iisque uti poteris mixturis, aut in liquida ipsarum forma, aut evaporatione in Crystallos aliòve sales redactis, eosque, ut tales, aut certè quodammodo analysi quadam resolutos usurpare. Aut tertio, uniendo Spiritum

tum

tum nostrum metallinis solutionibus Auri, Argenti, Mercurii & solutioni Minii cum Spiritu Aceti factæ, cujus liquoris cum Spiritu Sanguinis mixtione, lenràque eorundem evaporatione sat magnam, memini, Chrystallorum pulchrè figuratarum copiam obtinui.

Vel quarto, in Spiritu Sanguinis bene dephlegmato Sulphur Sale tartari patefactum dissolvendo.

Vel quinto, metallina in eodem corpora dissolvendo ut Cuprum, Zinetum, Zink, Ferrum, quod postremum *Marslalem* dabit liquorem, qui ab aliis chalybis præparationibus cum acidis fieri solitis non multum discrepans absque aliqua veri specie virtutes quasdam nancisci poterit à virtutibus eorum, quæ novimus, confectorum ex hoc metallo remedium distinctas.

Sed diutius immorari nequeo variis enumerandis modis quibus Humani Sanguinis Spiritus medicos aptari in usus possit. Una tamen ejusdem præparatio est, quam licet priore sub titulo commemoratam, hic tamen prætermittendam non censeo, tum quia, cum prius proponeretur comparate tantum ad usus ipsius

174 *Historia Humani Sanguinis*

ipsius exteriores, eam nunc comparatè ad interiores contemplabor, tum quia hoc modo methodòque, simul ac semel, corrigere, diversificare, atque componere, Spiritum Sanguinis poterimus.

Geminis hæc operatio modis perfici poterit, quorum prior posteriore simplicior est: Primò Spiritui Sanguinis bene rectificato, duplicatum adde, aut equale pondus, (prout liquores alcalia maximè volatilia, magis minùsve fortia fuerint) *Alcohol Vini*: hi enim liquores fortiter simul coagulati magna ex parte coagulabuntur in salem, qui calore leni sicca in forma sublimabitur; sub qua noxium fere omnem comperi deperdidisse odorem: quamvis autem adversus hunc præparationis modum obijci, scio, possit, ut superius dicebatur, ut odor urinosus hac præparatione obtunditur, ita vires quoque medicamenti, eadem infringi posse ac debilitari; hoc tamen in sale expertus sum acumen, vimque penetrandi non mediocrem, quam ob ejusdem volatilitatem minimè demirabar. Experientia autem ipsa exploratum habeo, non pauca ex compositis his, aut si ita cognominare liceat, resul-

resultantibus salibus, quæ Chymici quidam
salia enixa vocant, neque enim omnes in
 ipsum nominis hujus sensum consentiunt,
 licet vires suas utpote impeditas extrere vix
 posse videantur, quasdam, nec levis mo-
 menti, tum in Chymia, tum re medica
 habitura operationes. Cur autem emer-
 gens, de quo nunc agimus, sal his non
 sit ascribendum nihil causæ fuisse vi-
 deo. Cum præsertim ejusmodi mixturæ
 genus, licet alio cum urinis Spiritu
 factum, paribus in febres modis sit ope-
 ratum; febres inquam quas equidem non
 ordinarias reputabam: neque liquor hic
 quem Sal nostrum compolitum posse re-
 linquit, abjiciendus, quandoquidem si de
 phlegmetur, non contemnendum datus
 est liquorem, tum medicos, tum mechan-
 cos ad usus aptum: quod generatim hic
 insinuassee sal superque fuerit.

Si autem simplicior alterandi Spiritum
 Humani Sanguinis methodus paulo ulterius
 provehatur, dissolvendo in Vini Alo-
 bal, ante duorum spirituum conjunctionem
 portionem convenientem, vigesimam
 puta aut quartam supra vigesimam par-
 tem Olei Chymici essentialis, ut Cary-
 ophyllorum, fetminum anisi, amaraci,
 Mar-

176 *Historiæ Humani Sanguinis*

Marjoram, &c. Sal Volatile à mixtura sublimandum non, suo tantum factore privabitur, sed ipso tum odore, tum sapore Olei imbuetur, quod hunc in modum Sali admodum subtili ac naturæ propitio unitum non tam cerebro, & stomacho noxium futurum est, quàm Chymica Olea esse soleant, atque agilibus adeo, ac penetrantibus associatum corpusculis, cum iisdem in intimos corporis recessus insinuabit sese, ibique exeret virtutes aut vegetabilium Olea suppeditantium, aut ipsorummet Oleorum proprias. In odoriferis iis, Aromaticisque mixturis, oleagineæ particulæ, salinarum interventu, cum aliis liquoribus facile commiscentur, atque etiam aqueis cum vehiculis, perseverantque sat diu mixtæ, ut mixtum æger liquorem commodè deglutire possit.

Atque ita hunc in modum hac methodo, plurima Salia volatilia oleosa, hoc est, jucunda, subtilia, efficaciaque remedia internos in usus præparari poterunt, tot inquam parari poterunt, quot Medico aut Chymico visum fuerit Olea conficere essentialia, aliæve in
Alcohol

Alcohol Vini dissolvenda. Si autem è Cephalicis ea Plantis exprimantur, ut ex amaraco, *marjoram*, roremarino, lavedala, &c. aut è Cephalicis speciebus, ut nuce moschata, Cinnamomo, &c. verosimiliter grata suppeditabunt acutæque remedia, quibus & cerebrum, & Spiritus recreentur, quin & cor ipsum pariter, & jecur aliaque viscera, si in sublimatione salinæ Sanguinis particulæ associatæ fuerint Oleorum particulis, iis expressorum è vegetabilibus quorum virtutes circa eas maximè partes exeruntur, & pollent.

Alii hic modi proponi possent remediorum parandorum, quorum basis Spiritus Sanguinis foret. Sed hoc tibi met ipsi, si continuandum fortè censes, iisque qui eandem tecum artem profitentur, negotium non invitus permitto; cum ea quæ mihi incumbit provincia, non exigat ut medici partes, quam non ago personam, omnino suscipiam, sed potius ut scribam tanquam Historicus *Naturalis* non inaccuratus: eandem ab causam supersedeo consultò hic enarrare Chymicos quosdam in quos incidi remediorum

M

processus

178 *Historiae Humani Sanguinis*

processus, in quibus aliquis distillati Sanguinis usus erat. Eorum licet mentionem geminas alias ob causas prætermiserim: primo scilicet quia hos Authores non ex propria commendant experientia: deinde cum ea medicamenta composita sint longe magis iis quæ superius proposui, in quibus spiritus noster alicui tantum cuiusdam Oleo Chymico Alcohol Vini diluto commiscetur, eorum præparationes scopo minus meo quadrant: quo eo dirigor ut Humani Sanguinis in ægros operationes contempler, non ut *curativas* sed ut certa qualitatatum signa, quorum notitia ad detegendam Spiritus Humani Sanguinis, adeoque ipsiusmet Sanguinis naturam & rectâ spectat, & plurimum conducit.

Atque hæc, *Vir Ornatissime*, de Historia Humani Sanguinis impresentiarum proposuisse sat fuerit; cujus quidem partiumque rubrum hoc corpus aut constituentium, aut ex eo educibilium, accuratiorem afferre descriptionem potuissem, si paulo plus otii mihi suppetiisset, & ni inopia rerum ad experimenta circa integrum hunc liquorem,

rem, & concretas, fibrosasque partes facienda necessariorum, eo fuissem angustiarum redactus ut multa inexplorata relinquere coactus fuerim, aliaque quædam explorare, ac experiri, sed in minore ea quantitate ac multo inaccuratius quàm rebus aliter dispositis contigisset,

Tibi interim addictissimus,

R. B.

A P-



APPENDIX

Ad Apparatum

HISTORIÆ

Humani Sanguinis.

CUM alibi exposuerim, quibus maximè de causis appendicem cuilibet historiarum naturalium subjunxerim, quas quidem, aut conscripseram peculiaribus de argumentis, aut conscribere statueram, eas hoc loco commemorare supervacaneum foret: sat itaque fuerit si te admonuero congesta simul prout occurrebant, sequentia hic particularia, historiæ præmissæ annectenda, ex duplici constare genere; quædam enim festinatione nimia, aut aliter prætermissa sunt, cum sub
A quo.

quopiam præcedentium titulorum coordi-
nanda fuissent, quæ proinde iis respon-
dent, quæ in primâ apparatus parte, *pa-
ralipomena* dicta sunt, alia vero pleraque
iis sunt cognata, quæ isthic *addenda* vo-
cantur. Licet eorum quædam *supernu-
meraria* potius dici deberent, cæteris, ta-
men promiscuè ea inserui, quia, quamvis
ad nullum distinctorum historiæ titulorum
spectent, vel indirectè aut obliquè ad
eorum quempiam referri, aut generali
ipsius historiæ scopo quopiam demum
modo inservire poterunt: at ob particula-
rium, quæ jam mihi suppetunt, paucitatem
vereor ne quam ostentationis speciem re-
doleat, si in tanta materiæ inopia occurren-
tia jam mihi particularia, ad titulos discre-
pantes, primarios, & subordinatos in va-
rio designatarum à nobis historiæ Sche-
mate enumeratos curiosius referrem.
Quare dum copiosior mihi rerum adsit
supellex, extrema semper accuratione in iis
quæ præpositurus sum, referendis non utar,
neque constanter *paralipomena*, aliis ab
addendis distinguam: sat proinde habue-
ro quædam eorum referre generatim, eò-
que quo fortuito occurrent ordine, ad eam
apparatus partem, sive secundam, sive ter-
tiam,

tiam, siue quartam, ad quam propius spectare videbuntur.

Non est autem hic speranda connexio Oratiōe dissolutis in *notis* limatior expectanda; in notis, inquam, festinanter papyro commissis, variisque temporibus, ne recentis tum materia facti, quoad circumstantiam quandam necessariam memoria excideret.

Quædam experimenta gratis omnino, aut fortuito facta fortè videbuntur, quod tamen secus habere sese ostenderem si quod festinarem, operæ pretium non existimarem commemorare, aut quibus inductus sim rationibus ut ea facerem, aut quem mihi in iis faciendis scopum proposuerim.

Neque me latet pauca quædam sequentium experimentorum videri repetitiones tantum aliorum quorundam prius ipsa in historia expositorum; sed hæc consulto addita fuere, ut ubi utriusque experimenti eventus idem foret, alterum experimentum alterius firmamentum esset, quod cum argumentum ipsum intactum, aut neglectum fuit, perutile quid est, ac operandum: quoties enim experimentorum in quapiam alicujus momenti circumstantia discrimen quodpiam est, hæc ipsamet dis-

crepantia ulteriori experimento locum dabit, impediétque interea ne dogmaticas conclusiones discrepantibus hisce circumstantiis superastruamus.

Particularia ad secundam historiæ partem referenda.

Exper. I.

CUM proportio substantiarum è siccato humano sanguine educibilium, perquam difficulter, ut superius observavi, determinari possit, hanc ob causam, rei que ipsius ob momentum, sanguinem adhibendum putavi, quem post scriptam secundam præcedentis historiæ partem collegi alio in experimento faciendo, ut propius, tutiusque de distinctis quantitatum quæsitæ substantiis judicaremus. Duodecim hunc in Scopum siccati Sanguinis uncias à perito *laborante* non indiligenter distillandas curavi, is autem de operis ipsius

fius difficultate, extremâque ad quam collimarer, accuratione prius admonitus fuerar. Peraçta distillatione allatæ ad me sunt substantiæ educatæ, hunc fere in modum supputatæ: duodecim Humani Sanguinis siccati uncia Salis Volatilis, Spiritusque simul uncias omnino quinque subministrarunt, quarum madido è Sale effudimus drachmas tres supra decem, grana quatuor supra quinquaginta: uncia itaque duæ, drachmæ totidem Salis Volatilis, Olei Fætidi uncia duæ, *Capitis mortui* uncia quatuor, drachmæ duæ supererant, quare quantâvis ille cura operi sese applicuerit, facta fere jactura est sex drachmarum, quæ partim retortis, aliisque vitris, viscosum tantum, ut reor, Phlegma retinentibus adhæserunt, partim avolarunt, tum maximè cum Liquores ex uno in aliud vasculum effundebantur. Quatuor uncia, duæque *Capitis Mortui*, drachmæ diligenter calcinatæ, sex tantam cinerum drachmas & dimidiam suppeditarunt. Quod permagnum sanè decrementum ascensui, consumptionique partis oleagineæ magis fixæ videtur ascribendum: quod si ita se habeat, major erit longè Humano in Sanguine Olei portio quam hactenus quispiam observavit. Hi autem

cineres non erant albi, aut cinerei coloris, cinerum aliorum corporum adinstar, sed subrubri, & quasi lateritii; accuratus tamen ille ac pervigil *laborans* asseruit mihi facillimè se veros esse cineres inde dignoscere, quòd quamdiu oleosi quidpiam, aut combustibilis in *Capite Mortuo* remaneret, penitus succensi illud carbonis instar foret, hujusque diutius similitudinem servaret, quàm quisquam expectaret. Ubi autem combustibilis hæc substantia penitus consumpta esset, residuum *Caput Mortuum*, vulgarium in igne instar cinerum erat, qui tamen cineres frigidati ruborem servabant.

Cineres hi diligentius *Elixiviati* scrupulos quinque albi Salis fixi dederunt, præter modicum quod forte contiguam in arenam collapsum, indeque extractum candidumque in Sal redactum, scrupulum præterea fere unum addebat: ita ut *terra damnata* quatuordecim scrupulorum, & fere dimidii fuerit, hoc est, multum supra duplicatum ipsius Salis pondus: unde hanc juxta analysin liquido constat purum Sal fixum Humani Sanguinis esse quinquagesimam septimam & quinquagesimam octavam partem Humani Sanguinis siccati
inter,

inter, adeoque, æquare verosimiliter centesimam quinquagesimam tantum partem, aut centesimam septuagesimam ponderis ipsius Sanguinis, ut fluit à vena lanceola aperta; terra autem damnata est ad ficcum Sanguinem a quo existit ut 19 & fere $\frac{1}{2}$ ad 1.

Exper. II.

Quod superius experimentum, aliudque alias non ab simile commemoratum cum siccato, pulverabilique multorum Sanguine simul confuso, facta forent, licet probe scirem fieri vix posse ut in exigua ea sanguinis quantitate quam ab eodem semel homine obtinere poteram, variarum substantiarum inde extrahibilem quantitates accuratius invenirem, quo tamen ex ipsa experientia de re tota aliquid pronunciarer, experimentum feci, unam quoad partem non adeo fortunatum: illud autem ita habet.

Integra Humani Sanguinis portio uncias decem, & grana 73 pendens, lentèque ad siccitatem distillata in *Capite* & *Corpore* super furnum digestivum, phlegmatici

liquoris suppeditavit 3vij. +. 3ij. 47 gr. *Capitis autem mortui*, aut siccae potius substantiae 3ij. +. 3ij. Pulverabilis hæc materia contusa, atque Retortæ imposita, & varia ignis intensione in arena distillata Olei 3ij. +. 48. gr. dedit. Sed infelix quidam circa Salem & Spiritum error contigit: Hic enim postquam effusus est, qui gr. 48. tantum ponderabat, Sal Madidum quod magna copia lateralibus, & superioribus recipientis partibus adhæserat, cum ejusdem Sanguinis Phlegmate abluī debuisset, Aqua Distillata ablutum est, ex qua, facta in collum ovi vitrei sublimatione ficci Salis 3j. +. 5. gr. obtinimus, sed ex sapore aquæ distillatæ ex qua Sal sublimatum est, patuit Sal omne nondum fuisse elevatum; tantum itaque ei optimi Spiritus Salis affudi, quantum eidem ad minimum satiandæ par fore existimavi, eo omnino consilio ut experirer utrum hac mixtura ad siccitatem evaporata, & Sale ope cujusdam alcali sublimato, recuperare non possemus omne, aut fere omne Sal Volatile, quod ab acido Spiritu nonnihil fixum fuerat.

Retorta resecta ut caput mortuum extrahi posset,

posset, comperimus illud pendere 3vj. +.
12.gr. Quo non indiligenter calcinato ob-
tinuimus scrupulos tantum duos, & grana
cinerum quatuor, quos *laborans* fuisse ru-
bros mihi asseruit: qui elixiviati decem
supra octo salis grana suppeditarunt; pre-
ter terram residuam, ac terrestrem substan-
tiam quam servo, quodd, licet violentos
passa fuerit ignes, rubri adhuc coloris sit;
qui purpureum nonnullis oculum exhibe-
re videtur.

Exper. III.

Spiritus Aceti Floridæ portionis Huma-
ni Sanguinis superficiei affusus vivi-
dum coccineum ejusdem colorem, in ob-
scurum luteumque dicto citius transmuta-
vit,

Exper.

Exper. IV.

Succus Limonii super Floridam Sanguinis superficiem expressus, colorem ejusdem statim imminuit, longè tamen abfuit ut tantam mutationem, quantam Spiritus Aceti, induceret.

Exper. V.

Succus Citrei non tantum floridam superficiem Sanguinis mutavit, quantum succus Limonii mutaverat.

Exper. VI.

Nigra infimæque portionis Humani Sanguinis pars inversa, atque aëri exposita, tribus fere horæ quadrantibus (plus aut minus) ipso ejusdem contactu jucundum floridumque colorem acquisivit.

Exper.

Exper. VII.

SI tamen super nigram Sanguinis superficiem Urinosus Spiritus, ut Salis Armoniaci, stillaretur, dicto citius alteratio existeret, ac jucundus color ruber, licet colori contactu aeris producto inferior, ipsa statim Sanguinis in superficie spectandum se præberet.

Exper. VIII.

SAles fixi, aut lixiviati per *deliquium* resoluti nigræ quoque superficiei Sanguinis rubrum colorem conciliaverunt sed non adeo floridum, nec jucundum, qualis erat color ab urinoso Spiritu superius memorato productus.

Exper.

Exper. IX.

Recens Foliorum Cochleariæ succus super nigram massæ Humani Sanguinis superficiem stillatus quandam coloris mutationem induxit, ita ut eam nunc subrubram, floridamque crederemus.

Præcedentes septem notæ innotuisse jam supponunt, cum sanior Sanguis in scutella quieti permittitur, eam concretæ partis superficiem, quæ aeri exponitur, rubro eoque intenso imbuendum colore, ejusdemque massæ sursum inversæ inferiorem prius superficiem, obscuri admodum, atrique, coloris futuram.

Exper. X.

Cum experimenti gratia Phialam, quæ quantum conjiciebam, prope libræ Humani Sanguinis continendæ capax erat, ejusdem liquoris mixtura, ac rectificato Vini Spiritu, fere implesem, cujus quidem

dem poportionem jam non memini, sed quartam aut octavam fuisse partem suspicor: triennio & amplius elapso, Phialam subere tantum obstructam inspicientes liquorem comperimus coagulatum, aut ut cautius loquamur, consistentem: Phiala autem reclusa nullum putrefactionis in Sanguine vestigium apparuit: eumque subodorati, sœtorem, aut graviolem odorem percepimus nullum: tam Balsamica Spiritui Vini ad Corpus Humanum conservandum virtus inest.

Exper. XI.

Portionem fibrosi, aut concreti Sanguinis, fabæ quoad molem adinstar selegimus; cumque eam in exiguum vitreum vasculum cujus fundum planum erat, immisissimus, tantum Spiritus Vinosi summe rectificati eidem affudimus quantum contegendæ massæ triplò spissiori satis esse superque poterat: hoc itaque latiorificii vitrum alio leviter cooperuimus, ac quieto vas in loco statuimus, ut Vinosus Spiritus quasi per otium serosas, aut aqueas

aqueas Sanguinis partes imbiberet, mollemque proinde hanc adhuc substantiam induraret. Quæ quidem reipsa superficiali cito crusta cooperiri videbatur. Quod autem partes interiores molliores adhuc forent, Sanguinem hoc in liquore, die uno, alterove diutius reliquimus; comperrimus tum ipsam liquoris activitatem Sanguinis massam penitus penetrasse, qua & mediocriter indurata, & friabilis facta est.

Hoc experimentum in frigido factum non exigua erit confirmatio experimenti alibi commemorati, atque hunc eundem in scopum facti; utroque autem facile inducor ut non abs re esse putem quod vear ne duo trèsve ingeniosi Scriptores qui solutiones Tartari, & tincturas concreti Sanguinis in Spiritu vini præscribunt, illam *processum* pompam, qua operationes eæ præscribuntur, conjecturæ potius sitæ, quam experientiæ conformiter proposuerint.

Exper.

Exper. XII.

NOn omnino fortè, inutile, aut super-
vacaneum videri poterit deditis
speculationi ingeniis nosse, quantum vo-
latilis Salis Sanguinis, in aqua, aut Phleg-
mate dissolvi posset, cum itaque unciam
distillatæ aquæ [communis enim aqua ob
quandam quæ ipsam comitatur, Salsedi-
nem, non adeo hic idonea foret] diligen-
ter ponderandam curassem, ei paulatim
ficcum & volatilem Sanguinis Salem ad-
didimus, ac coagitatum toto liquore eo
melius dispersimus: requisitam ad solutio-
nem moram dedimus. Atque compertum
habuimus unciam unam aquæ, duas ad mi-
nimum drachmas dissoluturam, hoc est, Salis
ficci, quartam ponderis sui partem, etiam
in frigido. Postmodum enim caloris ope
idem liquor quinque prope supra viginti
amplius grana dissolvit: Qua in poste-
riori experimenti parte ulterius collima-
bam, ut scilicet explorarem num refrige-
rato liquore Sal dissolutum in Chrysallos
insigniter figuratas dissiliret: sed votis eo
tempore

tempore non respondit eventus, neque tamen omnem iterandi, data alia opportunitate, experimenti voluntatem abstulit.

POST-SCRIPTUM.

Exper. XIII.

Commemorata superius solutionem *Retortæ* commisimus, ut sat magno calore proliceretur [quem lentiori hic, leniorique prætulimus] atque liquorem distillatum obtinuimus, qui Sal omne volatile continebat, præter modicum sicca in forma elapsum: Cujus liquoris sapor sat fortis erat ut liquor non minùs penetrans & acutus, quàm moderatus Sanguinis Spiritus communi modo extractus crederetur: Unde sat prope patuit quæ aquei hujus ingredientis ad salinum proportio sumenda sit, cùm ejusmodi conficere Spiritum placuerit; cujus proportionis notitia multorum probabiliter experimentorum nobis instar erit, quæ alioquin
ejus

ejus inveniendæ gratia necessaria forent, quoties, ut sæpe contingere poterit, minor nobis Spiritus, quàm Salis Volatilis copia suppetit, cupimúsque eo liquida in forma uti, in qua distinctionis ergo, *aqueum*, non *Phlegmaticum* Sanguinis Spiritum eum vulgo dicimus.

Ni opportunitas defuisset explorassemus utrum repetita bis terve distillatione arctior, strictiorque Salis unio, & liquoris non futura fuisset. Eoque idcirco libentiùs, quod cum hanc Phialam aqueum hunc Spiritum continentem, in qua aqua, ut ita loquar, superonerata fuerat, per noctem sæviante Gelu obstructam servari curassemus, in ipso vitri fundo quod prius non adverteramus, detexerimus, magnam scilicet copiam Salis Volatilis coagulati, aut in Cryсталlos exporrecti, licet Cryсталli hoc modo obtentæ limpidæ forent, earúmque quædam bracteolis latiores, cum tamen numerosiores, quàm voluissimus essent, & quod arctè sibi invicem, confusèque adhærerent, particularium granorum figuras distinguere non poteramus: ac proinde subdubium mihi inde videbatur utrum Cryсталli omnes ejusdem necne forent figuræ. Nihil

autem aliud distinctè discernere potui, ni quod ex istis concretionibus plurimæ latæ forent, tenuesque laminæ rectilineis angulis instructæ. Quo inducebar ut crederem, si tota ipsarum planities detegi potuisset, eam nos hexagonam comper-
turos fuisse, aut polygonæ cujusdam figu-
ræ non multum ab hexagona discrepan-
tis.

Exper. XIV.

A Quæ distillatæ unciam, in qua tan-
tum Volatilis Salis Humani San-
guinis, quantum absorbere posset, dissol-
vimus, ovo vitreo inclusimus, ut aqua hæc
gelu coiret, aeri per noctem exposui-
mus: quod eo consilio fecimus, ut de-
tegeremus, utrum ut Salsedo aquæ mari-
næ eam hic in *Anglia* à congelatione
communibus saltem annis tueretur, ita Sal
Volatile Humani Sanguinis, Sali marino
quoad saporem simillimum, eodem in a-
quam, Sale præsertim hoc quasi grvida-
tâ, acturum modo foret. Cui eventus
conjecturæ omnino respondit, nullam
enim

enim gelu nostra in solutione glaciem produxit, neque Salem ullatenus in figuras distribuit, (ut omnino desiderabam, quod inde de figuratione Salis Humani Sanguinis pronunciare me quidpiam posse sperarem :) Quamvis autem postea in mixtura tam frigorifica statuisset, quæ cerevisiam probabiliter tum lupulatam, tum illupulatam, ac gallicum fortè etiam Vinum minus generosum congelasset, nullam tamen solutionis nostræ portionem gelu coisse animadvertimus. Frigus enim hoc id tantum effecit, ut ad fundum magna materię copia ruerit, quæ sæculenta in speciem videbatur, quid enim reipsa esset, examinandi opportunitas mihi deerat.

Exper. XV.

SAl marinum in aqua dissolutum longe difficiliorem ejus congelationem reddit, junctum tamen glaciei, aut nivi, alteri frigorificæ nostræ mixturæ *ingredienti*, exterius ubi applicatur, artificialem congelationem multum promoveret, quæ plerumque eo non adhibito non succederet.

Quamobrem exploraturi, utrum necne, ut Sal Volatile Humani Sanguinis in aqua dissolutum, ipsius, ut alibi observabatur, congelationem prohibebat, exterius etiam applicatum glaciationem multum promoturum foret, scrupulum fere, & fortuito hujus Salis convenienti contusæ glaciei quantitati commiscuimus, cum hac in mixtura fistulare vitrum nonnihil tenue aquam communem continens statuissemus, post aliquod tempus comperimus aquam inferiori vitrei vasis parti incumbentem, atque mixtura circumcinctam, versam esse in glaciem.

Exper. XVI.

UT quibusdam animum suspicionibus de salinis, aqueisque partibus quas latere fortè in fibrosa, ac consistente Humani Sanguinis parte existimabam, liberarem, aliquam ipsius portionem in aperto tenuique vitro, aeri, sæviante, per noctem, gelu exponendam curavi: postero autem mane comperi eam leviter glaciata, atque glaciei superficiem perpulchrè

pulchrè pectinum instar utrimque dentatorum figuratam: quæ proindè figuræ non malè eas imitabantur, quas sæpe obtinui, coagulata lentè in salem solutione Salis Armoniaci in aqua communi facta.

In secunda præcedentis apparatus parte nihil de medicis ipsiusmet Humani Sanguinis virtutibus dixi (Medicæ enim Spiritus virtutes ad quartam partem pertinent) licèt autem jam, si quidem ita videretur, quidpiam non abs re hoc super argumento hac in appendice dicere possem tum ex libris in lucem editis, tum ex propriis observationibus; supersedeo tamen impresentiarum, non tantùm ob causam quam hic declarare necesse non est, sed quia quatuor, aut quinque processus Humani circa Sanguinem, quos in *Paracelso*, *Burgravio*, ob tactum ex eo *Biolychnium* celebri, offendi, ac duo fortè præterea circa morborum, ope Sanguinis ægrorum, transplantationem, vel ejusmodi omnino sunt quos minus intelligam, quòd obscurius fortè dedita opera conscripti fuerint, vel vero sane perquam absimiles videantur: cujusmodi est *Biolychnium*, aut lampas vitæ, in qua Sanguis ita fingitur præparatus, ut ejus, cujus erat,

valetudo, licet procul diffiti ex ipso quo flamma quam emittit, ardescit, modo, de regi certo possit, ejusdemque interitus ex flammæ extinctione colligi queat. Sed quibusdam, præterea, ut alibi insinuavi, circumstantiis ad Humani Sanguinis cines pertinentibus, inductus sum ut dubitarem utrum eorum processuum quidam, non phantasie potius, quam experientie partus forent. Licet autem eorum remediorum effectus minus incertos fore putem, quæ non multum labefactata Sanguinis, ignis vi, textura ad morborum, ipsius interventu, transplantationem collimant, ea tamen transcribenda minimè esse putavi, dum rem experientia totam confirmet: neque propria ipse experimenta, quod eorum necdum viderim eventus, proponam: ad geminorum tamen remediorum præparationem te hortor, quæ si successerint, posterius maximè, alia non pauca insignia medicamenta subministrare poterunt. Primum itaque medicamentum conficere conatus sum ex addito, Sali Tartari, non Oleo Terebinthinæ, sed Sanguinis Humani: mixturam autem hanc, diu servavi, circumegique aperto in aere, ut ejusmodi concretio saponaria foret, quæ
Londinensibus

Londinensibus plurimis nomine *Matthæi Correctoris* innotuit. Quæ ex communi licet *Terebinthinæ* Oleo facta, levisque in speciem compositio videatur, magni tamen fit, adhibeturque foeliciter à nonnullis medicinæ Doctoribus, aliisque artem medicam *Londini* exercentibus. Ut alterum medicamentum conficeremus digestionem diuturna Salem, Spiritum, Oleum Humani Sanguinis, mixturæ quam Chymici nonnulli [neque enim easdem voces eodem ii omnes sensu usurpant] *Chyssum* appellant, unire conati sumus. Cum autem inchoatum hoc opus perficere, quod otium deforet, non potuerimus, de eo nihil ulterius proloquemur: id tantum postremum addam hoc compositionum genus considerari posse, ac deberi à Chymicis tanquam è nobilissimis præparationum generibus, quarum plurima, quæ remedium materia esse solent, capacia sint.

*Particularia ad tertiam
Historiæ partem re-
ferenda.*

Exper. I.

Cum junioris cujusdem Sanguinem è vena in scutellam emissum horis pluribus servassemus ut sufficiens fieret separatio partis consistentis, seu coagulatae a fluida, fibrosam portionem, ac serum seorsim ponderavimus: discrimen autem, quoad pondus utriusque massæ, non tantum erat, quantum quis forte expectasset: coagulata enim Sanguinis pars sex tantum circiter uncias ponderabat, ac serum non multis drachmis illud infra pondus erat. Hoc experimentum hic proponitur, facta cum aliis quibusdam comparatione, ut sciatur Sanguinis bene valentium discrimen, quoad seri, partisque coagulatae proportionem.

Exper.

Exper. II.

CUM Humanæ Urinæ superficiem, peracutus Dominus *Hook* primus, quoad sciam, ipseque met. sæpenumero observarim, quoties glaciatur, variis distinctam figuris pectinum adinstar, aut plumarum, magna illa, quæ vulgo creditur urinam inter, ac serum Humani Sanguinis affinitas, impulit me, ut simul ac semel experirer utrum liquor hic postremo nominatus, eâ frigoris intensione congelasceret, quâ facile, licet non admodum facile aqua glaciaretur, ac utrum, si quidem congelaretur, aciei superficies congelatæ instar Urinæ figuranda foret.

Cum autem hunc in scopum serum Humani Sanguinis frigido aeri, sæviente per geminas continuè noctes gelu, exposuissem, serum non est congelatum, licet grumosa quædam Sanguinis partes, ut alibi notatum est, congelascerent. Dubio tamen procul fortior congelatio tenuem saltem glaciei laminam in liquoris superficie

superficie productura fuisset: cujus con-
jecturæ confirmandæ gratia cū serum
linteo filtrassemus, ut liquor quantum fie-
ri posset, ab omni fibrosa particula in eo
fortè latente segregaretur, arctiori illud
vitro conclusimus, quod super frigorifi-
cam nostram mixturam statuimus, mix-
turam inquam ex Sale & aqua factam, cu-
jus sæpe descriptionem dedimus, & qua
sæpe in historia frigoris usi sumus. Unde
exposito sero ab ipso sursum fundo con-
gelato; quædam hinc inde in glacie aeri
contigua, visæ sunt figuræ, quæ congelatæ
urinæ figuras sat prope imitabantur.

Exper. III.

CUM aliquando observassem urinam
humanam adhiberi posse ad illud
atramenti genus quod invisibile vocant
faciendum: cūque, dum hoc recorda-
rer, magnam illam, quæ urinam inter &
serum Sanguinis ponitur, affinitatem re-
spexissem, explorandum censui, utrum
posterius prioris adinstar ad invisibile
quoddam atramentum faciendum usurpâ-
non posset: hunc itaque in scopum in-
tincto

tincto in fero Humani Sanguinis calamo super candidæ papyri portionem charecteres quosdam exaravimus, quibus exsiccatis, in exaratum papyri latus flammæ candelæ superimposuimus, agitavimusque continue ne ignem conciperet; quo factum est ut scriptæ litteræ in superiori chartæ superficie apparerent non atramentitii quidem coloris, obscuri tamen sitis ut facile legi possent; aliis autem quibusdam characteribus persimiles erant, qui recenti cum urina consultò scripti, ac calore conspicui facti, cum ipsis collati fuerunt.

Particularia ad quartam Historiæ partem spectantia.

TAM exigua fateor hætenus historica Humani Sanguinis extravasati notitia extitit, iique, quos hac super re percurri, auctores tam pauca ex propria tradunt experientiâ, ut quæ aliorum è lucubrationibus

brationibus tractatulo huic inserui vix dimidiam omnia schedam impleant. Quam tamen penuriam non ex scriptorum desidia, aut ignorantia natam putem, sed ex eo potius quod exercitato in historiis naturalibus designandis, qui exemplo præiret, aut faciem præferret, duce carerent; ejusmodi enim hominis subsidio, & eorum excitata curiositas, & attentio certius directa fuisset: cum multa multi inquisituri forent, si quid maximè de proposito argumento quærendum sit, edocerentur, aut ipsimet scirent: humano putà de Sanguine, quo modo methodòve ipsius in naturam inquirendum sit, ac proinde futurum spero ut præcedentium schema titulorum, scriptaque huc pertinentia, viam patefactura sint ad plura longè experimenta atque observationes humanum circa sanguinem, aliosque fortè Humani Corporis liquores, quam aut alii aut ipsemet hæctenus divulgavi; atque postremum id idcirco addo quod exhaustum à me hoc, de quo ago, argumentum minimè censeam: cum alios præter defectus, præcipui momenti titulum omnino prætermiserim, qui vel ad primarios primi ordinis titulos referri, vel secundariis historiæ
Spiritus

Spiritus Humani Sanguinis præfigi potuisset: titulus hic ad varios distillandi Humani Sanguinis modos spectasset; quod ex iis productus spiritus, sal, &c. varietatem non minimam ducere potuissent.

Quare tres Humani Sanguinis siccati portiones diversis cum additamentis distillandas curavi: prima portio *minerali cum alcali, calce scilicet viva*, distillata est, secunda cum *alcali vegetabili, calcinato Tartaro*, tertia cum *acido Salpureo, Oleo Vitrioli*: licet autem ab expetita horum experimentorum prosecutione casu quopiam prohibitus fuerim, cum tamen sat fortunatus primi experimenti successus fuerit, reliquæque duo non omnino à scopo aberrarint ea hic è *notis* meis describam.

Exper. I.

CUM observatum fuisset varia corpora cum calce viva distillata, suppeditare liquores ab iis discrepantes quos suppeditassent, si aut per se distillata fuissent, aut vulgaribus quibusdam cum additamentis; uncias quinque concreti quidem, at siccati Humani Sanguinis

nia selegimus, quas cum æquali calcis vivæ [non tam fortis quàm sæpenumero videram, sed qualem habere potui] ponderi miscuissimus variis ignis intensiōibus, in Retorta arenæ imposita distillavimus: quò factum est ut magnam spirituosæ liquoris subrubri copiam obtinuerimus, qui non admodum phlegmaticus videbatur, necnon permodicam Olei quantitatem; permodicam inquam, quod residuum calx viva vel prohibuerit, vel forte etiam ex parte destruxerit: permodici autem huius Olei, quod prolectum est, seu superaffluxit, exigua in spiritu portio immersa fuit, Oleo residuo eidem superinparante.

Spiritus præmemoratus exiguo *Capiti & Corpori* commissus, in digestivo furno dispositus est, ut lentè, lenique admodum calore rectificaretur: *recipiens* autem ter mutavimus, quaterve, ut si quod inter ascendentes successivè liquoris portiones discrimen intercederet, observaremus: qui primus supereffluxit Spiritus non omnino tam foetidus erat, quam soleat esse is qui est *per se* distillatus: quæ observatio ad tres, quatuorve succedentes liquoris portiones pertinet. Forte quod calx primæ distillationis

stillationis spiritum foetido magis Oleo liberasset, cujus particulae plurimae licet imperceptae eidem commisceri solent, quoties absque additamento prolicitur: Spiritus rectificatus, qui limpidus erat, & coloris expers, fortioris erat multo, saporis, quam odoris: exigua enim ejusdem guttula in linguam decidua, igneam quandam, quam miraremur, vim prae se ferebat: quaeque votis diutius perseveraret: unde subdubitare coepi utrum spirituosam sanguinis pars, igneas quasdam calcis vivae particulas secum non evexisset: Quod si experimenta impofterum facienda demonstrarint, insolitos ab ejusmodi Spiritu effectus merito quis expectaret, qui hoc in casu *volatificato* quodam *alkali* a variis Chymicis, medicisque multam expetito praeditus foret. Hac suspitione moti modicum illius in validam sublimati in aqua limpida solutionem stillavimus: primoque statim contactu praecipitatum facere subflavum videbatur: quod ut observavi, salinae calcis vivae partes & magis adhuc praestant, quamvis praecipitatum postea candidum apparuerit, illius adinstar quod cum vulgariibus naturae urinosae liquoribus volatilibus conficitur.

Sed

Sed quia sperabam, alcalizatum nostrum Sanguinis Spiritum, si ita loqui licet, peculiari quapiam qualitate à spiritu absque additione extracto, distinguendum, pauca cum eo facienda duxi experimenta, quorum eventus expectationi meae respondit. Cum enim ovo vitreo tenuis colli spiritum nostrum bene rectificatum imposuissemus, Sal tum Volatile sicca in forma nullum subministravit, licet postmodum, ni fallor, modicum tandem alio experimento obtinuerimus: continuato aliquantò obtinacius experimento comperimus Spiritum amissa, ignis vi, limpiditate, lutosum, turbidumque evasisse.

Ubi aliam ipsius quantitatem ardenti Spiritui summè rectificato commiscuissem, ac nocte tota in frigido servassem, nulla inde facta est congelatio, neque ullam animadverti, postquam per plures horas moderato in calore extitisset. Ipsa autem mixtura flavum acquisivit colorem, neque absque stupore nostro sat magnam subnigri pulveris copiam demisit, licet non eam quæ ad nova nos circa ipsum experimenta facienda alliceret.

Alii spiritus nostri portioni optimum Salis Spiritum adjecimus: licet autem
mutuum

mutuum ad occursum fumos cierent copiosos, nullum tamen ipsa in commixtione strepitum, bullulas nullas observavimus.

Cum autem aliam Oleo Vitrioli portionem commiscuissem, magnus licet excitaretur fumus, ac præterea intensus pro quantitate materiæ caloris gradus produceretur, conspicua tamen nulla facta est ebullitio, strepitus nullus, bullulæve productæ: color autem Olei Vitrioli multum exaltatus est, mixtura jam in rubrum fere evadente.

Ex his aliisque id genus Phænomenis colligere licet, *Alcalisatum nostrum Sanguinis Spiritum* non una tantum in re à simplici discrepare, utrum autem ex discrimine hoc aut valentius medicamentum, aut ob nimiam ignearum calcis vivæ partium participationem minus tutum sit futurum, ulterior nos experientia docebit: sed verò non absimile videtur magni pretii, momentique liquorem fore, sive spectetur ut medicamentum, sive ut menstruum, sive utroque modo: quam ob causam minutiùs eum accuratiùsque descripsi.

Exper. II.

Duas selegimus uncias Tartari ad albedinem, æquali accensi nitri pondere, calcinati, hocque alcali duabus siccati, pulveratque Humani Sanguinis uncis miscuimus: ex hujus mixturæ in retorta, in furno arenæ distillatæ productionibus patuit calcem vivam longè tum aliter Humanum in Sanguinem agere, quàm reliqua alcalia agere soleant, cum enim distillatio, in qua calx adhibebatur, nobis, ut observatum est, supeditaret spiritum ante rectificationem valde fortem, siccoque sine Sale, calx nitri, & tartari, subministravit ipsa prima distillatione spiritum minùs fortem; sed præterea tantum Salis Volatilis, quantum cooperiendo fere interiori recipientis lateri par foret, ut nunc omittam intercedentem capita mortua ipsa inter differentiam; quamvis autem fortis salinus Sanguinis Spiritus viva cum calce factus, nullam, ut superius observabamus, acidis cum Spiritibus produceret effervescentiam, volatile
tamen

tamen Sal hoc affuso Salis Spiritu produxit.

Exper. III.

PRæter fixa alcalifata additamenta, quibus ficcatum Humanum Sanguinem distillavi, acidum admodum additamentum Oleum Vitrioli nempe addendum ei putavi. Jampridem enim experientia comperebam, & alibi, ni fallor, retuli, hunc liquorem aliis quibusdam corporibus permixtum ad animale maximè regnum pertinentibus, miro quodam modo suas iisdem permiscere substantias, [neque enim simplex corpus putem] ac insigniter distillatione producta variare. Tribus itaque uncis Humani Sanguinis pulverati æquale Olei Vitrioli pondus affudimus, ut aliquamdiu post exploraremus, utrum aliquis actione corrosivi hujus menstrui licèt in corpus naturæ non mineralis, excitandus calor foret, comperimusque post aliquod tempus incaluisse sensibilibiter mixturam. Retortam tum furno arenæ imposuimus, factæque variis ig-

nis intensionibus distillatione spiritum, quem magna Phlegmatici liquoris copia præcesserat, obtinuimus Sulphurei odoris, sed gravis adeo constantisque, ut rem non mirari non potuerim. Caput mortuum intactum relinquere coactus sum, quia quædam me movebant ut crederem naturæ illud adeo compositæ fuisse, ut in præsentī rerum mearum statu examinare id penitus mihi non liceret, illud tamen observatione dignum videbatur, quod licet Oleum Vitrioli varia in corpora, quibuscum distillationi committitur, aciditatem & virtutem fixativam maxime exferat, experimentum nostrum magnam volatilis materiæ in forma Salis albi, quantitatem nobis suppeditaret. Sed quæ & sapore & odore prorsus insolitis, mihi molesta foret: non aderat mihi tum ejus diligentius examinandæ opportunitas, neque omnino per otium tum licebat experi-ri utrum medica forte quapiam virtute polleret: licet vitreum quoddam instrumentum tum apud me foret, quod consultò præparaveram ut magno cuipiam obviam irem incommodo, quod plerumque occurrit, ac de quo ipse, aliique sæpe conquesti sumus, in ipsa scilicet Chymi-
corum

corum methodo sublimationum Volatilis Salis repetendarum, Salis inquam seu solitarii, seu cum additamentis. Cui instrumento nunc describendo immorari nequeo, at si in posterum tam utile futurum videatur, quam expeditum, factum tibi unum offeram. Cum hæc tanquam præliminaria præmiserim, progrediar ad Experimentum primum.

Exper. I.

Naturalistis quibusdam, medicisque, qui cudendis hypothefibus delectantur non fuerit forte ingratum nosse, nos curiositate motos auri fulminantis fabricationem aggressos esse, præcipitata solutione auri in aqua regia facta. cum Spiritu Humani Sanguinis: dulce autem præcipitatum cum aqua communi reddidimus, siccumque effecimus, quibus omnibus effectum est ut optatis eventus responderet.

Exper. II.

CUM in vasculum lati orificii tantum Spiritus Sanguinis immissemus, quantum cooperiendo exigui Thermoscopii sigillati Globo satis foret, hocque instrumentum per tempus aliquod eo in situ tenuissemus, ut & ambiens, & ambitus liquor ad eandem reducerentur temperiem, quoad calorem & frigus: Spiritum æruginis factum per se superaffudimus, advertimusque, licet liquor hic cum aliis volatilibus liquoribus salinis diverso admodum modo operaretur, dum tamen in Spiritum Sanguinis ageret, cum quo excitatis bullulis confligebat, caloris in mixturâ intensionem esse productam, quæ in exteriori vitri latere sensui patebat, sed ipso in thermoscopio sensibilior longè erat, cujus liquor hinc rarefactus priorem supra stationem multum ascendit; ad quam finito jam geminorum liquorum conflictu, coepit, sed lentius paulò, reverti.

Exper.

Exper. III.

CUM paulatim Spiritus Sanguinis tantæ Spiritus Nitri quantitati miscuissem, in quantam manifestè agere posset: mutuo utriusque conflictu non sine strepitu plurimæ productæ sunt bullulæ: servata autem quieto in loco mixtura, donec mutuo in se agere liquores omnino defuissent, patuit tum, magna licèt curâ Spiritum Sanguinis Oleo expedire stude-remus, oleagineum quidpiam quod in eo latuerat, detectum fuisse, ac partim hac operatione separatum, cum non color tantum subruer ea productus sit, sed aliquamdiu post ipsa liquoris superficies tenui eâ quasi membranula cooperta fuerit, qualem sæpe salinis in liquoribus observavi, plenius, Antimonio, aliòve Corpore Sulphureo gravidatis. Hujus autem tenuis membranulæ superficies ita disposita erat, ut eam conveniente in situ intuenti mihi, aliisque aliunde contemplantibus, videretur iridis omnino coloribus ador nata, hoc est, colore rubro, flavo, cæruleo, viridi,

codémque, si rectè memini, ordine quo colores ii in nubibus videndos se præbent.

Exper. IV.

CUM alias inter sepositas, neglectasque diu Phialas unam reperiissem, cui duodecim antè annis hæc verba inscripta fuerunt, *Spiritus Humani Sanguinis*; ea casu nescio quo negligentius obstructa fuerat, non ita tamen ut liquorem multum idcirco consumptum existimarem, quo nihil prohibente, ac licèt liquor altiore acquississet colorem, vini ferme rubri adinstar, roboris tamen tantum perdidisse videbatur, ut vix quidquam aliud quàm inutile phlegma dici posset; quam observationem oblivioni minimè tradendam censeo, ex ea enim conijcere possumus, quàm exigua genuini Spiritus, aut Salis portio ad conciliandam Liquori cuiuspiam Spiritus Humani Sanguinis appellationem requiratur.

Exper.

Exper. V.

SÆviente gelu seriùs sub noctem duo fortè, triave Spiritus Humani Sanguinis cochlearia non sane optimi, sed ad summum mediocriter fortis aeri exposuimus. Licèt autem illius tempestatis frigore Phiala plena fere Oleo Vitrioli congelata fuisset, nòxque illa, qua Spiritus noster aeri exponebatur, mediocriter saltem objecta quæque congelaret, postero tamen die ne minimam quidem glaciei laminam in eo offendimus. Sed Phiala in mixturam pulveratæ glaciei, Salisque communis, remota brevi sat tempore comperimus, maximam Spiritus partem versam esse in tenuis glaciei laminas, quæ sibi mutuo proximè adhærebant, quarúmque acumina sursum vergebant, instar foliorum libri depressa deorsum, aut inversa posteriore parte, sursum respicientium.

Exper. VI.

UT ulterius exploraremus experimentum illud imperfectum in titulo subordinato commemoratum, grumulum Humani Sanguinis fabam circiter mole æquantem selegimus, eumque Phialæ sic commisimus ut pars ea quæ aeri contigua erat, adeoque florida, infima nunc foret, altera verò, quæ nigrior erat, summa existeret : nulla itaque interjecta mora Spiritus Humani Sanguinis tantum ei affudimus, quantum eidem cooperiendo ad minimum satis foret: ejus autem contactu animadvertimus statim imminui superficiem Sanguinis nigrorem, quin & superficiem insigniter floridam eo fieri; exploraturi autem id utrum duraturum esset, Phialam obstructam ad posterum usque diem (tum enim nox erat) seposuimus. eamque tum intuiti, superficiem colorem non nigrum, sed rubrum adhuc reperimus.

Exper.

Exper. VII.

Pulveri Humani Sanguinis siccati (exigua in Phiala) Spiritum Humani Sanguinis affudimus, qui cito partem illius dissolvit, intensumque ac jucundum acquisivit colorem. Sed Spiritus Vini summè rectificatus, eidem pulveri affusus simili in vitro, manifestam nullam per varias horas acquisivit tincturam, ac tandem tantummodo pallido-flavam obtinuit, servata etiam diu moderato in calore mixtura: communis tamen aqua in alteram ejusdem pulveris portionem injecta, ex acquisito colore, sat magnam illius partem visa citò est dissolvisse.

Exper.

Exper. VIII.

CUM Spiritum Humani Sanguinis affudissemus excellenti vitriolo quod ex Indiis Orientalibus, ni fallor, tanquam rarum quidpiam acceperam, cujus altera pars in massas distributa erat, pars altera in pulverem confusa; liquor ille, qui priori affusus est, quam lentius dissolvebat spumam fere nullam excitavit: affusus tamen posteriori Spiritus, subita in pulverem actione, spumam manifestam produxit: solutiones autem ex utraque Vitrioli portione factæ, ipso profundius, jucundiusque minerali erant coloratæ, neque ullum in eis coloris obscurioris præcipitatum observavi, quemadmodum in mixtura urinæ, & Vitrioli vulgaris animadverti.

Exper.

Exper. IX.

Cum nitidiore calamo characteres quosdam candidam supra Papyrus cum Spiritu Humani Sanguinis exarassem, atque ut exsiccatum inexaratum latus per Candelæ flammam movissem, liquorem comperi hunc, ubi res ita exigit, adhiberi posse tanquam invisibile atramentum comelius, quod superius ex sero, & urina confectum diximus.

Exper. X.

CUM experientia didicissem varios sales, quosdam quidem Volatiles, pulveratos, quosdam verò non volatiles, aquam, dum dissolvuntur, sensibiliter refrigerare, atque è contrà, aliquos valde subtiles Spiritus actu frigidos in aqua frigida
sensibilem

sensibilem citò calorem producturos, experiri statui, quis Spiritus Humani Sanguinis eundem in modum adhibiti effectus futurus esset. Cum itaque sigillatum Thermoscopium in vitro lati orificii statuissemus, in quo tantum aquæ distillatæ erat, quantum cooperiendo instrumenti Globo satis foret: eo illud in situ aliquamdiu, ut internus eandem externusque liquor frigiditatis intensiorem consequerentur, reliquimus: immerso tum Globo duo triæ Spiritus Humani Sanguinis Cochlearia [neque enim major ad manum copia tum erat] affudimus, sed per exiguum inde in Thermoscopio percepimus alterationem: perparum tantum Spiritus Vini in collo vitri subsidere visus est. Qui effectus licet multo manifestior fuisset; admirationis mihi causam præbuisset nullam, tum quia comperi Spiritus Urinæ non ablimilem, aut maiorem esse effectum, tum quia memineram quid ipsemet de operatione puri Salis Humani in aquam distillatam alibi retulerim: quo propterea utor liquore in illis, variisque aliis experimentis, quod in communi puteali aqua, eaque quæ anthia educitur, atque in plerisque aliis aquis communibus, quoddam communis salis

salis genus observarim, quo licet permotico sat facile coagulentur cum salinis quibusdam corpusculis, aut eadem sive simpliciora, sive magis composita præcipient: prius autem quàm experimentum mox relatum relinquam, fateor ingenuè in eo me conquiescere non posse, quod verisimiliter sensibiliùs in aquam acturus fuisset Spiritus Sanguinis, si sat mihi copiosus, qui aquæ affunderetur, adfuisset.

Exper. XI.

TEnui Phialæ Cylindricæ, cupri limaturas imposuimus plures, quàm requirerentur ad fundum omnino contegendum, tum affuso Humani Sanguinis Spiritu donec prope pollicem supra limaturas assurgeret: Phialam arctius obstruximus, atque ut expectabamus aliquam metalli partem menstruum dissolvit, ex eoque colorem intensè cœruleum acquisivit, qui servato, quieto in loco per aliquot dies, vase paulatim evanuit, liquorém-
que

que reliquit instar aquæ. Phialâ tum deobstructâ, superficies, ut expectabamus, pulchrè cærulea in confinio aeris & liquoris intra unicum horæ minutum apparuit: atque pulcher color hic expandens sese deorsum, toto brevî liquore sic diffusus est, ut opacus fere evaserit. Licet autem vitrum multos post dies bene obstructum servarim, color nihilominus, sive ob relictam aeris nimiam in phiala copiam, sive ob aliam quampiam rationem, non evanuit ut sperabamus, sed intensus admodum perseveravit: hoc & confirmare poterit, & variare experimentum in titulo decimo tertio quartæ partis hujus apparatus relatum.

Exper. XII.

NON in Cuprum tantum forma metallica perfecta donatum, sed ab ipsa natura inchoatum, aut forti materiæ mixtum Spiritus Humani Sanguinis manifestè egit

egit, cum enim eum *Lapidi Armenio* pulverato affudissem, liquor etiam in frigido, paucarum horarum spatio colorem & putchrè, & intensè cæruleum acquisivit, instar fere solutionis limaturarum crudi cupri cum eodem menstruo factæ.

CONCLUSIONES

1. *Concoloratus* est liquor, qui ex *Lapide Armenio* & aqua fortiori factus est.

2. *Concoloratus* est liquor, qui ex *Lapide Armenio* & aqua fortiori factus est.

3. *Concoloratus* est liquor, qui ex *Lapide Armenio* & aqua fortiori factus est.

4. *Concoloratus* est liquor, qui ex *Lapide Armenio* & aqua fortiori factus est.

5. *Concoloratus* est liquor, qui ex *Lapide Armenio* & aqua fortiori factus est.

6. *Concoloratus* est liquor, qui ex *Lapide Armenio* & aqua fortiori factus est.

7. *Concoloratus* est liquor, qui ex *Lapide Armenio* & aqua fortiori factus est.

D Totius

.luq omnia ibi qua. I. (quod) omnia inu. (in) uer
 obigit in mente rousil. (in) uerbo. (in) uerbo
 .luq s. m. (in) uerbo. (in) uerbo. (in) uerbo. (in) uerbo
 .ni. (in) uerbo. (in) uerbo. (in) uerbo. (in) uerbo. (in) uerbo
 .no. (in) uerbo. (in) uerbo. (in) uerbo. (in) uerbo. (in) uerbo

Totius Operis CONCLUSIO.

HIC tandem, vir ornatissime, tracta-
 tum hætenus argumentum di-
 mittam, cui diutius longè opinio-
 nè primùm mea immoratus sum : si quid
 tamen apud te possum, novam adhuc hu-
 meris tuis provinciam imponam; horta-
 bor itaque te ut ne graveris, quo & tibi,
 & mihi fiat satis, severam iterum ad tru-
 tinam revocare è superioribus experimen-
 tis ea quæ variantis fortè contingentisque
 naturæ judicaris : quamvis enim non du-
 bitem quin persuasum habeas non minore
 me fide, quam perspicuitate materiam
 facti tradidisse, nec à recto veri tramite
 hypothesis meæ studio, fuisse detortum,
 hæc ipsa tamen exhortatio mea, & non
 inutilis, & rationi omnino consona est.
 Humanum

Humanum enim Sanguinem admodum
variantibus circumstantiis adeo variis
ac habituali maxime Sanguinem consti-
tuens constitutione, ut ipsoque et iisdem
Phlebotomico tempore, statu, ut sup-
radictum prorsus qui mihi obtrigit, quilibet
hæc experimenta repetenti vestigium poli-
liceri non audeat: quin etiam acque vae-
formem mihi ipse successum promittere
possum, cum ex propriis experimentis illi
repetam, quæ peculiarem exigunt acqui-
sitionem: si præsertim ea repetieris, ut
maximè cupio, majorem cum Sanguinis
quantitate, quam in prioribus faciendis
adhibere mihi licuit.

Traditis hæcenus de historia Humani
Sanguinis, alia quædam si per orium
mihi, aut prudenter liceret, superaddere
possem: quantumvis enim incultum
hæcenus hoc argumentum fuerit, non adeo
illud sterile comperi: dum enim quædam
de eo experimenta traderem, illorum con-
templatio, ipsiusque rei naturæ, nova
suggerit: sed aliquis demum statuendus
appendici modus, quæ, cum rhapsodia
tantum quædam *notarum*, aliarumque re-
rum à scripto apparatu mihi occurrenti-
um sit, prolixior fortè, inordinatioque

videri poterit. Hic autem memini potestremos duos quartæ parti apparatus titulos, externum, internumque in re medica Spiritus Humani Sanguinis usum spectare; ac proinde quædam hic à me experimentis, aut observationes quædam huc spectantes fortè quis expectarit. Sed tum rationibus superius allatis, tum ipsa adhuc earundem incomplectione ab hisdem in lucem adhuc edendis deterreor, nisi id tu, doctique amici tui jubere volueritis, cum major erit mihi obediendi opportunitas, nunc enim aliis, quibus vacare me oportet, alio distrahor negotiis; ulterius proinde hujus argumenti examen tibi relinquam necesse est, iisque qui artem medicam profitentur, qui id prosequi & magis tenentur, & accuratius poterunt: id autem à vobis vel idcirco sperare me liceat, quod partem tantum eorum quæ scripsi, volante oculo perstringenti, tam multa de *originalibus* etiam, ut ita loquar, *experimentis*, aliisque rebus consideratione dignis, mihi occurrerint, ut animadverterim appendicem duplici rerum genere crescere facile potuisse: harum autem quædam *designata experimenta* complexæ fuissent,

hoc

hoc est, nondum facta, sed quæ fieri deberi merito, viderentur, quibus verosimiliter ingeniosissimus *Verulamius* noster *Historiæ Designatæ* titulum attribuisset; quædam vero ea comprehendissent experimenta, quæ *Succedanea* voco, hoc est, quæ circa Brutorum Sanguinem facere statueram iis in circumstantiis, in quibus Humanus Sanguis aut haberi nequit, aut procurari non debet. Quæ primum vice id mihi felicitatis obtigerit ut tuo aliquantisper fruar colloquio, quæ hujusce generis collegerim exponam: si autem divino beneficio, prospera utar valetudine, ac negotia permittant, omnino enim polliceri non ausim, proponam tibi fortè quæ mihi occurrerint *addenda*, ut quæ conducere plurimum possint ad copiosius, accuratiusque schema titulorum quales fere sunt, quos in prima apparatus parte titulos secundi ordinis appellavi, cui schemati expedire omnino, ut materiam quis pararet, eò magis inducebar ut crederem, quòd rem iterum totam serio contemplatus animadverterim particularia hoc libello comprehensa, ea, ut superius agnoscebam, ipsæque facile credideris, minimè complecti

plecti omnia, quæ de tam nobili, utili-
que quod tractandum suscepì, argumento
doceri, queant & debeant. Hic autem
loci ingenue tibi fatebor, quantum qui-
dem, ad illud quod mecum ipse designo
humanae notitiæ incrementum spectat, in
ea omnino me esse mente, plerisque, qui
nunc vivunt, ingeniosis, sat superque
esse debere, si nobilia circa argumenta
se se exercuerint, industrisque ad scienti-
am, quæ profit, promovendam conatibus,
& divinæ gloriæ, & humani generis com-
modis servierint. Omnino enim futurum
existimo ut oculatior, atque etiam illumi-
natio postestas, eò usque demum pro-
grediatur, ut quibus hæc ætas prioribus
se se præfert, ea aut perquam facilia, aut
minimi fere momenti putet: demira-
buntur itaque forte posteri res sibi adeo ob-
vias aut tamdiu nobis fuisse ignotas, aut
tanti æstimatas: quos forte fastuosa quadam
commiseratione respecturi sunt, nisi ut æ-
qui rerum æstimatores, & quàm pauca con-
secuti simus & quàm multa nobis defue-
rint auxilia, perpenderint, aut certe digna
generosis animis gratitudine meminerint,
quantas hæc ætas difficultates superavit,
dum fracta, ut vulgò dicitur, glacie viam
ipsis

ipsis planam, & directam pararet, qua nobis post se relictis longè præirent: cum hæc asseram de foelicibus ingeniis quæ doctissimo huic sæculo prælucent, non erit spero cur existimes me, qui his celebrandis, quàm adæquandis aptiorem me profiteor, deterrere velle te, à promovendis, superandisque iis, quæ hoc in tractatulo tuo submisi iudicio, tuæque censuræ,

tibi addictissimus,

R. B.

Ponte Equitis

Decembris 22. 1683.

FINIS.
